

1920

# ვისტრუელ

ქართული  
საზოგადოებრივი



## ზ ი ნ ა ა რ ს ი

პ ო ე ზ ი ა:

ნოე ჩხიკვაძე }  
1. უპატრონო  
2. ამონაკვნესი

ელენე დარახველიძე—უსახო ღამე  
იასამანი—ძერა

ობოლი მუშა—საფლავთან

გ. ქუჩიშვილი—ნაადრევი ვარსკვლავი (პოემა)

ბ ე ლ ე ტ რ ი ს ტ ი კ ა:

ვასილ ბარნოვი—განასკვილი სიმი

კ. გამსახურდია—რომში

ი. მჭედლიშვილი—მეოცნებე გოგი

კ რ ი ტ ი კ ა:

ს. აბაშელი—ნოე ჩხიკვაძე

არჩილ რუხაძე—ერთხელ ვიყავ მგოსანი

აკაკი პაპავა—ფიქრები თეატრის კრიზისზე

---

ავტორები მოთავსებულია ანბანზე

899.962.1(08)  
ც-67  
ქართული  
ბიბლიოთეკა

# ს ი ს ა რ ტ ყ ე ლ ა

ყოველ-თვიური ჟურნალი

95806

კომუნია ☆☆☆☆  
ბელეტრისტიკა  
დრამა ☆☆☆☆  
ქრიტიკა ☆☆☆  
ბიბლიოგრაფია



№ 7  
თ ბ ბ ი ს ი  
1920

პ რ ე ზ ი ა



6. ԲԵՈՒՅՅԱԾ

Կ Ե Ն Ս Ի Տ Ե Ն Կ

Առջ Կենդանուհի անբռնկան զբերուի Գծիկն  
ու թիկն Եկարոս բուն ժամանակն Կուրազուցն  
Կարոն և ոգիս թամբուրակցան տեսնեալ ին  
ան ժակ զի թիկն ոչ ու պահես, զպտ. նոյր լուսն...

Ենթևան թակ թիկն թոյգ կիսն սքտան ծիրան  
ու թոյ թիկն կիսն Կարոս թիկն Կարոն թիկն  
Կարոն թիկն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն

Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն

Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն

Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն

Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն

Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն  
Կարոն Կարոն Կարոն Կարոն Կարոն Կարոն

Կ. Կենդանի



## 6. ჩხიკვაძე

## ამონაქვენისი

რას გადმეკიდე, რა გინდა,  
 რას მერჩი, ბედო ტიალო,  
 ათასჯერ მომკალ და კიდევ  
 რათა გსურს გამატიალო?  
 გული არ მერჩის, ნუგეში,  
 სული წამებით მკვდარია,  
 ჩემი ყოფნა და ცხოვრება  
 მუდმივი გლოვა-ზარია.  
 სადაც-კი ბუდე ჩავიდგი,  
 ყოველგან კუბო დამხურე,  
 ნაღველი ღვინოთ შემასვი  
 და ცრემლზე სისხლი მაპკურე;  
 ვიშრომე—უქმათ გამიქრე,  
 ვილოცე—ცოდვა მარგუნე,  
 სადაც-კი წაველ-წამოველ  
 ყველგან უკულმა მაბრუნე.  
 რჯულ-ძაღლო! მე თუნდ დამახრჩვე,  
 შემართე უფსკრულის ტალღებსა,  
 ჩანგს ვინ ჩამოკრას ბრძოლისა,  
 ვინ უპატრონოს ბაღღებსა?!  
 გინდა ყაჩაღათ მაქციო?  
 ეს ხომ დაცემულთ სენია,  
 თორემ ცეცხლისა დანთება  
 მე შენზე უკეთ მშვენია!  
 გვერდს არ ავიხვევ ბრძოლაში,—  
 ჩემი გზა პირდაპირია:  
 როდესაც გაუჭირდება,  
 პატარა ჭიაც გმირია!..  
 მაშ რა ვქნა? კმუნვით დამწვარი  
 გული ნაღველმა დაღია,  
 შიმშილი, ტანჯვა, დაცემა,  
 გაღია, მხოლოდ გაღია!..  
 —ზიზღი შენ გაუტანელო,  
 ბედო შავ-პირო ტიალო!  
 —ზიზღი მე, თუ ეს მახვილი  
 შენვე არ დაგიტრიალო!

## ელენე ღარასველიძე

### უსახლ ღამე

რკინის ოთახში ჩავიკეტე, როგორც ტუსადი,  
 და შენზე ფიქრი... მწუხარება, შავი ცრემლები.  
 ო, ვერ დავთვალე მოსაწყენი ღამე უსახო,  
 და საოცრების აჩრდილები მე თავს მევლება.  
 გაივლის ხსოვნა და წამების ბორბოტი კვალი,  
 მხოლოდ დარჩება ჩემს ფიქრებში გლოვა წარსულზე.  
 გულში მიწყევია, როგორც სევდა, მე შენი თვალი.  
 ო, ღვთის წინაშე დანაპირი ვერ ავასრულე.  
 ჩემი იღბალი საცეცხლურის კვამლში ტარდება.  
 ეხლა დრო არის, რომ ტაძარში ლოცვა ავანთო...  
 ო, მეგობარო, შენი ნახვა გამეხარდება,  
 როცა არ ვიცი ჩემი ფიქრი მე ვის გავანდო...



## იასამანი

## მ მ რ ა

მწუხრზე მწვანე მთათ მოსწყდება ჩრდილი.  
 გავარდნილ ტეხურს მოიმწყვდევს ხევი.  
 გადაიშლება იქით მარტვილი,  
 აქ ძველისძველი ნოქალაქევი.

ჩაიფლვის ფიქრი მდინარის ხმებში.  
 სივრცეს გადასჭრის მახვილი მზერა—  
 და დაფინახავ—ცეცხლის ღრუბლებში  
 ვით იტანჯება ბებერი ძერა.

ცდილობს ამაყად გამართოს ფრთები.  
 ვარჯიშობს მთებში დიდხანია,  
 მაგრამ წარმტაცი ზეცის სიზმრები  
 ქვეყნად არვისთვის მოუტანია.

იმდენი სდევდეს შიში ძლიერი,  
 და ღრმად საფანტი გულში ეტაროს,  
 რამდენიც უზნო და კადნიერი  
 ფრინველთა მეფეს ვერ შეედაროს.





## ოპოლი მუზა

### ს ა ფ ლ ა ვ თ ი ა ნ

ისევ აქ მოველ ბნელი ფიქრებით  
გრძნობა-დამწვარი და ნაწამები.  
უძილო ღამის შავი ისრებით  
შხამად გარდმეჭნა ყოფნის წამები..

მოველ და ვეძებ მისი თვალების  
სხივად-ანთებულს აღერსს, სიყვარულს.  
ვეღარ გავუძეღ ქუჩის ბრტყალებში  
ობლად ხეტიალს, ობლად სიარულს...

ფრთებსა შლის ქარი ნელი შრიალით---  
და სადღაც შორს, შორს მივეჩქარები.  
იელვებს სახე ნაზი ციალით,  
მივსდევ და ახლოს ვერ ვეკარები.

გაიხსნა კარი.. და ბნელ ქაოსში  
ციმციმებს იგი მიუწდომელი:  
დამკნარი ყოფნის სასაფლაოში  
სევდაა მხოლოდ განუზომელი!

აღარ შეღირსა მისი აღერსი  
და ობოლ საფლავს ცრემლად ვეფრქვევი.  
დაიწვის გრძნობა ტანჯვით ნაკვესი  
და მხოლოდ შემდეგ გამოვერკვევი.

გაუჩინარდა... უბსკრულ ქაოსში  
აღარ ციმციმებს მიუწდომელი!  
დამკნარი ყოფნის სასაფლაოში  
სევდაა მხოლოდ განუზომელი!



## ბ. ქუჩიშვილი

## ნაადრევი პარსკვლავი

ღრამაბიული პოემა

ძღვნად დ. თუნდღვხბირელს

## თავი პირველი

მოქმედება სწარმოებს უხსოვარ დრო-  
 ში. წარუვალი ღამეა. შორით მოსჩანს  
 ქალაქის ღარიბ-ღატაკთა უბანი, რომ-  
 ლის ქოხმახებიდანაც ობოლ ციციან-  
 თელასავით გამოკრთის ოდნავი შუქი  
 სიჩუმით მოცულ მკვდარ მიდამოში დრო  
 გამოშვებით გაისმის გრძელი და გუ-  
 ლის სიღრმიდან აღმოხეთქილი ადამიან-  
 თა ყრუ გმინვა, რომელსაც აჯოჯო-  
 ხეთებს ღამის ფრინველთა შემზარავი  
 კივილი, კრიჭინების ერთნაირი, სასო-  
 წარმკვეთი კრიჭინი, ბაყაყების გაბმუ-  
 ლი ყიყინი და უბედურობის მომასწა-  
 ვებელი ძაღლთა ყმუილი. ერთს პატარ-  
 ა ფერდობზე შეუშინეველ ლანდივით  
 მოსჩანს ღრმად ჩაფიქრებული მგოსანი  
 ივერი.

## მ გ ო ს ა ნ ი

ეჰ, ხალხო, ხალხო,  
 საბრალო ხალხო!  
 თვით ძილშიაც კი  
 ვერ ჰგრძნობ მშვიდობას...

სიჩუმე. ცისკენ ხელებ აპყრობილი,  
 გრძნობიერი ხმით.

ოჰ, ღმერთო, ღმერთო, ---

რა გამოვნახო,

რით, რით უწამლო

ჭვეყნის კრილობას?

დასუსტებული, მოწყვეტილი კუნძზე  
 დაეშვება და იდაყვ დაყრდნობილი გაჰ-  
 ყურებს სამარადეთამო ღამით ჩამქრალ  
 ცის სივრცეს. ისმის სასოწარკვეთილე-  
 ბის აღმძვრელი ნელი მუსიკა

ოჰ, ეს მუსიკა...

თითქოს იმ ხმებში

სტიროდეს ჩემი

ბედ-შავი ხალხი;

თითქოს, აი, იქ,

იმ ქოხმახებში

ისმის დედათა

ვაი, ვაგლახი...

(შ ა უ ზ ა)

ჩემო ჭვეყანავ...

მაგ შენმა ზარმა

მეც დამამუხბრა,

მეც დამაოსა,

და საუკუნო  
ბინდის ზეწარმა  
ოცნება ჩემი  
ძაძით შეჰმოსა...

სამარისებური სიჩუმე. მცირე ხნის  
შემდეგ მოისმის ცის შორეული, უც-  
ნაური გუგუნის და... უეცარი ქუხილი.  
ელდა დაცემული მგოსანი ზეზე წამო-  
ვარდება.

დიდო ღმერთებო!  
რას მირისხდებით,  
რა დავაშავე  
ან რა შეგცოდეთ?  
ნუ თუ იგი, რომ  
ქვეყნის სახსნელად  
ქვეყნის მპყრობელებს  
არ მოგიწოდეთ?!

ქუხილი ჩადგება. მყუდრობა დამყარ-  
დება. სიბნელე გაირღვევა და ნათელ  
ღრუბლებში გამოჩნდება თეთრად მო-  
სილი მოხუცი აჩრდილი.

### მ გ ო ს ა ნ ი

(გაკვირვებული)

ვინ ხარ, მოხუცო!  
კეთილი სული,  
თუ ბელზებელი  
ჯოჯოხეთისა?  
თუ სამაცდუროდ  
იყო მოსული,  
გაჰქრი უკუნში,  
უკუნეთისა!

### აჩრდილი

ივერ... ოხ, ივერ ..

### მგოსანი

(გაოცებული)

ჩემი სახელი!

### აჩრდილი

მისმინე, შეილო...

### მგოსანი

მამავ! მამილო! .

### აჩრდილი

მამა არა ვარ...

### მგოსანი

მაშ, ვინ ხარ, ვინა,  
მსგავსო მამისავ,  
ჩემდა წინამძღვრად  
ვინ მოგავლინა?

### აჩრდილი

შენმა და ქვეყნის  
დიდმა ვაებამ...

### მგოსანი

როგორ, ისმინა  
განა ღვთაებამ?!

### აჩრდილი

შენ შეიქმნები  
ხალხის რჩეული,  
შენვე გახდები  
ნაადრევე გმირად,  
და ხალხისგანვე  
გმობილ-წყეული,  
სიცოცხლეს მისცემ  
მათ შესაწირად.

აჩრდილი გაჰქრება. ცა ისევ ისე ჩა-  
მოიქუშება. უცნაური გუგუნის შემდეგ  
ისევ სამარისებური სიჩუმე მკვიდრდება.

### თავი მეორე

გაყუჩებულ ღამის სიწყნარეში ქარი ამოიჭრება და ფრთების ქნევით მიმოჰფანტავს სამარადისო ნისლს, რომელიც დასწოლია ქვეყანას. შორეულ ცის სიღრმეში ვარსკვლავები კენტ-კენტად აენტებიან. ტვირთ-მძიმეთა ქალაქი თანდათან იღვიძებს. აქა-იქ მობარბაცე სანათის შუქს აქრობენ. ზედიზედ მიყრილ ბნელ ქონხანებიდან რიგ-რიგობით გამოდიან დაბრანძულ ტანისამოშის ვახვეულნი, გაყვითლებული სახის პატრონი მდაბიო მოქალაქენი. ყველანი ჩუმად მიდიან. ზოგი ამთქნარებს, ზოგი თვალებს იფშენეტს, ზოგიც ოხრავს. ეტყობათ სამუშაოდ მიემართებიან. ყველაზე ბოლოს მობარბაცებს ქუჩაში ღამე ნათევი ღოთი.

ლ ო თ ი

(შოამღერის)

ეჰ, ღვინოვ,  
 ღვინოვ,  
 კახურო ღვინოვ;  
 ჩემო სილაღევ,  
 ჩემო სალხინოვ!

თავს მალთა აიღებს. ცხვირს დააცემინებს. დაინახავს შორით მოციმციმეობოლ ვარსკვლავებს და გაოცებული, გაქანდაკებული შეაშტერდება ზეცას. შემოდინ მუშები.

პირველი მუშა

(აჭხედაჭხედავს ღოთს)

ეი, ძმობილო!  
 აქ რას აკეთებ,

რას დაგილია  
 ლოქათი ხახა!

მეორე მუშა

ხა, ხა, ხა, ხა, ხა!

მესამე მუშა

მშიერი თუა.

პირველი მუშა

და აღბათ ცაში  
 შემწვარი გოჭი გამოესახა.

ყველა მუშები

ხა, ხა, ხა, ხა, ხა!

მეორე მუშა

არა, ბიჭებო,—  
 ასტრონომია.

პირველი მუშა

... და პლანეტები  
 თუ დაინახა!

ყველა მუშები

პლანეტებო?!—  
 ხა, ხა, ხა, ხა, ხა!—  
 ხა, ხა, ხა, ხა, ხა!!!

ლ ო თ ი

ხალხო! შეხედეთ,  
 შეხედეთ ცასა,  
 რა რიგ ბრწყინვალეებს,  
 რა რიგ კაშკაშებს!  
 აბა, გაჰხედეთ  
 დედამიწასა  
 ვარსკვლავთა წყება  
 ვით დასთამაშებს!

ყველანი შეჰხედავენ ცას და გახარებულნი მოუწოდებენ სხვებსაც.

**პირველი მუშა**

(ქუდის ქნევით)

ხალხო! ეი, ხალხო!  
 წამოდით აქეთ!

**ხმა იღუმალი**

წყვდიადის მღვმურნო,  
 ბედ-უბედურნო,  
 მოდით, მოგროვდით,  
 სინათლე აქეთ!

ხალხი თანდათან გროვდება. ყველას  
 სახეზე გაკვირვება გამოიხატება. წელი  
 ნაბიჯით მოემართება მგოსანი. შორი-  
 დან ისმის უსიტყვო საგალობელი.

**მ გ ო ს ა ნ ი**

(ხელებ აწვდილი)

დიდება შენდა,  
 ცაო, ნათელიო,  
 დიდება შენ და  
 შენს მოვლინებას!  
 დიდება შენდა,  
 დიდ-სანატრელიო,  
 დიდება შენ და  
 შენს მეუფებას!

**პირველი მუშა**

ის ვილა არის?

**მეორე მუშა**

აღბად ოცნებობს  
 ფიქრ-სხივოსანი.

**მგოსანი**

(ხალხისკენ მიმავალი)

ხალხო! ჰხედავთ ცის  
 შვენეირებას!—  
 ის მოგანიჭებთ  
 ბედნიერებას!

**პირველი მუშა**

გვითხარი, ივერ,  
 გვითხარ სიმართლე,—  
 რას მოასწავებს  
 ცისა სინათლე?

**მგოსანი**

იმას, რომ სადღაც,  
 შორს, ძალიან შორს,  
 არსებობს სრული ბედნიერება;  
 რომ საოცნებო  
 იქ, იმ მხარეში  
 ნათელს სიბნელე არ ეფარება,  
 და ცით მოვლენილ  
 ჭეშმარიტებას  
 უმსგავსთა ხელი არ ეკარება!

**მეორე მუშა**

თუ მართალს ამბობ და ჭეშმარიტად  
 ბედნიერება არსებობს სადმე,  
 რატომ ჩვენს ყოფას კი არ მოჰხედა  
 და არ შესცვალა უკეთეს რადმე?

**მგოსანი**

მისთვის, რომ ჩვენში  
 სუფევს უკუნი,  
 უკუნი ვრცელი  
 და შმორიანი,  
 რომ ჰაერს სწამლავს  
 ჭაობის სუნი,  
 რომ უღირსია  
 ადამიანი!!!

**მესამე მუშა**

მერე და რისთვის,  
 რა დავაშავეთ?

**პლატონი**

მსწავლული, მეცნიერების მნათობი,  
 წელში მოხრილი, ჯოხით ხელში შე-  
 მოდის. თავისთვის მოლაპარაკობს:  
 საოცარია! ჩემს სიცოცხლეში  
 პირველად ვხედავ ამდენ ვარსკვლავებს!

**ხალხი**

გზას აძლევს. კრძალოვით ქუდს უხ-  
 დის და თავს მდაბლათ უკრავს:  
 სალამი,  
 ერის ამპარტავნებას!

**პლატონი**

აზროვნობით გატაცებული, თავ-და-  
 ღუნული მიდის და ისევ ისე მოლა-  
 პარაკობს:  
 საოცარია! ჩემს სიცოცხლეში  
 პირველად ვხედავ ამდენ ვარსკვლავებს!

**მგოსანი**

ცაო, მოჰხედე  
 კაცო ნათესავებს!

**ხალხი**

ღმერთო, გვიშველე  
 ბედ-კრულ, ბედ-შავებს!

**მგოსანი**

(თავ-დავიწყებული აღმაფრენით)

ვიშ, აღტაცებავ!  
 აჰ, რა კარგია  
 იმ გაბრწყინებულ სივრცეში ფრენა!  
 როდის იქნება,  
 რომ ყველგან იყოს  
 სამარადისო შეება და ღხენა!

**ხმა შორეული**

გვიან!..

**ხმა იჭვნული**

არასდროს!..

**მგოსანი**

ვაი საწუთროს!..

**თავი მესამე**

იგივე ჟინჯლიანი, გაუთავებელი ღა-  
 მე. დამპალი ნისლი ადის ჭაობებიდან  
 და ჰაერსა ჰშხამავს. ისმის ბაყაყების  
 გაბმული ყიყინი, ჭოტის კივილი, ჭრი-  
 ჭინების გულ-დამამძიმებელი ჭრიჭინი  
 და შიშის მომგვრელი ძაღლთა ყმუილი.  
 ყველაფერს სიკვდილის იერი დაჰკრავს.

**მგოსანი**

(სასწრაფოვეთილებით)

ისევ სიბნელე,  
 ისევ სიშორე,  
 ისევ ვაება  
 და კაეშანი...  
 ვაი, ამ სოფელს,  
 ვაი, ამ ღამეს,—  
 ნესტმა და ხავსმა  
 დამიღპეს ფრთანი!..

**პირველი მუშა**

ნეტავ რა იქნენ  
 ცის ვარსკვლავები,  
 სად გადიკარგნენ,  
 სად გადიმალნენ?

**პლატონი**

არსად. ღრუბელნი გადაეფარნენ.

**მეორე მუშა**

გამოჩნდებიან ოდესმე კიდევ?

**პლატონი**

გამოჩნდებიან მხოლოდ ხანდისხან.

**მესამე მუშა**

როდის?

**პლატონი**

როცა ნისლს გაჰფანტავს ქარი.

**მგოსანი**

ოჰ, ნისლი, ნისლი!—

აი, ეგ არის,

ეგ არის ჩვენ რომ გვიხუთავს სულსა.

**პლატონი**

მეცნიერება ამტკიცებს, შეილო,  
 რომ შორეული ვარსკვლავთა გუნდი,  
 ნელ-ნელა, მაგრამ გაუჩერებლივ  
 გვიახლოვდება, და მეც დავრწმუნდი,  
 რომ რამდენიმე ასი წლის შემდეგ  
 განახლებული ჩვენი ქვეყანა  
 ნათელ ედემად გარდაიქცევა.

**მუშები**

ჩვენი ქვეყანა?

**პლატონი**

ღიახ, შეილებო, ჩვენი ქვეყანა.

**მგოსანი**

(ხალხს)

ჰა, ჰა, ჰა, ჰა, ჰა!—

არ გჯერათ განა?!

(შეტნიუფს)

იცით რას გეტყვით:

მაგ იმედებით

თქვენ ინუგეშეთ,

გულ-მოწყალენო,

ხალხს კი ნუ ჰპოქავთ,

ჩამოეცალეთ,

გზა, გზა მიეცით

აზრთა ზღუდენო!

**პლატონი**

ძვირფასო ყრმაო!

აბა, მითხარი:

ვის არ აწუხებს

ეგ შენი სევდა;

ხალხის ვაებით,

ხალხის ცრემლებით,

ვინ იყო, ცრემლებს

რომ არ აფრქვევდა?!

არავენ...

**მგოსანი**

არავენ! ღიახ, არავენ!—

მაგრამ...

მომავლის იმედს ვინღა აძლევდ?

**პლატონი**

ყველანი, ყრმაო, —

ყველა ჩვენგანი

სკლის ამ ცხოვრების

მწარე ფილას,

ხოლო არ ვიცით, როგორ უშველოთ,

როგორ უწამლოთ ქვეყნის იარას.

**მგოსანი**

როგორ და ზრუნვით,

მუდმივი შრომით,

უმეცრებასთან

გონებრივ ომით!

თქვენ უნდა თქვენი მეცნიერება

ხალხს განუმარტოთ,

ხალხს შეასწავლოთ

და იქ, აი, იმ ბნელ ქოხმახებში

აღანთოთ რწმენა და იდეალი,

რომ სწრაფვა ციურ ვარსკვლავებისკენ

არის სიცოცხლე და სამართო ვალი!

**პლატონი**

მოვა დრო, ხალხი თვითვე შეიგნებს  
 იმ დამტკიცებულ ჭეშმარიტებას,  
 რასაც თვით დიდი მეცნიერები  
 ალევდნენ თავის ჭკუა-გონებას!

**მგოსანი**

მერე და, როდის?!

**პლატონი**

შორეულ დროში.

**მგოსანი**

(მწარე დიმიდიით)

შორეულ დროში! —

როცა საფლავში

ჩვენი ძეგლებიც კი

მტვრად იქცევიან!

**პლატონი**

სხვა გზა არ არის.

**მგოსანი**

აი, ნუგეშიც ამასა ჰქვია!

**პლატონი**

დიახ, ნუგეში, —

რადგანაც მჯერა,

რომ არ არსებობს

სხვა გზა და შველა.

**მგოსანი**

არსებობს, ბრძენო!

და ეს გზა არის,

გზა მიმავალი ახალ ქვეყნისკენ!

გზა სახიფათო,

ჯერ გაუვალის,

გზა უზენაეს ვარსკვლავებისკენ!

**პლატონი**

ეგ ოცნებაა,

სხვა არაფერი.

**მგოსანი**

(ადტაცებული)

დიახ, ოცნება!

ჩემი ოცნება! —

შენ კარგათა სთქვი, მოხუცო ბრძენო!

ჩემი ოცნება დღეს ფრთას შეისხავს,

ფრთასა ორბისას,

მძლავრ არწივისას

და, წავა, წავა მაღლობისაკენ,

რომ იქნებ ერთი ვარსკვლავი მაინც

მოვსტაცო ათას თვალიან ცასა

და მისი შუქი, ელვარებანი,

მიმოვაფრქვიო დედამიწასა!

**პლატონი**

ეგ შეუძლოა,

სულელო ყრმაო!

**მგოსანი**

მე კი არა, თქვენ, —

თქვენ ასულელებთ

თქვენზე დაყრდნობილ უმეცარ ხალხსა!

მე ვსთქვი და მევე მოვიტან კიდევ

ახალ ცხოვრების

ახალ ვარსკვლავსა!

**პლატონი**

მოსაწონია სურვილი შენი.

**მგოსანი**

არა, მოხუცო!

მე ჩემს სურვილებს

ისევ სურვილად კი არა ვტოვებ,

არამედ, საქმით ვანხორციელებ,

და, რასაც ვეძებ, უთუოდ ვპოვებ!

**პლატონი**

დედამიწის და ვარსკვლავებ შორის

ქაოსია და უფსკრული შავი.





კარგად დაფიქრდი. მაგ გატაცებით  
არ დაიღუპო უბრალოდ თავი.

**მგოსანი**

დიდათა გმადლობთ ბრძნულ რჩევისათ-  
[ვის,  
მაგრამ ეგ სიბრძნე გაბრმავებთ თქვენა!

**პლატონი**

(გულ-მოსუელი)

როგორ!.. შენ... შენა?!..

**მგოსანი**

(დაწვებენილი)

გებოდიშებით, თუ უნებლიეთ  
მოგაყენევით, მსწავლულო, წყენა.

**პლატონი**

(აწახსებაუელი)

სულელი! ბრიყვი!

(გაჯავრებული გადის)

**მგოსანი**

(შიშვალ შეტნიეწს)

ნუ გეშინიანთ, ნუ, მეცნიერნო!

თქვენ არ მოგმართავთ,

თქვენ არ მოგიხმობთ!

(ხაფხისკენ)

თქვენ, მე თქვენ გიწვევთ, ახალგაზრ-  
[დებო!

თქვენ მოგიწოდებთ, მამაცნო გულით!

თქვენ, ვინც ჯერ კიდევ არ დაცემულ-  
[ხართ

ნათელ, მშვენიერ, ჯაბუკურ სულით!

(სიჩუმე ჩამოვარდება. მგოსანი უც-  
დის პასუხს, გამოხმობურებას. სამ ჯგუ-  
ფად დაყოფილი ხალხი ყოყმანობს).

**პირველი ჯგუფი**

ჩვენ სიხარულით წამოვიდოდით,  
რომ არ გვბორკავდეს ცოლ-შვილთა ვა-  
[ლი.

**მეორე ჯგუფი**

ჩვენც მოგყვებოდით, მაგრამ რა უყოთ,  
ჩვენა ვართ ჩვენი მშობლების თვალი.

**მგოსანი**

(დაცინვით)

მაშ, კარგი, ხალხო!

მე მარტო წავალ!

წავალ და ვივლი

ვიდრე მაქვს ძალი!

არც დედ-მამა მყავს

და არც ცოლ-შვილი,

ვარ ფრინველივით თავისუფალი.

**მესამე ჯგუფი**

სალამი შენდა,

მგოსანო ივერ!

ჩვენ გამოგყვებით!

გაგვიძებს წინა!

**მობუცებულნი**

გაფრთხილდით, შვილნო!

ტყუილ-უბრალოდ

არ დაიღუბნეთ

უფსკრულსა შინა!

**მესამე ჯგუფი**

ივერ, რას უცდი?

გაგვიძებს წინა!

**მგოსანი**


(სახე გაბრწვინებული. ადტაცებით)  
მაშ, თუ ეგრეა, გაშალეთ ფრთები  
თქვენ, შევარდენნო ჩემი ქვეყნისა!

**მესამე ჯგუფი**

აბა, წავიდეთ! წავიდეთ, ივერ!

გაგვიძებს ვითა სიმბოლო ხსნისა!

და წავიდნენ ბნელით მოკულ სივრ-  
ცისაკენ. ელვის სისწრაფით მოსწყდნენ



მაყურებელ ხილხის თვალთაგან და მი-  
იკარგნენ საშიშარ წყვილადში.

### თავი მეოთხე

დრო მიდიოდა. არაფერი ისმოდა  
ვარსკვლავების მოსატანად წასულ მა-  
მაცთა ყრმათა. დედებმა გამოიტირეს  
უდროოდ და უმიზნოდ დაღუპული ურ-  
ჩი შვილები. კვლავ ჩვეულებრივ მიმ-  
დინარეობდა ცხოვრება.

### დედები

ვაი, შვილებო,  
შვილებო!  
უაზროდ  
დაღუპილებო!

### მამები

ვაი, ჩვენს ყოფას,  
შვილებო,  
ვაი, თქვენს მოხუც  
მამებსა,  
ვაი, ამ ჟამის  
მოსწრებას,  
სიცოცხლეს განაწაშებსა;  
სადა ხართ, სიყმის შვილებო,  
ნეტავ რად დაიგვიანეთ?—  
ვაი, თუ რამე შეგემთხვავთ  
და თავი დაიხიანეთ...

შორს, დედამიწის განაპირა ბნელ ცა-  
ზე ციკინათელასავით გამოკრთა ცრია-  
ტი შუქი მომავალი ვარსკვლავისა. ხალხი  
ათოთქოლდა, ხარბად დააკვირდა ცის  
სიღრმეს და დაინახა ოდნავ მოციმციმე  
რალაც წერტილი. უცნობმა სიხარულის  
ქრუანტელმა დაუარა ყველას და გაის-

მა იმედიანი ძახილი აღფრთოვანებული  
ხალხისა:

ვარსკვლავი მოდის!  
ვარსკვლავი, ხალხო!  
აწ ბედმა ჩვენმა  
გამოიბრწყინა!

მგოსანი ნელ-ნელა ახლოვდება და  
მისი ვარსკვლავის ელვარებაც თან-და-  
თან ჰფანტავს ქვეყნად გაწოლილ ნისლ-  
ბურუსს.

### ერთი ვინმე

ივერი, ხალხო!  
აგერ, ივერიც!  
ჰხედავთ, რა მადლი  
გარდაეფინა!

### რამდენიმე ხმა

მადლი შემოქმედს!  
მადლობა გმირებს!  
რასაც ვნატრობდით  
ძლივს მოგვევლინა!

### ყველანი

რალას უყურებთ!  
წავიდეთ, ხალხო,  
და მივევებოთ  
წინამძღოლს წინა!

### მშობლები

გვეშველა!..

### ხალხი

აბა, წავიდეთ!  
წავიდეთ ყველა!

...და დაიძრა ხალხი ჟრიაძულითა და  
სიმღერით მგოსნის შესახვედრად.

### ხალხი

სალამი ივერს!  
ვაშა, ჩვენს მგოსანს!

ქებათა-ქება

ვარსკვლავის მომტანს!

შეთხელებული ნისლი სავსებით გაი-  
ბნევა და მომადლო მთაზე მარმარილოს  
ქანდაკებასავით შედგება შარავანდედით  
მოსილი მგოსანი, ვარსკვლავით ხელში.

### ხალხი

(უფრო მეტი ადტაცებითა ძახილით)

დიდება ივერს!

დიდება მგოსანს!

დიდება ხალხში

სინათლის მომტანს!

### მშობლები

ივერ, რა იქნენ

ჩვენი შვილები?

### მგოსანი

(მწუხარედ თავდახრდილი, მჭკვითინე ხმით)

ეჰ, დაიღუპნენ გზაში ყველანი,  
მთელი ქვეყნისთვის გასწირეს თავი;  
და იქ, უკაცურ ორმთა ხევეხუეში,  
დასჩხავით კლდიდან ყორანი შავი...

(საერთო მწუხარება. ღრმა გმინვა  
ყველანი ქუდებს იხდიან და იჩოქებენ.  
ისმის დედების მოთქმა - ტირილი და  
სამგლოვიარო საგალობელი).

### თავი მეხუთე

დღე დღესა სცვლიდა. სრულის ცხო-  
ველმყოფელობით კაშკაშებდა ვარსკვ-  
ლავი. მისი თვალის მომქრელი გამო-  
ნაშუქი სცბრილავდა ჯანყს, აღნობდა  
ნისლს და ნათელ არშიათ ეფინებოდა  
ქყანტობიან მიწის გულს. კვლავინდებუ-  
რად არა მხიარულობდა მხოლოდ ხალ-  
ხი. ყველანი სახე მოქუშულში და თავ-

დაღუნულნი დადიოდნენ. როდესაც  
ისინი ვარსკვლავის მახლობლად გავ-  
ლიდნენ და ივერს შეჰხედავდნენ, მათი  
თვალები სითახსირითა და მძულვარე-  
ბით ელავდნენ. სახეზე ზიზლი და ბო-  
როტება ეხატებოდათ. წინათ თუ ქება-  
დიდებით იხსენიებდნენ სინათლის მომ-  
ტანს ივერს და ვარდ-ყვავილებით უფენ-  
დნენ გზას, დღეს უტიფარი ლანძღვი-  
თა და ტალახის სროლით იკლებდნენ.  
და მოისმა შორიდან უკმაყოფილო  
ხალხის წყრომის ხმა:

### ხალხი

ძირს! ძირს, ვარსკვლავი!

### პლატონი

ხალხო!..

### ხალხი

არ გვინდა, არა!

### პლატონი

მისმინეთ!..

### ხალხი

კმარა!!!

შეშფოთებული, ფერ - გაცრეცილი  
მგოსანი მალი ნაბიჯით შემოდის ქალა-  
ქის შუაგულ მოედანზე და მედიდუ-  
რად დგება მალლობ ადგილას, რომლის  
მალლა აწვდილ ხელშიაც კიანთობს ვარ-  
სკვლავი. მას თან მოჰყვება ელდანაკ-  
რავი მეცნიერი, რომელიც ემუდარება  
მგოსანს.

### პლატონი

თავს, თავს უშველე,

ჭაბუკო ივერ!

შენს წინააღმდეგ

მღელვარებს ხალხი!  
ამბობენ, თითქოს  
მშვიდობის ნაცვლად  
შენ მოგეტანოს  
შფოთი, ვაგლახი!

მგოსანი ყურს არ უგდებს. მღელვარებით გაიყურება იმ მხარესაკენ, საიდანაც მოისმის ხალხის მუქარის ხმაურობა.

**პლატონი**

მგოსანო ივერ!  
ოჰ, რომ იციოდე,  
თუ რა უაზროდ  
მოიქეც შენა!

**მგოსანი**

როგორ! შე...

**პლატონი**

როგორ და ერთმა მოიწადინე,  
რომ შეგეცვალნა ცხოვრების დენა.

**მგოსანი**

მერე?

**პლატონი**

მერე და, აბა, ასე უეცრივ  
ვის გარდუქმნია ძველი ქვეყანა?  
იგი ნელ-ნელა ვითარდებოდა  
და ახლდებოდა სულ თანდათანა.

შენ კი, აჩქარდი,—  
არ გსურდა მოცდა  
და, აჰა, ჰხედავ,  
ხალხში რა მოხდა?

**მგოსანი**

აბა, რა მოხდა!

**პლატონი**

რა და, აჯანყდა!

**მგოსანი**

დეე, აჯანყდეს!—  
ჩემს სინათლეზე  
ხომ დაინახა ღუხჭირი სახე,  
ხომ დაინახა  
თვისი ქვეყანა  
ჩამპალ ჭაობში ყრუდ მოვაგლახე?!—  
ესეცა კმარა!  
ღღეღან იგი  
აუცილებლად  
დაიწყებს ზრუნვას,  
რომ დედამიწას ხელი შეუწყოს  
ვარსკვლავებისკენ სვლასა და ბრუნვას!

**ბრბო**

ძირს! ძირს, სინათლე!  
ძირს, ყრმა წყეული!  
მან დაგვირღვია მყუდრო ცხოვრება,  
მან მოგვიტანა ჩვენ მღელვარება!

**პლატონი****(შეშინებული)**

გესმის, მუქარა!  
გესმის, ხმაური?  
შენსკენ მოდიან!—  
გაიქეც, ძმაო!  
ჩქარა! გაიქეც!—  
თორემ, მერწმუნე,  
არ დაგინდობენ,  
ძვირფასო ყრმაო!

თავ აშვებული ბრბო დამკლავებული  
ხელებითა და მუშტების ქნევით შემო-  
ვარდება. დამფრთხალი მეცნიერი სად-  
ლაც გაჰქრება.

**ვიგინდარა**

ღოინჯ შემოყრილი წარსდგება მგოს-



ნის შორი-ახლოს და თავხედურად შეს-  
ძახებს:

შენ აქა გღიხარ?  
გასწი! გაგვშორდი!  
გაგვშორდი! მოგვწყდი,  
ეხლავ თავიდან,  
თორემ იცოდე,  
რომ ღმერთებიც კი,  
ველარ გიხსნიან  
ჩვენი მკლავიდან!

**სალახანა**

განა ღირსია საუბარისა?!  
დროს რაზე ჰკარგავთ მაგდენ სიტყვე-  
[ბით!

ძირს დაითრიეთ ეგ არამზადა  
და როგორც ძალლი ჩაჰქოლეთ ქვებით!

**არამზადა**

ძირს ეგ სულძალლი!  
ძირს ჩამოავდეთ!

გამხეცებული ბრბო გაიწვეს მგოსნი-  
საკენ, მაგრამ ვარსკვლავის ელვარები-  
საგან თვალ-მოჭრილი უკანვე იხევს.  
გაფითრებულ მგოსნის სახეს მწარე ღი-  
მილი დასთამაშებს.

**მაწანწალა**

(სხვების წასაქეზებლად)

ჰხედავთ, პასუხის ღირსადაც არ გთვლით  
და ვით სულელებს, დაგცინით მწარედ!

**ბრბო**

(გაწაფეულები)

ძირს დაითრიეთ!  
ძირს! ძირს, თავხედი!  
ძირს!—გულზე ფეხით გადაუარეთ!

**მგოსანი**

ხალხო!..

**ბრბო**

არ გვინდა, არა!  
ძირს! ძირს, სინათლე!  
ჩვენ გვირჩვენია მიწის წყვდიადი!  
იგი ისევე ღვთაებრივია,  
ვით ცის ვარსკვლავი და განთიადი!

**მგოსანი**

უგუნურებო! ნუ თუ გგონიათ,  
რომ თუ მე ვარსკვლავს ძირს გადავადებ  
ამით მშვიდობა დაგიბრუნდებათ?!  
არა! სიმშვიდე თქვენს ხრწნილ ქვეყანას  
დიდხანს და დიდხანს არ ეღირსება,—  
არ ეღირსება, ვიდრე ცხოვრება  
ძირ-ბუდიანათ არ შეიცვლება,  
ვიდრე მთელი ცა ვარსკვლავებისა  
დედამიწაზე არ დაეშვება  
და ეს ჭაობი, ხავსი და შმორი  
სულ ერთიანად არ ამოშრება!!!

(მაუწყა)

აი, ეს იყო ჩემი მიზანი,  
ეს იყო ჩემი ყრმობის ოცნება,  
მაგრამ მოგტყუვდი,—განზრახვა ჩემი,  
ვაი, რომ ისევე განზრახვად რჩება!

**ბრბო**

ძირს! ძირს, ვარსკვლავი!  
ძირს წყეული ყრმა!  
ჩააკმენდინეთ მაგ ძალლის ლეკვს ხმა!

**მგოსანი**

დამშვიდდით, ხალხო!  
ჩემს სიცოცხლესთან  
ჩემი ვარსკვლავიც იწვის და ჰქრება,—  
მხოლოდ, გახსოვდეთ, რომ ჩემ შემდგო-  
[მაც  
თქვენ შორის იგი კვლავ აენთება!

(მდელოვანებისგან სუსტდება, ხმა უკანკალებს)

მე... და... ვა... სრუ... ლე...  
 მში... ღო... ბით... ძმე... ბო...

(მუხლთ ეგებება. ძირს ეშვება)

### იღუმალი ხმები

ივერ! წამოდი!  
 წამოდი, ჩვენსკენ!

### მგოსანი

ზეზე წამოიჭრება, შეშლილივით მია-  
 შტერდება საიდუმლოებით მოცულ ღა-  
 მის სიღრმეს:

ვინა ხართ, ვინა!  
 ოხ, ერთხელ კიდევ  
 გაიხმაურეთ, ციურნო ხმებო!

### იღუმალი ხმები

ჩვენა ვართ, ჩვენა!  
 შენი ერთგულნი!  
 დაღუბულ ძმათა  
 კეთილნი სულნი!

### მგოსანი

იცნობს გზაში დაღუბულ თავის  
 თანამგზავრ მოძმეთა ხმას და ზე-ქვეყ-  
 ნიური ცეცხლით ავიზგიზებული გასძა-  
 ხებს სივრცეს:

ძმებო! მოვდივარ!  
 მოვჭკრივარ, ძმებო!  
 მომიცათ, სულის  
 სწორ-მეგობრებო!!!

(დააპირებს გაქცევას, მაგრამ მუხლ-  
 მოკვეთილი იქვე დაეცემა გულ-აღმა და  
 გაციებულ ხელიდან გავარდნილი ვარ-  
 სკვლავიც ჰჭრება. ისმის ხალხის გაურ-  
 კვეველი, რაღაც არა ადამიანური ხმათა  
 გუგუნნი. ჩაწყვდიადებულ ღამის საშო-  
 ში ხარხარებს ბოროტი სული, რომელ-  
 საც უერთდება ჭოტების კვილი, ბა-  
 ყაყთა ყიყინი, ჭრიჭინების ჭრიჭინი და  
 ძაღლების საზარელი ყმუილი.

1915 წ.





# ბელესტრიკობა

მასილ ბარნოვი

## განასკვილი სიმი

— ბურუსი დასწოლია შენს გულს შენივთებული, ჯანლი რამ მძიმე; ცვარად აცრემლებული ნისლი გეხვევა გარს, უგემურად აყრიალებს შენს გუნებასა, მთელს შენ არსებას.

— ბოროტი ბნელი მიმოსავს ყოფას, მიხშობს გრძნობასა, თვით ჰაზრთა დენას...

— გაეცალე შენს თავს, მიჰარიდე ერთს წამს ცნობიერებას შემძიმებულსა. მთლად კი არ მოსცილდე კაცთა სავანეს: დაგიმარტოვებს იგი წყვედიადი სამარის ფერი, მთლადაც ჩაიხვევს შენს სულის ციაგს; შეგაზარებს არსებობას ლაღს; მწვირით გაჟღენთილ სიბოროტედ მოგაჩვენებს სიცოცხლეს ლამაზს.

— აუტანელ ყოფად დახრწნილად.

— განიმარტოვე თავი! მთლად კი არ განშორდე კაცთ სავანეებს, ადამიანთა ტალღებს, წუთიერ ყოფის ბილიკებზედ მიმომავალებს. იარე იქ, სად აბნეულ ხმაურობით სავსეა არე და მაინც სიჩუმეა შენტვის, უხმო დუმილი; სად აღსავსეა მიდამო ხლართულ მოძრაობით დაუდგრომელით და მაინც უძრავია შენტვის, გარინდებული; სად მრავალთაგან გარემოცულ ხარ და მაინცა ხარ მარტოებული. იარე იქ, ხალხით აღსავსე უხმო უდაბნოში!

— დასახლებულს ადგილს უკაცოს, შეუცნობელ ხმათა მიერ სავსე მდუმარებაში...

— იყავ იქ, იარებოდე, ჰაზრთა ნამსხვრევებით სავსევე, მაინც უაზროვ, განათებულ ფიქრთ უქონელო; გრძნობათა ნაფლეთებით აპირთავებულო, მაინც ელვარედ ასახულ გრძნობათაგან მთლად ცალიერო; სურვილთა სიმრავლით შემძიმებულო, მაინც სამოქმედოდ დაკვართულ ვნებათაგან უარყოფილო.

— სამოქმედო მილტოლვისგან ხელცალიერო...

— არ გახვიდე ყაბახზედ! არ აქსელო შარა, სად უცნობი ნაცნობები დაგეხირობიან ყოველს ჟამს, გულყანდი მეგობრები. ვაჰ თუ ბაგეზედ უქროდესთ ღიმილი ყალბი და შეგამძიმონ; იქნებ აშკმულ მათ პირში თვალი მოჰკრა სისხლთან ეშვს აღესილს, სულდგმულთ მუსვრაში ხელოვნებულსა, და შეგაღონოს, მთლადც ავაკენესოს.



— ეშვსა აღესილს, კბილს ცოცხალთ მკვეთელს...

— თუ არა, უფრო დაუმძიმდება შენს სულს ტვირთი თვისი მძიმე, ბოროტების ნაკადად გადმოჩქეფდება ჯანლი იგი გახშირებული, შენს გულს რომ დაუფლებია, საწყალობელო. წადი იქ, სად არვინ გიცნობს: არც მიმომსვლელნი, არც ის აჩრდილნი, მრავლად რომ ჰფრენენ არეებში, გარდასრულ ხალხთა იგი ლანდები.

— ყოფილ ცხოვრების მოჩვენებანი... ვიცნობ მათ ყველას.

— შენ ვერა გცნობენ! არც ერთი მათგანი არ შეაყენებს შენს გაწამებულ არსებაზედ თვის ხედვის ისარს სივრცედ მიმართულს, თუ შენ თითონ არ უხმე მათ. იქ წადი მეთქი!

\*  
\* \*

ამისთანა მძიმე მდგომარეობაში მე ისნის ვიწრო ქუჩები მიჩვენია, ქუჩაბანდები, ძველ ნანგრევებზედ შიგადაშიგ დაშენებული ახალი ქოხები; თუნდა ხარფუხის ქუჩა-ბილიჯნი, სადაც სხვის ეზო თავის ზესვლაში თავს წასდგომია სხვა სახლის ბანსა, სარდაფი დასწორებია სართულს მეორეს. არ გინდა ისნში, აღარც ხარფუხში, თუნდ ჩუღურეთში? მაშ ანჩხატისკენ, ან გარეთუნის ვიწრო ქუჩებში, თუნდ მთაწმინდაზედ, ოღონდ სულ ზევით, განაპირებში...

ნალარ-ნალეწი სავალი ძნელი, მიყრილ-მოყრილი ბუნაგ-ბინები, კაცთა საჯგუფი რამ ყორები... ყველა თაობას სორო მიუდგამს წინაპართ სადგომისათვის, ყუდე რამ მიუშენებია წარსულთ ბუნაგზედ. იქ ყველა შუკა თუ ქუჩა-ბანდი სავსეა ხალხით, კაცთ ნალექის სიმრავლით უამრავით; გარდასრულ ხალხითაც აღსავსეა ძველის-ძველითა. ვის არ შეჰხედები! ოღონდ კი თვალნი გესხდეს ხედვად სხვებისა, ხილვადც აჩრდილთა; ყურნი გქონდეს ხმათა სასმენლად, შორეულ სიტყვათაც სულ უწინდელთა. რამდენ გარდასრულს მოსწყენია ბნელ აკლდამაში ყოფნა განმარტოებული და გამოსულა თავის სახლისა თუ ქუჩა-უნის დასახედავად!..

— ვერა მხედავენ იგინი: თვალნი სივრცისკენ აქვსთ მიქცეულნი.

— მისთვის ხარ მარტო კაცთაგან სავსე არემარეში; მისთვის ღუმილად გესახება ხმათა სიმრავლე. და თუ მოვსურდეს, მოუწოდე მათ, გაეხმაურე. შედგებიან, მოგხედავენ, აჩქამდებიან.

— მეტყვიან რასმე?! ახალს, ძველებურს...

— არ დაჰვიწყებიათ საუბარი. კიდევ გიმღერებენ. ოღონდ კი თავისად გიცნან შენ, უკვე უცხო სახით მოვლინებულა, მათთვის მთლად უცხო მოხაზულობით.

— მათთვის უჩვევი მოხატულობით...

— დინჯად გაიარე. დაკვირვებით მოავლე თვალი მოყვარული. ყური მიუბყარ ქირთაც სმენად გამზადებული. ღმობიერების ნავტივით შეცურდი მათ მუქ არსებობის ტბორში, მორევში. გაგიტაცებენ: გაგალიმებენ, ჩაგაკასკასებენ; დაგაღონებენ, აგაქვითინებენ; აღიღინდებიან, აგამღერებენ; გაამბობენ, ლამაზ სიტყვას გათქმეინებენ.

— მომხედავენ? შვებას მომცემენ? სულს მეფონება?!. უკუნშია ჩანთქმული ჰაზრთა არე ჩემი; შავი მცურავი თუ შემოპხვევია ჩემს გულს შეხუთულს და სწურავს იმას თვის ცივ ხლართებში; არარაობა ფოლადის ჯაჭვად დაპხვევია ჩემს ნებისყოფას და შეუბორკავს, მოძრაობა აურთმევია ტყვექმნილისათვის.

— შევბედე, შევმართე, გაიბრძოლე!

— ვცადე შემართება, გავიბრძოლე რამდენჯერმე. ამაოდ! გარს შემომრტყმოდა უხსნელი ღვედი, უწყვეტ საბელად შემომხვევოდა. რა იყო მიზეზი? არაფერი! ყველაფერი! თუ მივაგნებდი გარკვეულ მიზეზს, გამოდგებოდა სევდის სარღვევად; თუნდ ბრინჯაოსი ყოფილიყო იგი შემძიმებული კაემანი, ოღონდ კი დამენახა მისი უსახო სახე, მიმეგნო მის მასაზრდოებელ ძალისთვისა.

\* \* \*

გაძნელდა სუნთქვა. ველარ გავძელ ოთახში. დავეშვი ქვევით. ისე სწრაფად გავიარე დიდებული ქუჩა შეფერილი, თითქო უკან მომდევდა პირაშემული სიბოროტე ვეშაპის სახით. გონებას რომ მოვეგე, ავლაბრის ხიდის ყურზედ დავინახე ჩემი თავი.

სჩქეფდა უფსკრულში მძლავრი მდინარე, ქაფდებოდა ურყევ სალთაგან შეზღუდვილი, იწროებული; გული უღულდა გამძვინვარებულს. განწირვით ეხეთქებოდა კლდეებს, შოლტავდა, ზედ ასკდებოდა, ღრღნიდა ბოროტად პირქაფებული; წამს განშორდებოდა, ჩაიხნიქებოდა; წამს ახლტებოდა, აფრინდებოდა, ზედ ემტვრეოდა, ელენებოდა. ამაოდ მძვინვარებდა! ყრუ სალს ურყევებს ვერა სწვდებოდა ვერც მისი ბრდღვინვა, ვერც თუ ქუხილი.

— საშინელია! რღმა იქნება აქ?

— ძლიერად მოგხვევს მკლავს. დაგკოცნის ისე, ველარ ისუნთქო. კლდეს დაემზღვრევა აღბორგებული, შენც ზედ დაგაწყვეტს.

— ზედ დამახეთქებს შესამუსრავად?

— ჩავნთქამს, მოსწმედავს კვალსაც სისხლისა.

— რა ცივი იქნება სასტიკი!

— ხარბია, გაუმაძღარი. ნაჩვევიც არის აქ მდინარე შესაწირავსა, ადრინდელ დროდან შეჩვეულა.

— ძველ დროიდგანვე?!

— უწინდელ დროში საწამებელი ადგილი იყო ეს. შეხედე ზევით ციხის საძირკველს: კლდის ქიმი რომ არის გადმოხნეკილი, ადგაფებულს რომ დაჰმზერს უფსრკულ წამდგარი...

— ვხედავ იმ კონცხსაც, ქვეშ მჩქეფარესაც...

— იქიდან გადმოამზღვრევდნენ შეუნდობელს, რომ დასთხოვდა წყალიდან ოდნავ ამოჩენილ წვერებს სალისას და ჩაენთქა უფსრკულს იგი იმ წამსვე, მოეწმიდ-მოერეცხა კვალიც მისი არსებობისა.

— ნიშანიც კი მისის ყოფისა...

— საწყალი უშანგ!

— ხმალი ღვთის გულისათვის!.. წარმკვეთეთ თავი!.. იძახდა სასო-მიხდილი, როს მიათრევდნენ უფსრკულისაკენ.

— ცოდვაა ხმალი მოღალატისთვის!

— მიშველეთ!.. გაისმა კივილი

და მოეფინა საზარი ხმა ისნის აღმართებს, მთელ კალა ქალაქს, ნარიყალასაც.

— მიამბე!

— მერმე, შემდეგში...

— აბოს ძვლებიც ამ უფსრკულს ჩაენთქევიან, წმიდა აბოსი. უამა თურმე გულოჩხველსა: აციაგდა მორვეი.

— აშუქდა?!

— თურმე შენათდა...

— იყუჩე, ბესიკ! ჰბედავ, უმღერი ბატონიშვილსა?! მალლა შეჰმზერი, უჰ, ძლიერ მალლა! შეჰმართავ შხესა ღია თვალებით... დაგბუგავს თვალებს, წავართმევს ხედვას და... და გადმოგამზღვრევს ამ ფრიალოდან. ჰბედავ შეჰხედო ზეამალღებულს!..

მოვშორდი ხიდსა: ისნისკენ წაველ. სანთელი დავუნთე წმიდანის აჩრდილს მიყუთულ ნიშში: ციაგად მოველინა წამებულს, ერთს წამს გაუნათებს ყოფას შავეთში.

\*  
\* \*

წავსდგი რამდენიმე ბიჯი. მომესმა ჰიანურის ხმა. ფეხი დავაწყნარე. გავარჯიშებული ხელი ხმარობდა ხემსა 1). სევდიანი ბგერანი მწყობრად დარაზმულნი ამო-

1) ეს სიტყვა კარგარეთელმა მომაწოდა იამ.



დიოდნენ საკრავის შკერდიდან, მიმოფრინავდნენ. უფრო ვუკელ სვლას, შევესდექი. მსუბუქ ფრთებზედ მოფრინავდნენ ხმანი, ნარნარი რხევით. მთლად დავედექი. ბგერათა შორის ერთი ნამზნევი მოსჩანდა: რყევით მოსდევდა. ვერ გავიგე მიზეზი. უსიამოვნო რამ აჩრდილმა გამკრა ფრთა. მივბრუნდი, მიუახლოვდი დამკვრელს; დავაკვირდი.

ბერიკაცი იჯდა მოკეცილი. ჭიანური დაებჯინა და უკრავდა. ტყავის წოწოლა ქუდი თვალეზედ ჩამოეფხატა. ტანზედაც ტყავი ეცვა ყავარ-ყავარ დახეთქილი. ჯამი ედგა წინ; ფული რამ ეყარა შიგ, შესაწირავი.

ამოვიღე ქისა. ვსხნიდი, თან ნჯღრეულ ბგერის მიზეზს ვათვალიერებდი. მივაგენ! განაპირა სიმი იღებდა იმ ნამტიკენ ხმას: გაწყვეტილიყო; გლახაკს გაენასკვა ის და ისევ გაება საკრავზედ. ეს ვნებული სიმი იყო, რომ მსუბუქად ველარ აყოლებდა ხმას თანამომღერლებს, თვის ამხანაგებს; ველარ ეხმატკბილებოდა მათ.

ალარ მივეცი გასაკითხი. გამოვტრიალდი. ისევ გამოველ ხიდს. მოედნის პირში რომ მალაზიას, იქ მეგულეობდა სიმი. ვიშოვე. ვიყიდე.

— აი, ბიძია, სიმი: ალბათ ეს გირჩევნია ეხლა პურის ფულს.

— სიმი?! აბა!

მივაწოდე. გასინჯა. პირი გაუნათდა. ქუდი გადაიწია თვალებიდან და შე მომხედა.

— დაილოცოს შენი მადლიანი თვალი! შეჭნიშნე საწყალი სიმი განასკვილი. ვიმსახურე, ვტანჯე; გაწყდა წელში, მაინც ალარ ვეშვებოდი. გული კი ცრემლე ბით მევესებოდა მისი ცოდვით. სად ვიშოვიდი ეხლა ახლის ფასს?! ამაღამ გავაბა! ამ სიმს.

გლახაკმა ისევ ჩამოიფხატა ქუდი და გაუსვა ჭიანურს ხეში. იქვე ვიდექ გაქვევებული. ერთს ხანს ენა ალარ მემორჩილებოდა.

— სოსიკო?!

გლახაკმა ისევ გადაიწია ქუდი და დაკვირვებით დამაცქერდა.

— დათიკოჯან?!

— მე!

— დახე ჩემს ყოფას უბედურს!..

— სადა სცხოვრობ?

— არსად!

— მაკრინე?

— ნულარ იტყვი! ნულარ კითხულობ ჩვენს ამბავს: მკვდარი ვარ! შენდოსა მითხარი, კარგო კაცო, და წადი შენს გზაზედ, მითხრა გლახაკმა და დალუნა თავი: სევდამ მიწამდინ დაჭხარა მისი ანაოტებული ქედი.

\* \*

ისევ ამოვიღე ქისა, მაგრამ გადავიფიქრე: აღრინდელი მეგობარი იყო ჩემი, იმთავითვე ჩემი ტოლ-სწორი და მისთვის დამამცირებლად მივიჩნე. ფული გადამეგდო, მით მომეხადნა მოვალეობა.

— როგორ თუ ვერ გაუბედვე?! ვინ გლახაკი, სად თავმოყვარება!

— ნუ იტყვი! ნივთიერად დაკნინებულს განა აუცილებელია სულიც ლაფანვითა ჰქონდეს მოღვედილ-მოშვებული, მიწამდის დაწეული, მწვირში თუ ტალახში ამოვლებული.

ხმა აღარ გავეცი, გავტრიალდი. იქვე ახლო რომ მიკიტნის დუქანია, იქ შევედი. ღვინო მოვითხოვე, მცირე სამხარი: მინდოდა ფანჯრიდან მეთვალყურებინა გლახაკი და თან ავყოლოდი მას, როცა დაიძვებოდა ის თავის ადგილიდან. ნელ-ნელა შევექცეოდი. ვფიქრობდი: გარდასრული სურათები მითამაშებდნენ თვალწინ.

ნაცნობი იყო ეს არე ჩემთვისაც, სვიმონისთვისაც, -- იმ გლახაკისათვის, აგერ რომ მიჰყრდნობია ზურგით კლდეს და უკრავს სიმძიმის დროს იმავე თარს, რომელსაც ლაღობის დროს ახმატკბილებდა ბეჩავ, ბიჭო! ბევრჯერ გამოგივლია ამ ქუჩებზედ თავმომწონედ .. მაუდის კაბა ყურთმაჯებიანი, აბრეშუმის სარტყელი ფოჩ გადმოშვებული, კალმუხის ქუდი; საათის ძეწკვი ოქროსი; შრიალა ახალუხი ფარჩისა. კეწკეწი შალვარი ყაფალიან წაღებში ჩატანილი. შავი უღვაშები მოპარსულ პირზედ. აბრეშუმის ხელსახოცი სანოვაგით სავსე, ჯიბეში ფული. ტუჩზედ ღიმილი ..

მიუხაროდა შინ ბედნიერს: მაკრინე დაჰხვდებოდა ოჯახში, სუფთად ჩაცმული კერის ანგელოზი, თვისი მეუღლე თანც საყვარელი; მარად სატრფობი მაკინე, ეშხზედ მომყვანი.

— სად მიდიხარ, დათიკოჯან?

— არ სად! ისე გამოვისეირნე: კარგი საღამოა. მოდიხარ კიდევ დუქნიდან?

— ეს არის აუგდე დარაბები; დახურულ ბაზარში, იცი შენ, აღრე ბნელდება.

— ნახვამდისინ!

— ერთად ვივანშმით! ჩემთვის ხომ ვანშამია, რაც არის: სადილს დუქანში ვსჯამ მარტოდ-მარტო, უსახლობოთ კი მე მად...

— შენგან არ მიკვირს! ცოლი თუ არ გიზის გვერდზედ, რა მადა გექნება, ან რა ლუკმა ჩავლის ყელში?!

— ყელში იხილება საქმელი, თუნდაც კახური დაასხა ზევიდან დალოცვილს. დუქანში შენ მარტოდ-მარტო ყარყუმით; იქ, სახლში, შენი ახალი სული...

— მურაზით სავსე სული ახალი...

— წავიდეთ! მაკრინესაც გაეხარდება: უყვარხარ ნათლია.

— მეც დიდ პატივსა ვსცემ. უცხო ხომ არა ვარ: მეჯვარე ვარ თქვენი.

მივდიოდით პირმხიარულნი მწვანე-ბოლოკი, მოთალი, თევზ-ხიზილალა; ტკილი ღულუნე; თარზედ ღიღინი. მარჯვე დიასახლისა მოსიყვარულე.. სხვებიც შეგვესწრებოდნენ ხანდისხან. სამხარი ვახშმად გადაგვექცეოდა, ჩუმი შექცევა ახმაურებულ მხიარულებად. მეტადრე, თუ აშულ მიქელა შემოგვესწრებოდა. რა თქმები, რა ზმები! საარშიყო ლექსები. ძველებური ამბები...

— იქით კვირა ჩემთან! ჩვენი კერის ანგელოზიც ვასიამოვნოთ. ნათლიდედ, თქვენც წამობრძანდით: ჩემს ფეფიკოს გაეხარდება: დასავით უყვარხარ. მიქელ! ხარაბ პეპიაც დამიპატიე: ახალი ლექსები აქვსო გამოლ...

— ეჰა! დაძრულა სვიმონ თავის ადგილიდან. როგორ მოხრილი მოდის! წელში გაუტეხია ცხოვრების სიმძიმეს. ბევრით კი არ არის ჩემზედ დიდი. ზედ ზურგზედ დაუცია უბედურობას.

გავუსწორდი მარკოზას. გამოვედ. მივეწიე.

\*  
\*\*

— შინათყენ?

— მივდივარ. განა შენც აქათა სცხოვრობ? არ შემხვედრიხარ აქამდისინ.

— ვერაზედა ვცხოვრობ. განძრახ ვიცდიდი ღუქანში: მინდა შინ წამოგყვე.

— შინა? სადა მაქვს ბინა?! საღორეში ვყრივართ. არა! ნუ მოხვ...

— მაინც უნდა წამოვიდე: ვერ მოვისვენებ. მაკრინე?

— საწყალი მაკინე!.. მაინც ვერ დაგინახავს: დაბრმავდა ორივე თვალით, სრულებით ველარასა ჰხედავს.

— დაბრმავდა?!

— ჰო! მოტეხილს მოსტეხიანო...

— წამოვალ!

ვიცოდი ამ კაცის უბედურობა. გაკოტრდა. კიდევ იბრძოდა. გატყდა. მორცხვადა სთხოვდა ნაცნობებს შემწეობას. დავკარგე თვალთაგან. ეხლა მთლად დაგლახაკებულს შეეხვდი, მაგრამ თუ მეტი საცოდავობის მზიდავი იყო უბედური, ის კი აღარ მეგონა.

— დაიცა ემანდი ვუთხარი,

როდესაც დაუსწორდით სარდაფს, ჩავიბრინე. მოვითხოვე სანოვანე, სასმელი, თეთრი პური: ფულს აღარ დაგხედე.

— წადი, დათიკოჯან, თუ ღმერთი გწამს! არ მინდა ჩემ ბუნავში მიგიყვანო: ერთხელ მეც ხომ კაცი ვიყ...

— გცხვენოდეს, სვიმონ! მე მეუბნები მაგას?! უსათუოდ უნდა ვნახო მანამდე, ვიდრე მაკრინე!

ხმა აღარ ამოიღო: ალბათ დამთანხმდა. ავითავეთ აღმართი. მარცხნივ შევეუხვიეთ, ვიწრო ქუჩისაკენ. მინგრეულ-მონგრეული სახლები რომ არის, იქ შესდგა გლახაკი.

— აქ?

— აქ! მაგრამ ..

— გამიძელ!

— მაკრინემ არ იცის, რომ ვმათხოვრობ, არ წამოგცდეს!

რალაცა ჯურღმულში ჩასავალი თავქვე იყო. ჩავდგი ფეხი. ჩავედით.

— სალამო მშვიდობისა, ქალო! კრაქში კიდევ არის ნავთი? ასანთი მომაწოდებ ერთი, მუხლ ქვეშ გექნება.

გაჰკრა წუმწუმა. ააშუქა. აგურის იატაკი ჰქონოდა ბუნაგს. ამოცვივნილიყო. ბუხრის ნანგრევი მოჩანდა. ტახტზედ, რალაცა ფიჩვზედ, იჯდა მოხუცი. თვლები ახილული ჰქონდა. არც ლობრი ჰქონდა გადაკრული. ექვი შემეპარა სვიმონის სიტყვებში.

— ვინ შემოგყვა? ფეხის ხმა გავიგე; სუნთქვაც მესმის.

— გამოიცან!

— ვაი, რომ ველარვის ვიცნობ! ვინა ხარ, შვილო? მე ხომ ღმერთმა თვალე-ბი დამიყენა...

— მე ვარ! დათიკო ვარ მამზერალიძე.

— აღარ გახსოვს, შე საწყალო, ნათლია დათიკო, სოლომონის შვილი?

— უი ქა! სად მიპოვნე ქვეყნისაგან ხელ აღებული, სიკვდილისაგანაც დავიწყებული?!

— სვიმონა დავინახე თარით ხელში და გამოვყევი: ძალიან მომინდა ამისი თარის ხმა და სიმღერა კიდევ მომესმინა, უწინდელი ჰანგები ლამაზლამაზი.

— რა კარგია! მაინც არ ივიწყებენ სვიმონს ძველი ნაცნობები: ქორწილი, ნათლობა, ახალგაზრდების ქეიფი უმაგისოდ არ იქნება. თარით შოულობს საწყალი საზრდოს და მეც მაცხოვრებს, ესეთს საბყარსა. თუ თარს არ ეშველნა ამ უბედურობაში, დავიღუპებოდით.

— შენ კი, ჩემო მაკინე, ახალგაზრდობისას სულ იმას მაყვედრიდი, გადაჰყევი მაგ თარს თუ სიმღერას, ქეიფში საქმე დაგავიწყდაო.

— მართალი ვიყავი, ჩემო კარგო ნათლიაჯან, მაგ ქეიფში არ დაიღუბა კაცი და ძვირფასი მალაზია დაკეტა? ეს თვალდახუჭული მღეროდა ეშხზედ მოსული ბულბულივით, მტაცებელი კი მიეპარა და დაანელა...



— ალბათ ესე ეწერა შუბლზედ. გულს ნუ გაიტყენს, იქნება მენ ისევ გეშველოს. ექიმს არ ეჩვენე?

— ორჯერ-სამჯერ წამიყვანა სვიმონამ ექიმთან, მაგრამ იმან ხელი არ დასდვა ავადმყოფობას: შავი წყალიაო მოურჩენელი. შინაური წამლებიცა ვსცადე, მაგრამ ტყუილად: აღარ გამინათდა.

\*  
\* \*

შვეყაოლეთ საუბარი: ერთი კბილის ხალხნი ვიყავით და ძველ ამბებს ვიგონებდით.

— ბარემ ვახშამი გავშალოთ, მიჰმართა სვიმონამ მაკრინეს.

— უკაცრაოდ კი ვართ სტუმართან...

— ნურას ბოდიშობ! ყველაფერი არის ღვთის მოწყალეობა: დათიკომ იყიდა ყოველივე.

— დათიკომ?!

— არა უშავს რა: ძველი ნაცნობია, თანაც ნათლია.

— მოვდიოდით. მამეწონა დუქანში ეშხიანად დაწყობილი სასმელ-საჭმელი და... ვივახშმებთ მეთქი ერთად, ძველ დროს გავისხენებთ, ვიფიქრე.

დედაკაცმა ხმა აღარ ამოიღო. ადგა, სუფრა გაშალა, ჭურჭელი გადმოაწყო თაროდან. სვიმონა ჰშველოდა. ნელ-ნელა იძროდა ბრმა, მოზომილად; ძლიერ ფრთხილობდა. გამოთვლილი ჰქონდა თვითეული ნაბიჯი, ფეხის გადადგმა. მაყალიც გაჩაღებულებოდა, ჩამოიტანა სვიმონამ: წელანვე მივეცი ნახშირის ფული, მოიტანე მეთქი სითბო დადგა გაყინულ ბინაში; ნესტის სუნი კი აუშვა: უცეცხლოდ ჩაქონთილიყვენ იატაკი თუ კედლები უმზეო ბუნავში. რა უშავდა?!

— შესჩვეულხარ სიბნელეში მიდგომ-მოდგომას.

— შევეჩვიე. რას არ შეეჩვევა ადამიანი! ეზოშიც შემიძლიან ასვლა. ქუჩაშიც გავდივარ, მაგრამ სახლს ვერა ვცილდები: მეშინიან. დართვას და წინდის ქსოვას კიდევ ვახერხებ, თუ ხელში მომცეს საქმე ველარასა ვშველი სვიმონას. ჰაი, თუ ჩემი თვალეები მექნებოდა ეხლა!.. ბნელეთის წერა ვყოფილვარ მე საწყალი...

გავბოთ. შევნაყრდით. დედაკაცი ცდილობდა, ნაზად ექამა, მაგრამ მაინც ეტყობოდა, დამშეულიყო, დანატრებულებოდა სასმელ-საჭმელსა. გუნებაზედ მოვიდნენ მაკრინე თავისებურად გასწორდა წელში, ყელი მოიღერა, ჩამხმარ-ჩანაოკებულები ყელ-ყური. სვიმონა დახელოვნებულებოდა დედაკაცის მოვლაში: მარჯვედ აწვდიდა საჭირო ჭურჭელს, საჭმელს თუ სასმელს. ისე ესმოდა დედაკაცს ყოველივე მოძრაობა, თითქო ჰხედავსო. ისევ ისეთი სუფთა მაკრინე, ბედშავობაშიც ლამაზად მქცევი.



— ჩემი ბიჭის უბედურობაზედ კი დამემართა ეს ავადმყოფობა: ცრემლს თუ ველარ გაუძღეს საწყალმა თვალებმა. ჯერ ისე შავი რამ ფარდა მელანდებოდა, ბნელის ნაგლეჯი. თანდათან ძირს ჩამოიწვია წყვილია და გაფართოვდა. ერთს დღეს მთლად ჩამომეფარა თვალებზედ. ბისტი კი წინადაც არსადა სჩანდა. მეუბნებიან, თვალებს არც ეხლა აქვსო ლიბრი გადაკრული.

— სუფთა თვალები გაქვს, წინანდებურად მოკრიალებული.

სვიმონასაც თანდათან გული ესხნებოდა. ცალი თვალი ჭიანჭურისაკენ ეჭირა. მისწვდა საკრავს, გააბა ახალი სიმი, მომართა. ააქვითინა სიმები. გრძობათა ნაჟური გვადინა თვალითაგან. მაკრინეც აღელდა, სიამის ცრემლი გადმოადგა ჩაბნელებულ თვალებზედ.

— ახალი სიმი?!

— დათიკომ მიყიდა.

— რა მადლობელი ვარ! აწამებდა საწყალ კაცს ნამზნევი სიმი გაკვანძილი. მეც სმენას მიქანჯავდა. ვერ ყიდულობდა სხვას: ამბობენ, დიდი სიძვირე ჩამოვარდაო ყველაფრისა.

— მართალია!

— წინადაც კი ყოფილა შიმშილობა: ერთი ცულის ყუა ხორბალი მინალთუნად ვადიოდაო.

— გახსოვს, სვიმონ, ქეიფს რომ შევაცოლებდით ნელ-ნელა?

— პატარა სუფრა. ტკბილი ლილინი. თაფლივით სიტყვა.

— სველი ხელადა. მწვადის შიშინი, მადის ამშლელ კვამლში რომ ეხვევი სუნნელოვანში.

— გათენებისას საარი გამყივარი, პირველი სხივები ამომავალი მზისა რომ ცისკენ აზეულ ზურნის ტუჩში ჩაიმტვრევიან...

— აი თქვე ეშმაკებო! მე კი თვალ-ჩაუხუჭავი ველოდდი ჩემს ვაჟკაცს; მეშინოდა, ხიფათი რამე ხომ არ წაეკიდა მეთქი.

— ახ, დრონო, დრონო, წარსულნო დრონო! ჩაილილინა სვიმონამ და მწყობრად დააკურა ზედ ვერცხლებრივი ბგერანი ჭიანჭურისა.

დამავიწყდა, სად ვიყავი, რა უბედურების სავანეში. თითონ ბედშავთაც გადაავიწყდათ ეს: სახე გაბრწყინებული სვიმონა ასაუბრებდა თარს; მაკრინე თვალს აყოლებდა მიმომფრენ ხმებსა. იქნება კიდევ ჰხედავდა უხილავებს თვის გონების თვალთა არეში. შეწყდა ხმა მწყობრი: თარმა უკანასკნელად ამოიკვნესა და ჩაჩუმდა.

\*  
\*\*

— გმადლობთ, ნათლია ჩემო, ამ სიმისათვისაც: კვანძიანი სიმის ხმა ყურთა სმენას მიგმირავდა, კოჭიჭივით მექდეოდა ზედ გულის კანზედ.

— არაფერს! მეც ვისიამოვნე. რათა ხანია, აღარ გამიგონია ეს ძველი ლერები. რამდენი სიმღერა იცოდი შენ, მაკრინე, და ლექს-ზღაპრები! კიდევ გახსოვს?

— მამა განთქმული მელექსე ჰყვანდა და ამბის მთქმელი. ზღაპრების გუდას ეძახდნენ.

— ყველაფერი დამასწავლა მამამ, სუყველაფერი მახსოვს.

— ეგ კარგია, მეხსიერება რომ შეგრჩენია.

— რაც თვალები დამეგვო, ის უწინდელი ლექსები თუ ზღაპარსიტყვაობა უფრო მკაფიონი შეიქმნენ ჩემთვის. რომ ვიგონებ, თითქო ვხედავო. ვხედავ კიდევ საკვირვლად აციაგებულ სიტყვებს; დარაზმულნი მოდიან მწყობრად, მოუბნობენ, მოიმღერიან. ივინი ეხლა ჩემთვის ცოცხლები არიან.

— ჰხედავ? მოძრაობენ, ცოცხლები არიან?!

— ახ! საწყალი ჩემი თვალები აღბათ შიგნით ჩაბრუნდნენ, შინისკენ მიიქცნენ და იქ ანათებენ ძველისძველ ამბებს, ქამხა-ატლასივით მძიმედ დაკეცილ ძვირფას სათქმელებს.

— გვიამბობ, ჩემო მაკრინე, ყველა იმ ამბებს.

— გეტყვით, მოგიტხრობთ, თუ გიხარიათ.

— მოვალ ხოლმე და გაამბობინებ კარგი?

— კარგი, გენაცვა, ძალიან კარგი! განა კიდევ მოხვალ ჩვენსა, კეთილო? სხვამ ყველამ დაგვივიწყა, თითქო დაგვმარხეს.

— უთუოთ გნახამთ, ჩემო კარგებო!

დავდივარ სვიმონანთანს. თვეში ერთხელ მივდივარ, ოცის შემდეგ ჯამაგირის მიღების მერმე. საკვირველია! იმ საცოდავ ბუნავში, აყროლებული ჭრაქი სოდნავ შხუტავ შუქზედ კაშკაშდებიან ძველი სახეები, იძვრიან, ცოცხლდებიან; თვალწინ მეორდებიან უწინდელი ამბები.

— გარდასრულნი თუ მოდიან იქ თქვენ სანახავად, დროს სატარებლად?

— ნამდვილ მოდიან, შავეთიდან გვევლინებიან. რას არ გვიამბობენ! უფრო კი სევდიანს მოგვითხრობენ, გვიმღერიან, გვეუბნებიან. ხან მთლად უჩუმრად სხედან იგი აჩრდილნი წარსულისა. ჩვენ კი მაინც ვხედავთ მათ, გვესმის მათი სიტყვა, მეტადრე მაკრინეს: ის ჩვენზედ კარგადა ჰხედავს იმათ, ჩვენზედ მახვილად ესმის მათი უხმო ხმა როცა ამოვდივარ იმ ჯურღმულიდან, მგონია, ბურანში ვიყავი და გამოვფხიზლდი. მანამ მეორედ მათთან მისვლის დრო მოვა, ეჭვიც კი მეზარება მათ არსებობაში.



## კოწია გამსახურდია

# რ მ ე უ ი

(გუძღვნა ჩემს ტკბილად მოსგონარ დედას)

1920 წ. პირველ იანვარს ბათუმის ბნელსა და ვიწრო ქუჩებში შევხვდი. ახალი წლის დასახვედრად ინგლისელებმა ნავთსადგურში გემები ააყვირეს. ქალაქიდან მაშხალებს უშვებენ. ეს მაშხალები ნერვებს მიშლის. მაგონდება 1918 წლის გაზაფხულის ღამე, ასე ელავდენ ფორტებიდან გამოსროლილი ყუმბარები. იმ საბედისწერო ღამეს გაუდრკა მუხლი ქართველ ჯარს. . საშინელების მოლოდინში სახლების ფანჯრები ზანზარებენ. . ეს არასოდეს არ დამავიწყდება... არც ქართველ ხალხს დაავიწყდება ეს საბედისწერო ღამე. . ამალამაც მოწყენილი ვეგებები ახალ წელს. „ხვალ საქართველოდან მივდივარ“. მერე ფიქრი შორეულ გზაზე, შორეულ ფერზე, ფიქრი ჩემ მოხუც დედაზე; ნაზი სუბტროპიკული სათუთი ღამე, ჩუმი მელანქოლია .. სამშობლოდან წასვლამ ასე იცის.

ხვალ ახალი წელია, 1920 წ. ნავთსადგურში ელექტრონით გაჩაღებული ინგლისელთა კრეისერი სადღესასწაულოთ გაჩირადღანებული შობის ხეს მომაგონებს... ყვირიან გემები, ყვირიან ბუქსირები, როგორც მონადირისაგან გზა აკვლევული ირმის ჯოგი, და ეს საშინელი ღრიანცელი ამ ბნელ ღამეში აუტანელია. მივყვები ყრუ ნაპირს ზღვისას, ზღვაში ლაპლაპებს ყვითელი ზოლი ნავთსადგურის კანდელისა და გემების სანათურების ანარეკლი.

ქალაქიდან კანტი-კუნტი თოფის ხმა ისმის... მაშხალები ცეცხლის გველებით მიიკლანებიან ცისკენ და სახლების ბნელ სახურავებზე ეშვებიან ისევ .. ასე იყო იმ ღამესაც. .

ოო, ჩვენ გულზე ეს ტკივილი არც ასე ადვილად მოშუშდება, ჩვენო ბათუმო!

მეორე დღეს გემზე გადავედი.

— რა ჰქვია ამ გემს? — ვეკითხები დაბალ, ყვითელ ღილებიან სათვალეზიან კაცს — „ფერენც იოსებ კვირალია“.

ოო .

თბილი მზიანი დღე, ბათუმიდან გამოყოლილი მეთოლოები წვილით მოსდევნენ გემის ნაკვალევს. ვინ იცის, ეგებ ეს მეთოლოები იტალიამდის თან გამოჰყვენ ჩვენ გემს, რომ გზა და გზა ცივილიზაციის ნასუფრალით შეიქცეონ თავი გამლილი ზღვა... ბაქანზე ვზივარ .. გავყურებ დაუსრულებელ ზღვას, რომლის კიდეზედაც თეთრად შესუდრული კავკასიონი სთვლემს... ო, ზღვაო, ზღვაო მარადისობის სიმბოლოვ, როგორ მამშვიდებს შენი დაუსრულებელი ლივლივი..

სადაფის ეტრათი წამს ქაფად იქცევა, ნელ-თბილი სხივები შუბლს გეაღერსება, ირხვევა, იფრქვევა, მდინარებს, ყუყუნებს, და გული გაყრისა ცრემლებით გვესება.

...„და გული გაყრისა ცრემლებით გვესება“!..

ხომ ბუნებრივია ჩვენი გულ-ჩვილი სიყვარული უსაზღვროებისადმი. რა კარგი არის ერთ წამში სივრცისა და დროის ფარგლებიდან გამოსვლა .. მთლად ქვრეტად, მთლად ზმანებად, მთლად ოცნებად ქცევა. ირღვევა არსება, იბნიდება აზროვნება და უსაზღვროებითა მარადისობით მთვრალი შენც ამ დიდებული სტიქიონის ერთ ტალღად იქცევი.

არცა ნდომა, არცა ზრახვა, არცა ფიქრი, არცა ურვა...

მე არ შემიძლია არც შევსა და არც ხმელთა შუა ზღვაზე უჰომეროდ მოგზაურობა. ჩემი ბიდეკერი სულ არ გამხსენებია აქ. განა ოდისეი ბიდეკერზე უკეთესი გზის მაჩვენებელი არ არის ამ მიდამოებში. ამიტომაც მუხლზე მიდევს იგი.

აჰა ძველი საბერძნეთის გავერანებული ნაპირები კორინთის კანალში რომ შევედით, ჩვენ გემს ბუქსირი გაუძღვა წინ... გაღმა-გამოღმა სულ ორიოდ მეტრის სიახლოვეზე ჩნდა ნაპირები. გემს ფეხშიშველა, ძონძებიანი ბერძნის ბავშვები მოსდევდნენ და იტალიანურად გაჰყვირიან: სთხოვენ მოაჯირებზე გადმოყრდნობილ მგზავრებს.

ეს საცოდავი მათხოვარ ბავშვების ბრბო, ნუ თუ ესენი არიან ძველი ჰელენების მემკვიდრეები? ჰოი უკუღმართო წუთი-სოფელო! ეს ჩამოგლეჯილ, ჩამოწეწილი ბაღლები, მათხოვარა ბავშვები პლატონისა და პერიკლეს მიწაზე, ესენი ვნახე მე პირველად საბერძნეთში გავლისას.

„და დაიქცევა ძველი ტროა“!

კორინთის კანალს რომ გავსცილდით მე, ისევ ჩემს ოდისეის მიუბრუნდი. აქ არის ძველი ჰელას ცოცხლად შენახული. ძველი საბერძნეთის მიწაზე ნანგრევები ლაა დარჩენილი. საბერძნეთის მშვენიერ მიდამოებზე გამხდარი თხები სძოვენ. ხრიოკი, ნანგრევი, აქა-იქ სახელდახელოდ გაკეთებული სახლები, მწირი სანახები და მწირი მიდამო. აი მოდერნული, ბერძნული სანახი!

ჩაიხედეთ ოდისეიში... აქ ცოცხლად შენახულა დემოსთენის სიმქვერე, პლა-

ცონის ტკბილსიტყვაობა, პერიკლესის სიბრძნე, პორფირი და მშვენება ბერძენთა მეფეების სასახლეებისა, უთვალავი სიმდიდრენი, რომელნიც მეფე ოდისეისასაც კი, რომელსაც მთელი მაშინდელი „ქვეყანა“ მოვლილი ჰქონდა, განცვიფრებაში მოიყვანდა ხოლმე.

ახლანდელ საბერძნეთზე იგივე ითქმის, რასაც ოდისეი ამბობდა თავის სამშობლო იტაკაზე: „იტაკა, ეს თხების ქვეყანაა, მწირი თხების ქვეყანა“.

ვათვალისებრ, ვფურცლავ ჩემ საყვარელ ოდისეის.

სრულიად შემთხვევით წააწყდა თვალი „ლანდების სამყაროს“.

„აქა მოვიდნენ ერეგოსიდან აწ გადაცვლილთა სულელები“.

განა დღეს მთელი ბერძენთა ერის პირით არ ითქმის იგივე რასაც ელპენორი ეუბნება ოდისეის:

„ძევ ზევსისავ, ლაერტის შვილო, ჭკუა მახვილო, ჰოი ოდისეუს, ბედმა და დემონმა დამლუპეს მე“...

8 იანვარს ღამის 11 საათზე ტარანტოს მივედით.

„იტალიავ, იტალიავ, მიწავ რენესანსის“.

ასე მღეროდა ამ რამდენიმე წლის წინად ერთი ფრანგის პოეტი.

რა მშვენიერია იტალია სწრაფი მატარებლის ფანჯრიდან.

სოფლები მთების კირჩხიბებზეა შეხიზნული.

ჯერ რომელი მეთოდით მოგვითხრობენ, რომ იტალიის სოფლებს ასეთივე მდებარეობა ჰქონიათ ამორჩეული პირველ საუკუნეებშიაც. ეს ალბად სტრატეგიული მოსაზრებით ხდებოდა. გორაკებზე შეკუმშული თეთრ-სახლებიანი სოფლები საუცხოვო სანახაობას წარმოადგენენ.

11 იანვარს, დილის 7 საათზე გამოჩნდა რომის ძველი გალავანი და სახელგანთქმული წყალსადენის კედლები... ტიტანების ნაკეთები უნდა იყოს ეს... მთელი ღამე არ მძინებია სიხარულისაგან. რომი, ჩემი ოცნების საგანი.

ქუდი მოიხადე, მოგზაურო!

ესეც პიაცა დელ პოპოლო, (სახალხო მოედანი), რომელზედაც აღმართულია ობელისკი, ჰელიოპოლისის მზის ტაძარს რომ ამშვენებდა ოდესმე იგივე ობელისკი ერთ დროს აუგუსტუსის ბრძანების თანახმად ცირკუსს მაქსიმუსსში დასდგეს. პაპა პიუს მეხუთემ აქ აღამართვია იგი.

უცხო, ქვის მგზავსი ფარაონების ქვეყნიდან, რა განმარტოებულად დგას იგი ამ მოედანზე და გარინდებული მისჩერებია იტალიის ფირუზის ცასა და მისს გარ-

შემო მდებარე სრა-სასახლეებს. აქვე მახლობლად იმყოფება „სანტა მარია, დელ პოპოლო“ ეკლესია, სანსოვინო, რაფაელ პინტურიჩიო მოგესალმებათ აქ. საფლავების რელიეფები, სკულპტურები, ფრესკები, მარმალისო, ფერადები, მშვენება, სასოება, მოჭარბებული ენერჯია და მზიანი თვალის ჩინი.

ამბობენ აქ დაუბნევიათ ტირანი—პოეტის ნერონის ფერფლი

„ნერონ, ნერონ, შენ შეგიძლია ადამიანები დაჰხოცო რამდენიც გინდა, მაგრამ ლექსებით რაღას გვერჩი“...

შესძახა ნერონს საყვედურით ერთმა თანამედროვემ...

ამფერ ძველნო რომაელნო, რომ ცუდ შაირობას არც იმპერატორს შეარჩენდით ვაგლახად!

მე მოვყვები ძველ კორზოს... რამდენი სისხლი დანთხეულა აქ საუკუნეთა განმავლობაში... აქავე ყოფილ ვია ლატათი და მისს გარშემო მდებარე მარსის მინდვრებით შემოდრიოდნენ ჩრდილოეთიდან დაბრუნებული ლეგიონები ნადავლით და ნაცარცვით დატვირთულნი.

კიდევ ერთი სურათი სდგება ჩემს ხსოვნაში. ქარიშხალიან ღამეში მოჰქროდა ამ გზაზე ორიოდ მხედრის სილუეტი... ერთი მათგანი გახლდათ სიკვდილით დაშინებული კეისარი ნერონი. მერე პაონის სახლში ტრადი-კომიკური სურათი: ის ვინც ასიათასთა სიკვდილს გულ აუთოროლებლად უყურებდა ნაზატებს ეხვეწებდა, რომ გულში მახვილი ჩასცეს...

კეისარი და ჯამბაზი, ჯამბაზი სიცოცხლის უკანასკნელ წუთამდის უკანასკნელ სიტყვებს უმატებს თავის მსოფლიო ისტორიულ ანგარიშებს: „ქუალის არტიფექს მორიორ“.

კიდევ რამდენი სისხლი დაქცეულა ამ მიდამოებში ანტიკიდან რენესანსამდის!

ჩემი გონების თვალწინ მიმოდინა ბარბაროსი გერმანთა ბრბოები, ფრიდრიხ ბარბაროსის გერმანელი ლანდსკნეხტები; ცეცხლს უნთებენ სასახლეებსა და ტაძრებს რომერტ გუისკარდის ველური ჯარები, თვალსა და ხსოვნას ელანდება სისხლის ღვარი, ცხედრები, ცხედრები და კიდევ ცხედრები. ომები, ბრძოლები უფლებისათვის, სარწმუნოებისათვის, კეისარის გვირგვინისათვის და პაპის წმინდა ტახტისათვის.

განა მარტო სისხლის ღვრა ახსოვს კორზოს.. აქ იმართებოდა ძველი რომაელთა საყვარელი კარნავალები, ქაბუკნი და ქალწულნი ვით მტევნებით შუბლდამშვენებული მენადები და ბაკხანტები მოეფინებოდნენ ქუჩებს სიყვარულითა და ღვინით მთვრალნი, წრეს გადასულნი და აღტყინებულნი. დაუსრულებელი წყებები ნიღაბოსანთა. დისკოს სროლა და მარულა... შემოღამდება და კორზოს მოედება

ჩირალდნები, ყვითელი ჩირალდნების სინათლე და გრძელი, გრძელი შავი ლანდები და მხიარული ყიყინა.

„სია ამმაცატო“ ..

სადღა არიან მოცეკვავე მენადები, სადღა არიან კარნევალ გადახდილი რომელი ქალწულები და ჭაბუკები! კვლავ მაგონდება ოდისეის „მკედრების სამყარო“, „ვანიტას კანიტატუტუმ“.

სალამოს ათი საათის შემდეგ აქ ლამის კოკოტკები დასეირნობენ და ყოველ გამვლელს აბეზარის ტიკტიკით ეკვიატებიან.

კორზოს გზით შეხვდებით ძველის-ძველ ეკლესიას: „სან ლიბენცო ინ ლუჩინა“-ს საუცხოვო რომაული სტილის სამრეკლოთი, კარის პკეებს ორი მარმალილოს ლომი სდარაჯობს.

აჰა მოსჩანს „პიატა კოლლონა“. აქ არის ცენტრი დღევანდელი ახალი რომის. კარეტები, დეკოლტიანი ქალები, ელევანტური კავალრები, ეტლები, ავტომობილები. რომში თვით პატრიციის ქალებიც გამოცვლილან, ახალი პატრიციელები ავტომობილებით დასეირნობენ იქ სადაც ძველ პატრიციებს ტახტრევანით ატარებდნენ აფრიკელები. ცნობილ ტროიანის სვეტზე გვირგვინოსანი წმინდა პეტრე აღმართულა, ეს ბრინჯაოს მოციქული. სვეტის გარშემო ეხლაც თვალსაჩინოა ეპიზოდები ტროიანის ცხოვრებიდან. მისი ნადირობანი, მისი ტრიუმფები, მისი სიქველე და დიდება, მთელი საუკუნის ცხოვრების სურათები გადაგეშლებათ თვალწინ.

პიატა კოლლონას მარჯვნივ მთელი ისტორიული ლაბირინტია, აქ მგზავრმა კარგად უნდა განიახლოს თავისი ისტორიული ტრადიცია, რამოდენიმე ნაბიჯზე მოსჩანს ნეფტუნის ტაძრის უშველეებელი ფასადი... მარცხნივ ძველი ღმერთის სამახსოვრო ძეგლია: „ფონტანა ტრევი“. ამ შადრევანის ცენტრში მოსჩანს ლოკოკინას ეტლში თვით მისი უდიდებულესობა ღმერთი ოკეანის, მას გარს ახვევია ნიქსები და ტრიტონები. იფრქვევა ანკარა წყალი, რომლითაც ძველ რომაელებსაც კი ეგზომ მოჰქონდათ თავი. ჩემი გვიდი (გზის მაჩვენებელი) მიამბობს, რომ ამ შადრევანის აუზში უთუოდ უნდა ჩააგდო ერთი ჩენტეზიმა (ფულის ნიშანია იტალ.) თორემ რომში მეორეჯერ ვეღარ მოხვალო. თურმე იმ ფულებს, რომელსაც მგზავრები შესწირავენ ხოლმე ღმერთს ოკეანოსს, ნუ იტყვიოთ აუზის ამომწუმენდელები ჩაიდებენ ჯიბეში. ეს ასე ყოფილა მუდამ, რასაც მორწმუნენი ღმერთებს სწირავენ, იგი ღვთის მსახურთა ხვედრია მუდამ.

კორზოდან პატარა შუკით წამიყვანა ჩემმა გვიდმა წნ. იგნაციოს (იგნაციუს ლოიოდას) ეკლესიაში. კედელზე საუცხოვო ფრესკი გვაჩვენებს იგნაციუს ლოიოდას

ლას, რომელიც ტრიუმფით შედის სამოთხეში. პატარა ნიშს ქვეშ ვნახე ლოიოლას ოქროს კუბო.

ლოიოლას ეკლესიიდან რომ გამოვედით, გვიდის უნდოდა იეზიუტების რეზიდენციაში წავეყვანე, მაგრამ მე დაეინებით მოვითხოვე, რომ „პიატა ვენეციაზე“ (ვენეციის მოედანი) გავსულიყავით.

ესეც პიატა ვენეცია თავისი დიდებული სასახლეებით. მარჯვნივ მიჩვენებს იგი ავსტრიის ყოფილ საელჩოს, რომელიც ახლა ისევ იტალიის სამეფომ მიითვისა.

პირდაპირ მოსჩანს ვიქტორ ემანუელ II-ს ძეგლი, მოხუცი მეფე ცხენზე... ძეგლი მოოქრული ბრინჯაოთია გაკეთებული. მთელი ძეგლი გადაჭარბებული აღმაფრენის ილიუსტრაციაა. ძეგლის პიედესტალი და გარემო დამშვენებულია საუცხოვო ახალი მოზაიკით. თუმცა გაბრიელე დანუნციომ იწინასწარმეტყველა: „ამ ძეგლის აშენებამდის ანგელოზების პოზაუნეი წარღვნას გვამცნობსო“, მაგრამ ძეგლი როგორც ჩანს მალე დასრულდება, თუმცა ღვთის წინაშე არც ქვეყნის და კერძოთ ვეროპის წარღვნაც არ უნდა იყოს მაინც და მაინც შორს.

მე განზე ვტოვებ არაკოელის ეკლესიას, რომელიც ცნობილია თავისი ციდან ჩამოვარდნილი ხის დედოცალათი ბაებინო სანტო.

ვერც კი მოვასწარი კაპიტოლიისაკენ ამაველი კიბის დათავება, მარცხნივ თვალი მოჰხვდა ორ პატარა გვირაბებში მომწყვდეულ ძუ მგელს, ეს გახლავთ მემკვიდრე იმ მგლისა, რომელიც თანახმად ძველი ლეგენდისა რომულსა და რემას ძუძუს აწოვებდა. ამ ომიანობის დროს ისე დამშეულა ეს საცოდავი პირუტყვი, რომ არა მგონია მან ნაყოფიერი ძუძუს წოვება აწივ შეიძლოს. იქვე უშველებელ გალიაში მომწყვდეულია ორი არწივი, ცოცხალი ღერბი ძველი რომის საკეისროსი.

აჰა კაპიტოლიც. წინ შემომეგება ბრინჯაოს ცხენოსანი ანტიკურ ქვეყნიდან მომავალი და ეს მას ზედ ეტყობა, მოშვებული წვერი, მთელი მისი მშვიდი, წყნარი, ნაზი და კეთილშობილი სახე ანტიკურის სისადავითაა აღსავსე, იგი თითქოს გულ-გამთბარის ღიმილით ეგებება მგზავრს, კაპიტოლის კიბიდან ამოსულს, მარჯვენა ხელით იგი უჩვენებს მარჯვნივთვე მდგარ კაპიტოლიის მუხეუმისაკენ პატერ პატრია — მარკუს აურელიუსს!“

ხომ ძლიერ ვიწროა და პატარა თანამედროვე მასშტაბით კაპიტოლის მოედანი, მაგრამ რამდენ რამეს ეუბნება იგი მგზავრის გულს! დაუნჯებული და გულჩათხრობილი გამოიყურება კაპიტოლი, კარ-ჩაკეტილი და პირ-მოქუშული დვას სენატორების დარბაზი მრავალ საუკუნეთა ქარიშხლის გადამტანელი, სე-



ნატორების სასახლეს ამშვენებს მიქელ ანჯელოს მიერ აშენებულ მოაჯირებითა და კიბეთი. იქვე შადრევანები ნილოსისა და ტიბრის ძეგლები სდარაჯობენ მათ, რომ წყალი არ გაიფანტოს. მოდერნულ ადამიანს ვერც კი გაუგია ძველ რომაელთა უზომო სიყვარული და მიდრეკილება წყლისადმი, ნილოსი და ტიბრი, ეს ორი ძუძუ ორი დიდი ერისა და კულტურის გამზრდელი და მასაზრდოველები!

მარცხნით და მარჯვნივ ორი მშვენიერი რენესანსის დროის სრა-სასახლეები: მარჯვნივ კონსერვატორთა სასახლე, მარცხნით კაპიტოლის მუზეუმი.

პინაკ-ტეკის მეორე სართულში თვალი მოვჰკარი რუბენსის „რომულუს და რემუს“-ს. იქვე გვიდო რენის მშვენიერი სენტ სებასტიან.

კაპიტოლიის მუზეუმში სადარბაზო ბარათი უნდა შეუგზავნო ქალბატონ ვენერას, მისი თეთრი მშვენება, მისი ტკბილი თვალი-შადრევანი ნექტარივით ტკბილია.

იქვე პერსებინე: მინდა მარადის მთვრალი ვიყო მე შენის ეშხით, მინდა მარადის შენს თეთრ ხელებს მხვევდე კისერზე.

აქ მინდა ცოტა შევჩერდე, რადგან ვენერაზე დასვენებული თვალის სხვა საგანზე გადატანა უხერხულია. აქ სიტყვა ფრთას კეცავს, გულში სისხლის ტალღის ხმაური ისმის. სიტყვას ბანზე ავაგდებ, მკითხველო, რაკი ჯერ კიდევ კაპიტოლის მუზეუმში ვართ მე და ჩემი გვიდი, (რომელიც სხვათა შორის ხელს მიშლის გულდამჯდარ და აუჩქარებელ ჰერეტისა და ტკობის დროს, თავისი უგუნური შენიშვნებით და კომენტარიებით, რადგანაც გვიდის ჰგონია ყოველი უცხოელი მასავით პროფანია ისტორიამ).

ანტიკური მუზეუმი და საერთოდ ყოველი მუზეუმი, როგორც მრავალი სხვა თანამედროვე კულტურული ინსტიტუტი არა ბუნებრივი კომბინაციაა. ის რაც მთელ ერს, მთელ თაობას, მთელ საუკუნეს შეუქმნია ხშირად ერთ სახლშია დანომრილი და დალაგებული. ჩვენი ცივილიზაციის წყევლა გახლავთ ეს საშინელი დანომრვა ყველაფრისა და პუნქტუალური სისტემატიზაცია. შეიძლება ეს ყაზარმაში კარგი იყოს, მაგრამ ესთეთიური ჰერეტისა და ტკობის ობიექტების საკვირაოდ გამომცხვარ თორნის პურებივით ცოტა უხერხულია.

აქ თვალი და გულის ყური იფანტება, გონების ერთ საგანზე კონცენტრაცია, ერთი საგნის მრავალთაგან გამოთიშვა და გულ დასმული ანალიზი ძნელია. ქუცმაცდება ყურადღება, ნაწილდება ინტერესი და დაკვირების ჯამიც ცალმხრივი ხდება. ანტიკურ ქვეყანაში თუმცა სამუზეუმო ბევრი არა ჰქონდათ რა, (რადგანაც ანტიკური ქვეყანა მარტო თავის თავს იცნობდა და თავის კულტურას აფასებდა მხოლოდ). რომაელები მაინც არ იცნობდენ ჩვენებურ დანომრილ მუზეუმებსა და საწყობების მზგავს ხელოვნების სალაროებს. ბერძნული კულტურისა და ხელოვნ-

საქართველო  
2023

ნების საუნჯენი პატრიციების სასახლეებში იყო განაწილებული. დასდგით ვენერა ერთ დარბაზში, დარჩით მასთან მარტო, დეე თვალსა და გულის ყურს ნუ უშლიან სატირები და დემოვნები, ვაზები და ბიუსტები, თქვენ გაცილებით უკეთ დასტკებით მისის მშვენებით, რადგან ესთეთიური ქვრეტისათვის მთავარი პირობაა მქვრეტელისა და ქვრეტის ობიექტის პირის პირ ყოფნა, ერთ გვარი ორთა მარტო ყოფნა.

პირველ სართულში თქვენ ნახავთ საუკეთესო რომაულ სარკ-ფაგებს; აქ ბრძოლაა რომაელთა, ამაზონელთა და ბერძენთა, პრომეთეოს კაცის ქმნად განმზადილი, იქვე მენადები და ნიმფები ყრმა ღვინის ღმერთს უძიძავებენ პირველ სართულში ნამდვილი მასკარადია ანტიკური რომისა. ღმერთები, გმირები და კეისრები, ფილოსოფოსები და სატირები. ლოთი სილენი ყურძნის წვენით ითრობა, იქვე დიონისე, პატრიარქალური წვერებით. მშვენიერ ჭაბუკს ქალწულის ნაზი თავი გადაუხრია და როგორც სილენი ყურძნის მტევანს, ნეტარებით თვალ დახუჭული ტუჩებს უწუწვნის თავის მშვენიერ ნახევარს. ეს გახლავთ ტკბილად შეყვარებულნი ამორ და პსიქე.

გაშორდებით იმ ხეივანს, სადაც შეყვარებული ამორ და პსიქე ერთი მეორეს გადაჰხვევიან და თქვენ შეეფეთებით მომაკვდავ გალიელს. მას წყლულიდან სისხლი მოსდის, მაგრამ პირდაპირ რო შეხედავთ თქვენ წარბ შეუხრელ, თავ ჩაქინდრულ ვაჟკაცს, დაღრეჯილობას ვერ შეამჩნევთ, ეს გახლავთ ბარბაროსი ერის ფოლადის ნების ყოფის განხორციელება, მაგრამ დაცუქტდით მომაკვდავის წინ, ახედეთ ზევით მის მოხნეკილ თავს და პირის სახეს და სურათი იცვლება. ვაგლახ ხორციელ ტკივილს თავი უჩენია, დაქრილი გალიელის სახე და ტუჩის კუთხეები ტკივილს ოდნავ დაულმეჭია.

და სწორედ კაპიტოლის მუზეუმში უნებურად თვალსაჩინო ხდება ბერძენთა და რომაელთა შორის არსებული განსხვავება. რომაელი მწერლებიც კი აღნიშნავენ, რომ რომაელები მდევით მოსული ვაჟკაცები იყვნენ. ასე რომ ერთი რომაელი ათას ბერძენში ისე განირჩეოდა, როგორც მუხა თხემლნარში. ხელოვნებაშიაც რომაელი ძალზე პათეთიურია, გადაქარბებისა და განდიდების მოყვარული.

ხოლო ბერძენი ბრძნულად იტყოდა: „არც ზედმეტი, არც ნაკლები“. ეს ჰარმონიული ზომიერება, ეს სიმეტრია, რომელიც ყველა ერებში ბერძენს ჰქონდათ უკეთ შეგნებული, ყოველ ბერძნულ ქმნილებას ზედ ეტყობა. კაპიტოლში მრავალი ძეგლია უსახელო ხელოვნათა, როგორც ბერძენთა ისე რომაელთა ხელით გაკეთებული. გამოცდილი თვალი უწარწეროდაც გაარჩევს ბერძნის ოსტატის ნამუშევარს რომაელის ეპიგანურ ხელისაგან.

მარჯვნივ გაუხვიეთ გრძელ დარბაზისაკენ აქ მთელი პარადია ბერძენთა და რომაელთა მეფეების, სახელმწიფო მოღვაწეების, პოეტების, ფილოსოფოსების.

შეადარეთ კარაკალას, ან რომელიმე სენატორის ჭკვიანი თავი, პერიკლეს ან დემოსთენესს. რომაელი მკაცრი, შუბლ შეკრული დესპოტი, სჯულის მდებელი, ყოველი ძარღვი, ყოველი ნაოქი მისი სახისა გამომდგარ ხასიათს მოასწავებს

ბერძნის სახეს სათნოების, სიყვარულის, შუბლ გახსნილობის იერი ატყვია. თვალი ესალმება პლატონს, სოკრატესს, დემოსთენესს, დიოგენესს, სციპიო აფრიკანს, კატონს და კეისრების მთელ პლეიადას. მომზენისა და რანკეს ორჯერ გადათხვას ვგონებ ამ ტიპების გაღერვის ერთხელ თვალის გადავლება სჯობია.

\* ჩაივდეთ კაპიტოლის მოედნიდან ფორუმ რომანუმში, რომელიც ოციოდე მეტრზე დაბლა იმყოფება.

გული მოგიკვდება ადამიანს ამ დიდებული და სამწუხარო სანახაობის შეხედვაზე. დამსხვრეული და განადგურებული ფორუმ რომანუმ ..

ამაოება ამაოთა და ყოველივე ამაო!

დიდი სასაფლაო დიდისა და ძლიერი ერისა!

აჰა აქ იყო ბრწყინვალე რომის ბრწყინვალე ფორუმ, ბრწყინვალე კეისართა დიდებული რომი, თავისი თეთრი მარმალილოს ტაძრებით, მარმალილოსავ სვეტების ხეივანითა და ტიტანიური ამფითეატრებით ამაყი მაუზალებით, ნებიერ აბანოებითა, წალკოტებით აღსავსე ჯადოსნური ლაბირინთი.

ასე იყო, ასე ყოფილა ოდესმე და დღეს? სადღაა მარმალილოს ტაძრები და პიედესტალები, სადღა არიან ძეგლები და ტრიუმფატორთა ამაყი არკები, რომელთა ქვეშ ცეზარები გაივლიდნ ხოლმე ბრძოლაში ძღვევა მოსილნი, და ხსოვნაში იელვებს ფეხშიშველა ზანგის სილუეტი ერთ ერთ ტრიუმფატორ ცეზარს რომ მისდევდა ყვირილით: „კეისარო, გახსოვდეს, რომ ადამიანი ხარ შენც“.

მტვერი უხმობს მტვერს, მაგონდება შელლის ელეგიური ლექსი, მტვერი ფარავს მტვერს, მტვერი ეყრება ყველაფერს რაც კი მოკვდება, ყველაფერს რაც ჩვენ მოგვწონს, რითაც ჩვენ ვამაყობთ, ყველაფერს მტვერი ეყრება, ყველაფერს რაც ჩვენ გვიყვარს, რითაც ჩვენ თავი მოგვწონს და ჩვენც მტვერი დაგვეყრება.

ჰაუ, შენც მტვერს შეუმოსავხარ ამაყო, და უძღვეველო, შენც მარადიულო რომო!

გადახედეთ კაპიტოლისგან ფორუმისკენ მიმავალ შუკიდან ამ დიდ პანორამას, დიდს კი არა, უდიდესს პანორამას დედა-მიწის ზურგზე – და დაინახავთ, რომ სიკვდილი და განადგურება მარტო ინდივიდუალური ხვედრი როდია, არამედ თვით ერებსაც, უძღვეველ ერებსაც სიკვდილი ერევა. ამაზე ვიმოწმებ ამ საცოდავთ ჩამონგრეულ, პირ ჩამომტირალ სვეტებს და არკებს, და მთელს ქვეყანაზე უუდიდე-

ბულესს ქვის მოწმეს კოლოსსეუმს, რომელიც ფორუმ რომანუმის გვერდით ანციფტრებს მნახველის თვალს თავისი დიდებულებითა და სიდიდით.

აგერ ნაშთი სექტიუმს სევერუსის ტრიუმფის რკალისა, იქვე კონკორდია — ტაძარი, სადაც ციცერო ოდესმე სქექდა კატილინას მამხილებელი. იქვე დიდებული სატურნის ტაძარი.

ყველა სად ჩამოვთვალო, მკითხველო, მაგრამ კასტორისა და პოლუქსის ტაძარს მოვიხსენიებ, და ბოლოს ვესკას ტაძარიც არ დაგვავიწყდეს. ნუ დავივიწყებთ აგრეთვე ძვირფას ნანგრევებს ანტონიუსის, კონსტანტინეს, რომუსისა და ვენერის ტაძრებისას.

იქვეა საყურადღებო ფორუმ ტროიანუმ, თვალწარმტაცი ბაზილიკა და მაღალი გამარჯვების კოლონა!

თვალი უნებურად დაეძებს კიდევ მინერვას ტაძარსა და მინერვას ფორუმს.

მაგრამ ყველაზე უფრო ტრალიკულ შთაბეჭდილებას სტოვეებს პალატინი.

რამდენიმეჯერმე მთვარიან ღამეებში ვეწვიე ფორუმ რომანუმს.

მე მგონია, რომ გაძარცვული და დანგრეული ღმერთების საკურთხეველი არ სტოვეებს ისეთ ღრმა შთაბეჭდილებას, როგორც განადგურებული კაცთ-სამყოფელი. ჩემ სიცოცხლეში არ დამავიწყდება ის ღამე, ფორუმ რომანუმიდან რომ გავცქეროდი თვალზე გამობნელებულ კეისრების დაცარიელებულ სასახლეს — პალატინს. ქეშმარიტად დევების საბუღარს ჰგავს ეს დიდებული პალატი! პალატინის სერი, რა ღრმა მნიშვნელობა იფარება ამ სიტყვაში. აქ გაიკვანძა რომის დიდი ისტორია, აქ სადღაც წარმოშვეს და ძუძუ აწოვეს ფაუსტულუსმა და ძუ მგელმა უკვდავ ტყუბებს: რომულუს და რემუსს. აქ აუშენა გადარეულმა კალიგულამ თავის საყვარელ ცხენებს საუცხოვო ტაძარი. ახლა ცხენების კი არა, იმპერატორების სამლოცველოდანაც მხოლოდ საცოდავად დაღრღნილი კედლები და დარჩენილა.

აქვე გახლავთ ნეშთები დომუს აუგუსტულა ფლავიადან. ვის არ სმენია მისი დარბაზების სიმდიდრე, საუცხოვო შარავანდედების ქლურტული საუკუნეების განმავლობაში ახლა აქ ფეხმარდი ხვლიკი გადაურბენს პალატინის ლაბრინთებში მოხეტიალე მგზავრს თვალწინ.

ორი-სამი საათი არ კმარა, რომ პალატინის უზარმაზარი დარბაზები, ხვრელები, გვირაბები, აუზები, აბანოები დაათვალიერო. სადღა არიან ცეზარები, მათი მონები, მათი ჯარის კაცები და კარის პოეტები, მათი საყვარელი ცხენები და მათი კურტიზანები! დიდება და უკვდავება შენს ნათელ სულს, ჩვენო რუსთველო, რომ ქართველ კაცს ყველაზე ადრე შენ მოუჭრი ხოლმე სიტყვას ასეთ შემთხვევაში: „ბოლოს შეჰყაროს მიწამან ერთად მოყმე და მცხოვანი“. მარტოდ მარტო დაეხეტიალო ამ უზარმაზარ სასახლეებში, მარტო დავესირონო იქ, სადაც საუკუ-

ნების განმავლობაში ცეზარები ცხოვრობდნენ და ნებივრობდნენ. რაღაც უნებური შიში მივის გულს: თავს არ ჩამომეკცეს ეს უზარმაზარი გუმბათები და კედლები!..

აქ ჰაერი შეხუთებულია, აქ საუკუნოების მტვერი ჩადის ფილტვებში, აქ საუკუნოები მაწევს გულზე.

გაიხედეთ პალატინიდან მარცხნივ: აჰა კოლოსეუა. ძველი ლათინური ლექსი მაგონდება:

ვიდრემდის კოლოსეუმი სდგას,  
რომიც ფეხზე სდგას.  
როცა კოლოსეუმი წაიქცევა,  
რომიც დაიქცევა.

აქვე იყო ერთ დროს ნერონის ოქროს სასახლე დიდებული მარმალილოს ხეივანითა, ბაღებით, წალკოტებით და აბანოებით. სწორედ აქაა აღმართული ფლავიუსის ამფითეატრი.

შორი ახლოს მდებარებს და მოსჩანს ახლაც ნერონის კოშკი, რომლიდანაც იგი დემონიურის ხარხარით გადასცქეროდა ცეცხლში გახვეულ რომს.

აქ კიდევ ელანდება თვალს მსოფლიო ისტორიული მნიშვნელობის სანახაობა, ამ გაჩანაგებულ კოლოსეუმის უზარმაზარ ამფითეატრში ახლაც კარგად მოსჩანს თხრილით შემოქარგული არენა, სადაც მხეცებსა და გლადიატორებს სამკვდროსასიცოცხლო ბრძოლა უწარმოვებიათ ამ ორი ეგზემპლიარის შებმა მართლაც საინტერესო უნდა ყოფილიყო. მხეცი და ადამიანი! ათიათას თავიანი ბრბო უყურებს ამ სანახაობას. ცეზარები და მათი მეტრესები, მონები და პატრიციები, პოეტები და ფილოსოფოსები ძველი რომისა, ყველანი აქ არიან...

განწირული გლადიატორები და სისხლმომწყურებული მხეცები და არა ნაკლებ სისხლმომწყურებული ბრბო ყიჟინებს ისტერიულად: „მოჰკალი, მოჰკალი!“

დღეს, 1920 წ. კოლოსეუმი განადგურებულია, არსად არიან ცეზარები, არც გლადიატორები და არც რომის სანახაობაზე ხარბი ბრბო, მაგრამ განა დღეს „კულტურულ ადამიანების“ პირიდან ყოყელ დღე არ გვესმის ბარბაროსული ყიჟინა: „ჯვარს აცვ, ჯვარს აცვ ეგე“!

ვინაიდან „ბოროტი ცხოველი“ დღეს ისევე ცოცხალია ადამიანის არსებაში როგორც ნერონისა და ქრისტეს დროს.

ესეც უკანასკნელი პანორამა წარმართული რომისა. ვიდრე ქრისტიანულ რომზე რამეს ვიტყოდეთ, აქ მინდა რაფაელ სტანციდან ერთი სურათი მოვიგონო და ეს

სურათი ისევე დაუფიქარი დარჩება ჩემს ხსოვნაში, როგორც სხვა მრავალი მისი ხელით ქმნილი.

ვრცელი, ვრცელი პერსპექტივა... ნაზარეველი ჯვარზე გაკრული. ნაზარეველი მაღალ, მაღალ ჯვარზე გართხმული და იქვე მის პირდაპირ მინერვას კერპი ნაკუწ-ნაკუწად დამსხვრეული.

გამხდარი, ფერ მიბნედილი, გაწამებული ნაზარეველის სახე და ტანი, ხოლო შიშველი კერპის ტანის ნამსხვრევებს თეთრი ნათელი ზედ დაკამკამებს. მშვენების ცოუნება ყოველ ნაწილს მოტეხილ თავსა და ხელ-ფეხს კიდევ შერჩენია და კაცსა ჰგონია კერპის სახეზე კიდევ დარჩენილა მშვენიერი ცოუნების ფერი. აჰა სიმბოლო ორი რელიგიის, ორი კულტურის დაჯახებისა იმ მსოფლიო ისტორიულ ასპარეზზე, რომელსაც „ეტერნარომას“ უწოდებენ.

ფორუმ რომანუმიდან მობრუნებულს წმ. პეტრეს ეკლესიაში მინდოდა წასვლა, მაგრამ ჩემი გვიდი არ მომეშვა ერთი რამ ისეთი უნდა გაჩვენო, რაც „ბედეკერშიაც“ კი არ სწერიაო.

ეს გახლდათ კაპუცინერ ბერების ერთი უმნიშვნელო ეკლესია. მე გამობრუნებას ვაპირობდი, გვიდიმ ხელი მომკიდა, გამატარა ეკლესიის კულისებში და ძირს ეკლესიის სარდაფში ჩამიყვანა.

უშველებელი გრძელი სარდაფი, რომელშიაც ცხენი გაქენდება თამამად, საშინელი სანახაობა თვალწინ წარმომიდგა. კედლებთან დახერხილ შეშასავით ეწყო ადამიანების ძვლები, ხელები, მკლავები, თავები, ფეხები კოხტად ერთი მეორეზე დალაგებული და დაწყობილი. ყოველ გროვას აქეთ-იქით უდგა შავებში გამოწყობილი ადამიანის ჩონჩხები შავი ხის ჯვარით ხელში

გვიდიმ განმარტა: აქ სარდაფში დამარხულა საუკუნეთა განმავლობაში 25 ათასი კაპუცინერი მათი ძვლები შემდეგ ამოულიათ და დაულაგებიათ, ხოლო ეს შავად გამოწყობილი შავ ჯვარიანი ჩონჩხები მათი წინამძღვარნი ყოფილან.

მე გულ არეული გამოვბრუნდი და ამოსავალ კარებისაკენ გავეშურე, ჩემი გვიდი კი მეფისტოფელივით ხარხარებდა და გარბოდა სარდაფიდან. აი წმინდა, ქრისტიანული ჟანრის სურათი.

კმარა სატირებზე, ბაქჩანტებზე, კერპთაყვანისმცემელ იმპერატორებზე. ახლა მოგიტხოვრებ ქრისტიანულ მარტვილობაზე, პაპებზე და წმინდანებზე.

დავბრუნდეთ ისევ ჰიაცა ვენეციასკენ.

მოკლე ხნით ვესტუმრე მარია სოპრას ეკლესიას, სადაც მიქელ ანჯელოს ჯვარ-მტვირთველი ნაზარეველი მეგულებოდა, იქვე ახლოს იმყოფება ერთი მონასტერი, სადაც გალილეის „მაინც ბრუნავს, მაინც ბრუნავს“ გაისმა ოდესმე. ვესტუმრე ლატერანის ეკლესიას, სადაც წმ. რომის იმპერიის გერმანელი კეისარები

ეკურთხებოდენ თავის დროს, აქვე პირდაპირ მარმალილოს კიბე, რომელიც წმ. ჰელენას უნდა მოეტანოს იერუსალიმიდან, ვნახე რამოდენიმე ასეული მონაზონი ლოცვითა და ჩოქვით რო ადიოდენ იმ კიბეზე, რომელზედაც ნახარვევლი აიყვანეს პილატეს მართლ-მსაჯულების წინაშე წარსაბრკოლად.

ლატერანის ეკლესიას დაუბრუნდეთ ისევ. შესანიშნავია კაპელა კორსინი, ჭერზე თვალთ-წარმტაცი მედიჩების ღერბით. შესავალთან ძვირფასი მოზაიკა კარდინალ კორსინისა

კედელში ჩასმული ბიუსტი პაპა კლემენს მე XII-ესი. აქვე ვნახე „პიეტა“ ბერნინისა, რომელიც ჩემის აზრით არაფრით ჩამოუვარდება ახალგაზრდა მიქელანჯელოს „პიეტას“ სან პიეტროში. აქ ქრისტეს მკრთალი მარმალილოსაგან გამოთლილი სახე ისე ნაზად დაყრდნობილია ღვთისმშობლის მხარზე, რომ განაწამები შვილის ჩივილი დამწუხრებული დედისადმი ამაზე უფრო ნაზად ვერც კი გამოითქმება.

ლატერანის „ქორ კაპელე“-ში ვნახე ის მარმალილოს სკამი, რომელზედაც ლატერანში ნაკურთხი პაპები სხდებოდენ კურთხევის დროს. ჭერზე ბურბანების ღერბი: მიწის მორგვი, კვიპაროზი და ცთომილი „ქორ კაპელეს“ მარჯვნივ თანამედროვე მოქანდაკის — ლეო მესამე პაპა და ერთი მადონა. ლაცერანიდან გზაში ერთ მოედანზე, რომლის სახელი ახლა არ მახსოვს, თვალი მოვკარი უზარმაზარ ეგვიპტურ სვეტს, რომელსაც კლეოპატრას ქინძისთავს ეძახიან.

მაგრამ ყველაზე დიდს სიხარულს ჩემს გულში წმინდა პეტრეს ნახვის სურვილი იწვევს.

გზა ტიბრის გაღმა მიდის. როგორ შვენივან მარადიულ ტიბრს ქვისა და ბეტონის კალაპოტში მომწყვდევს. ტიბრის ხიდიდან მგზავრი უნებურად თვალს მოჰკრავს მარჯვნივ აღმართულ ციხე-დარბაზს, რომელზედაც ბრინჯაოს მთავარანგელოზი ქარქაშში აგებს თავის ხმალს. ეს გახლავთ ანგელოზის ციხე. რამდენ პაპას ჩაუკეტია ამ ციხეში თავი, როცა რომს გერმანიის იმპერატორების ლანდსკნებტები ან და სხვა ბარბაროსი ერები შემოესეოდენ.

ვიწრო შუკით გამოვედი ანგელოზის ციხიდან წმინდა პეტრეს ეკლესიის მოედანზე.

თუ წარმართული რომის მთელს დიდებას კაპიტოლთან და ფორუმ რომანუმის ნანგრევებზე შეიტყობ, წმ. პეტრეს ეკლესია ერთი უდიდესი მონუმენტია ანა არა მარტო რომის, არამედ მთელი ქვეყნის ქრისტიანული კულტურისა.

როგორც კი თვალი მოვკარი ამ დიდებულ სანახაობას, სრულიად ჩემდა უნებურად ქედი მომიხრია. საღამო იყო, ეკლესიის ზარები მელანქოლიურად ჟღარუნებდენ — მოედნის შუაში კიდევ კოლონა და მარჯვნივთა და მარცხნივ ბერნინის

კოლონადა, რომელზედაც ურიცხვი წმინდანების ქანდაკებები სდგანან წყება-წყებათ, ეს წმინდანები მოედნის დასაწყისიდან პეტრეს ეკლესიამდე ჩაუმწკრივებია ბერნინის. ეს ნამდვილი წმინდანთა პარადი, წმ. პეტრეს უდიდებულესობის წინაშე.

ღია დახვდა შესანიშნავი ბრინჯაოს კარი ეკლესიისა, რომელზედაც ათასნაირი ალფეგორიული რელიეფებია, (თვით ლედა და გედიც აქ მოხვდება თვალს).

ამ დიდებულ ღმერთის სასახლეს რომ უყურებ, გულში უნებურად ვფიქრობ: აქ ნაზარეველი კი არა, აქ ზევესი ბრძანდება, აქ გოლგოთა როდია, არამედ ოლიმპიის ღმერთების სამყოფელი ტიტანიური გუმბათები, სვეტები, ნიშები, გვერდის კაპელები, მოზაიკა, ფრესკები, ოქრო და ბრინჯაო, ძვირფასი ქვები, ამარტი და სათი, ბროლი და ლალი, პურპური და საკმევლის სუნი იფრქვევა ყველგან.

შესვლის უმაღლეს ყურადღებას იქცევს მარცხნით უშველებელ მერანზე მჯდომი იმპერატორი კარლოს დიდი. კიდევ ერთი ნაბიჯი ეკლესიის სიღრმეში და იქვე წრე შემოვლებული მოზაიკის რგოლი, ადგილი სადაც 800 წელს შობა დღეს კარლოს დიდმა მუხლი მოიყარა და ლეო მესამემ იმპერატორის გვირგვინი დაადგა თავს მოულოდნელად. რამდენი ქერა გერმანელი კეისარი დაჩოქილა აქ საუკუნოების განმავლობაში, რამდენი სისხლი დაუღვრიათ ხალხებს იმისთვის, რომ ამ კეისარებს ამ ადგილას მოედწიათ და პაპის ხელით დაგვირგვინებულ ყოფილიყვნენ. ჰოი კომედიავ მსოფლიო ისტორიისა!

მარცხნით პატარა კაპელადან კიბე ჩადის, ამ კიბით ჩავედი და მოვინახულე გერმანიის იმპერატორის ოტტო მესამეს უშველებელი სარკოფაგი. მარჯვნივ პირველ კაპელაში მიქელ ანჯელოს ცნობილი „პიეტა“, რომელიც 25 წლის მამესტროს ხელითაა მარმალილოსაგან გამოქნილი.

შუა ადგილზე უშველებელი სიმაღლიდან ჩანჩქერივით იფრქვევა სხივი, მაღალი გუმბათიდან ჩამომჩქეფარე. ძირს შავი, ბრინჯაოს ქანდაკება წმ. პეტრესი, რომლის ცალი, თითქმის განგებ წინ გამოშვებული ფეხის ფჩხილები ათი-ათასთა ბაგეთა ამბორისაგან გაცვეთილ-გათეთრებულია.

კედლებთან გამწკრივებულია პაპების სარკოფაგები, ყველა მარმალილოსაგანა გამოკვეთილი.

ისტორიის მოყვარული დიდ ხანს გაჩერდება მარჯვნივ, კედელზე მარმალილოს რელიეფის წინაშე. პაპა გრეგორ მეშვიდე, დგას წელ-გამართული, მის უკან მშვენიერი გრაფის ცოლი მატილდა, რომელიც კმაყოფილი თვალებით უყურებს, თუ როგორ კოცნის გერმანიის იმპერატორი ჰაინრიხ მეოთხე თავის საყვარელს შიშველ ფეხზე მეორე ადგილას:

გრეგორ მეშვიდეს სარკოფაგზე მშვენიერი მატილდა და წმ. პეტრეს ეკლესიის



გასაღებს იხუტებს თავის მშვენიერ ძუძუებზე—წარწერა მეტყველობს: „წმ. ტატიანის გზის გამკვლევი“.

აქვე ნახავთ ურბან მეშვიდე პაპს, გალილეის მოსისხარ მტერს და მიქელ ანჯელოს პროტექტორსა და მფარველს.

ამით არ თავდება წმ. პეტრეს ეკლესიის სასწავლებლის აწერა, მაგრამ მე მეჩქარება ვატიკანში. აქაც იგივე თითქმის რაც წმინდა პეტრეს ტაძარზე. ყველგან გენიის ხელი, ყველგან დაუფასებელი საუნჯენი ხელოვნებისა.

ამ საგნებზე თამამად ლაპარაკი თავხედობაა, თვით უდიდესს მწერალსა და მხატვარს სიტყვა და ფერადი არ ეყოფა იმ შთაბეჭდილების ნამცეციც რომ გადასცეს სხვას, რასაც მიიღებს აქ დაკვირებული თვალი და ხელოვნების მოყვარული გული. აქ თვითონ უნდა მივიდეს ყოველი ადამიანი, ვისაც გენიოსის სუნთქვის უმეშველო განცდა სწადია. ნუ თუ ამაზე მალალი, ამაზე კეთილშობილი და ღირსშესანიშნავი ადგილი კიდევ მოიპოვება ქვეყანაზე?

როცა ადამიანი დაფიქრდება, მართლაც რა მცირე ადგილი უკავია ამ სამყაროზე მალალსა და ღვთაებრივს. დაითვალეთ, რაც ევროპაში და ამერიკაში უნივერსიტეტები, მუზეუმები, სამხატვრო და საქანდაკო სალაროები, თეატრები და ტაძრებია, გამოიანგარიშეთ რამდენი კვადრატული მეტრი მიწა უკავია ქვეყანაზე კულტურისა და ხელოვნების საუნჯეებს, მერე ისიც იანგარიშეთ თუ რამდენი ადგილი უკავია სასალახოებს, ცხეებს, სარჩობელებს, შხამიან ქუჩის გაზეთების რედაქციებს, საროსკიპოებს, რესტორანებს და დაინახავთ, რომ ადამიანობის მოდემის კულტურას მრავალი ათასი წლის განმავლობაში ფრიად სუსტი ექსტენსივობის ძალა გამოუჩენია შეიძლება ერების საზოგადოებამ, რომელსაც კაცობრიობას უწოდებენ, ვერც კი იარსებოს, რომ დღევანდელ ადამიანში ოთხმოც და ცხრა პროცენტი ველურული, ბარბაროსული ელემენტის ნაცვლად მხოლოდ ერთი პროცენტი იყოს. მალალი კულტურა ყოველ საუკუნეში და დღესაც მხოლოდ ადამიანების ვიწრო წრეში იშვებოდა და ვითარდებოდა, ინდივიდუალური იყო დღემდის არა მარტო მოქმედება, არამედ თვით შემოქმედებით დატკობაც.

შეიძლება ეს წყევლა იყოს ადამიანის ბუნებისა, მაგრამ ეს ასე გახლავთ. ამ ფიქრებისაგან რო გამოვერკვიე, ვატიკანის ბრინჯაოს ბჭეებს მივადექი.

შევდივარ კაპელა სიქსტინაში, მარჯვნივ კედელზე რაფაელის სამსჯავრო. ქრისტე-მსაჯული შუაში, გაღმა-გამოღმა მართალნი და წარწყმენდილნი. ეს გიგანტური კომარზიცია უთვალავი სხეულების, სახეების, ყოველ შტრინში, ყოველ ყალმის მოხაზვაში, ყოველ სახისა და გამომეტყველების გამონაკვთაში ისევე დაცულია სიმეტრია და ჰარმონია, როგორც მთელ სურათში მიზან-შეწონილება და ერთი დიდი ღვთაებრივი იდეა.

„მიქელ ანჯელოს სამსჯავრო უფლისა, სწერდა გოეთე, „ჩემს უღალბეს-განაძიებს“ ცვიფრებას იწვევს, დიდხანს შევჩერებოდი ამ სურათს გაოცების ელდა ნაკრავი. ყოველ გამოთქმაზე მაღლა დგას ოსტატის შინაგანი ინტენსივობა და მამაკაცური ყალმის მოქნევა. ნეტავ რამე საშუალება მეგულებოდეს ასეთ სურათების სამარად-ჟამოდ სულში განსამკვიდრებლად“.

სურათები ჭერზე და კედელზე სულ ბიბლიური ალეგორიებით, ადამი და ევა სამოთხეში, პირველი შეცოდება და სამოთხიდან განდევნა, ისააკის მსხვერპლად შეწირვა და მოსე ეგვიპტეში, ყველგან ტანის სიშიშვლესთან საოცარი უბიწოება დაცული, არსად ნატამალი ბანალობისა, არსად ზედმეტი შტრიხი, სიჭარბე ფერადისა, სილაღე მოხაზვისა, აქ ყველგან ღვთაებრივი ხელით მოსმული ხაზები და ფერადებია.

არა ნაკლებ დიდებულია რაფაელის სტანცები. აქ რაფაელი გვიმასპინძლდება თავის მოძლიმარე ანგელოზებითა და რენესანსის სიჭარბით მოსიღ მადონებით და ყველგან მისი საყვარელი ფორნარინა, ფლორენციელი მეპურის ქალი, რომელსაც დღეს მთელი კულტურული ადამიანობა თაყვანსა სცემს, როგორც უბიწო ქალწულს მადონას. იქვე ცნობილი „დისპუტი“ მთელი თავისი წმინდანებისა და თეოლოგებით. პირდაპირ „ათენის სკოლა“, სოკრატეს, პლატო, არქიმედეს, ლოგენეს, ჰერაკლიტი, ეპიკური, არისტოტელეს, მარჯვნივ კუთხეში რაფაელი და დანტე.

შემდეგ გასაოცარი მისტერია: „წმ პეტრეს განთავისუფლება საპყრობილედან“. ამ ტრილოგიიდან ყველაზე შესანიშნავია შემდეგი სურათი: პეტრე ანგელოზის მიერ გაღებულ საპყრობილეს კარიდან გამოდის, საკანში ხელში კელაპტარ ანთებული დარაჯები სთვლემენ, საპყრობილის რკინის ხლართის გაღმა ცის კიდურზე დამავალი მცხრალი მთვარე და რიჟრაჟის საოცარი ლილისფერი ბნელ-სინათლე; კელაპტარის, მთვარისა და მზის სინათლეთა საოცარი კონტრასტები გასაოცარის ოსტატობითაა გადმოცემული.

შემდეგ საშინელი ბრძოლა კონსტანტინესა და მაქსენციუს შორის ტიბრის ნაპირას. რაფაელისა და ანჯელოს გარდა აქა ნახავთ ღვთაებრივ ტიციანს, გვერჩინოს, პერუჯიოს და ბევრ სხვას, მაგრამ ამ დიდი მავსტროთა სურათები და ესკიზები ისე ანებივრებენ თვალს, რომ უმნიშვნელო მხატვრებს ზედაც ვერ შეხედავ. აპარტემენტო ბორჯია, საუცხოვო ალეგორიული ფრესკებით.

მეორეჯერ რომ ვესტუმრე ვატიკანს, სკულპტურის განყოფილებაში გავექანე. პირველსავე სართულზე ფეხი შევდგი. ერთს ზალაში, წინ შემეგება პრაქსიტელესის მშვენიერი კნიდოსელი აფროდიტე.

იგი დილის აბანოს მისაღებად განშზადილი მორცხვად იკავებდა შიშველ ტანიდან ძირს ჩამოვარდნილ ტანთ-სამოსს.

„ნონ სინკომოდი სინიორისა!“ (ნუ შეწუხდებით, ქალბატონო!)

მისმა ღვთაებრივმა ღიმილმა დილის ცისკარივით შემომანათა.

გვერდს გაუარე გველ-წვერა ბაკხუსს, რომელსაც წვევის გასაბრაზებლად წვე-რები მოუშვია.

იქვე მირონის ცნობილი დისკუსის მტყორცნელი, ორესტესისა და ნიობიდეს სარკოფაგების გვერდით.

აჰა მისი უდიდებულესობის „ღრუბლების შემრყევი“ მამა ზევესი აქა ბრძანდება. მას გარს ახვევია შინა ყმანი და ოლიმპიის ფარეშები, აქვე არიან მიწიერი თაყვანისმცემელი მისი უდიდებულესობისა. სერაფის და ჰადრიანი, ფაუსტინა და ჰერკულესი, ბარბერინის იუნო და ჯაბუკი ანტიუს.

მუზეუმის მთავარ ხალაში მთელი პლეიადა ქანდაკებისა, ბიუსტებისა და რელიეფების. შეყვარებულ პაპისა და ჰერიკლეს. იქვე ეპიკური, დემოსთენეს, სოფოკლეს.

პრაქსიტელესის ჯაბუკური ეროსი, მისივე „ხელიკის მკვლელი“. საუცხოვო მძინარე არიანე, უკვდავი ლაოკოონი. შეუმჩნევლად არ დამრჩენია სტატუები: დემოსთენისა, აპოქსიომენეს და ევრიპიდეს.

რომიდან გამგზავრების დროც მოახლოვდა, რადგან რკინის გზის მოხელეთა გაფიცვა თავდებოდა, რამაც 15 დღე დამარჩინა რომში.

უკანასკნელად ვესტუმრე „სან პეტრო ინ ვინკოლოს“ ეკლესიას, სადაც მიქელ ანჯელოს „მოსე“ მოვინახულე.

ჩემმა მხლებელმა მიამბო, ხალხში თქმულებაა: როცა მიქელ ანჯელომ თავისი მოსე დაასრულა, ჩაქუჩი დაჰკრა მუხლის თავზე და შესძახა: „მოსე, აღსდექ და ამეტყველდი, აკი მე მიტომაც შეგქმენი, რომ ჩემს მაგივრად ესაუბრო საუკუნეებს“.

მარჯვენა მუხლის თავზე მოსეს მართლაც ატყვია მანსტროს მიერ დარტყმული ჩაქუჩის კვალი.

ვინ იცის დიდი ხელოვანის ცხოვრებაში სად თავდება სინამდვილე და სად იწყება შემოქმედება.

რომიდან წასვლის წინა საღამოს სოფელ ალბანოში წავედი და ალბანოს მთიდან უყურე თუ როგორ ჩაეშვა ლილისფრად მოლივლივე ედრიატიის ზღვაში პურპურის ფერი ცეცხლის ბორბალი.

ქინა კამპანიას...

მშვიდობით, მშვიდობით მარადიულო რომო, შენი მზეც დიდი ხანია მსოფლიო ისტორიის ცის კიდურის გადაღმა ჩაეშვა სისხლით შეღებილი, მაგრამ შენ მკერდზე დანთებული შორეული ცეცხლი კიდევ ანათებს, ვით ზღვაში ჩაძირული მზე, შენს ცაზე გაბნეულ, ვარდისფერ ღრუბელთა ამურეტებს.

მშვიდობით ძვირფასო „ეტერნა რომა“!

ი. მამელიაშვილი

## მეოცნეზე გოგი

### გოგის ავტობიოგრაფია

ერთი საწყალი გლეხის შვილი, ბავშვობაში ხბორებს დავდევი.  
 მერე ძროხებს.

მერე გიმნაზიაში ამიყვანეს სასწავლებლად.

მერე ემონადირეობდი.

და ბოლოს განცვიფრებული ვიყავ, რომ სტუდენტი გავხდი.

ჩემი მეხბორეობაც, მეძროხეობაც, მოწაფეობაც და მონადირეობაც სულ მე-  
 ფის მშვენიერი ასულის ფიქრებში გავატარე: იგი ჩემს გონების თვალს ათასნაირ  
 მშვენიერ სახით ეჩვენებოდა, მას ლექსებს უწერდი, დავცეხდი, მოუწოდებდი, მაგ-  
 რამ სინამდვილეში ვერა ვპოვებდი.

### შ ე ს ა ვ ა ლ ი

საქართველოდან ჩავედი უცხოეთის ერთ-ერთ დიდ ქალაქში, რომელსაც გულს  
 ეძახდნენ იმა ქვეყნისას. განცვიფრებული ვიყავ უშველებელის შენობებით და მა-  
 ხვილის თვალთ ვაკვირდებოდი ყველაფერს.

„საკვირველია“, ვფიქრობდი: „როგორ არის მოწყობილი ქვეყანა? ამ სრა-  
 სასახლეთა პატრონებმა იციან, რომ სადმე შორს, საქართველოს მიუვალ მთებში  
 მწყემსების ქოხებია აქა-იქ აგებული და შიგ ადამიანები სცხოვრობენ“. ან როგორ  
 ვიფიქროთ: ამ სრა-სასახლეთა პატრონებს უფრო გაუკვირდებათ საქართველოს  
 ბუმბერაზი მთები, თუ იმ მთებში მცხოვრებ მწყემსებიდან წამოსულ სტუდენტს ეს  
 უზარ-მაზარი შენობები უზარ-მაზარი ქალაქისა? ანა და იმ მწყემსებიდან გამოსულ  
 სტუდენტს ეთქმის, მეცა ვცხოვრობ ქვეყანაზეო?...“

და მივიდიოდი ჩემ ამხანაგ სტეფანესთან, რომელიც ჩემზე ერთი თვით ადრე  
 ჩამოსულიყო, ოთახი უკვე ნაქირავები ჰქონდა და ერთად უნდა გვეცხოვრა.

ერთ ეზოში ხალხი მოქუჩებულებო.

საამური ხმები მომესმა.

შევდექი.

რა ამბავია მეთქი, ვიკითხე.

მითხრეს: ვილაცა ქუჩის დამკვრელი მოხუცი კარგად უკრავს სკრიპკასო; ამბობენ: თითებში ღვთაებრივი ცეცხლი აქვს, მისი თითების ქვეშ სკრიპკის სიმები ყველა კომპოზიტორების კვნესითა კვნესიანო.

ხმები შესწყდა.

ახლოს მივედი. დავინახე მოხუცი დამკვრელი და ამოვიოხრე. მეტად ბევრის მეტყველო და მეტად მწუხარე სახე ჰქონდა.

მოხუცმა ახლა სხვა ეზოში შეუხვია.

ხალხი უკან შეჰყვა.

შევყე მეც.

დამკვრელი დადგა შუა ეზოში, რომელიც შემოქარგლული იყო ხეებით, მოიმარჯვა სკრიპკა, ჩამოუსო სახმაური და ყველაფერი გაიკმინდა. გაიკმინდნენ თვით უზარ-მაზარი, მრავალხალხიანი შენობები, რომელნიც დაფიქრებულები დაჰყურებდნენ დამკვრელს. შემოდგომის სიომაც კი, ხეების ტანთ გახდას რომ ეშურებოდა, პირი მოკუმა, დააყრდნო თავი გაყვითლებულ ფოთლების ბალიშს და სმენად იღო მუსიკა იგი. თვით ბავშვები, მუდამ ცელქი ბავშვები, რომელთა გულიც სიცელქის მეტს არაფერსა ფიქრობს, შემოეხვივნენ მოხუცსა და მოწიწებით უსმენდნენ...

მოხუცი უკრავდა.

ვინ მოსთვლის, რამდენი კვნესა ისმოდა შიგ? ვინ მოსთვლის, რამდენ მწუხარებას გაჰქონდა ფრქვევა მოხუცის გულში გამოძმულ სიმებიდან?..

რას უკრავდა იგი?—არ ვიცი, მაგრამ არც ის ვიცი, რისთვის კვნესოდა ჩემი გული მოხუც დამკვრელის სახმაურის ქვეშ.

ყველა შეჩერდა გზად მიმავალი, ყველა ისმენდა.

ძლიერდებოდა გასაკვირველი ჰანგები და იმ ჰანგებში იხატებოდა მწუხარება ქვეყნის მდგმურთა და წარმავალთა.

მაგრამ რას უკრავდა? რა იყო ის მწუხარება, რომელსაც ყურს უგდებდა მთელი ეზო, გარემო, ქვეყნიერება?..

თითქო ყველას მოაგონებდა წარსულს, ან უწინასწარმეტყველებდა მწარე მომავალს და იყო სიწყნარე.

მხოლოდ შივა და შიგ ამოიოხრებდა შემოდგომის ნიავი და გაყვითლებულ ფოთლებს შეატრიალებდა ხოლმე...

მოხეტიალე მოხუცო დამკვრელო! რას იტყვი ჩემი სიყვარულისას, რომელსაც ათი წლის თავიდან ვეძებ და ვერ მიპოვნია? ამოალებინე პასუხი მაგ სიმებს! გამაგებინე რამ ჩემი მომავლისა!..

მაგრამ გათავდა.

ყველამ შეძლების გვარად დააჯილდოვა მოხუცი.

არ ვიცი, ხალხმა რად დააჯილდოვა იგი, მხოლოდ ის ვიცი, რომ ჩემს გულსაც ამოსწყვიტა მან თავის ჯილდოთ რამდენიმე ღრმა ამოოხვრა, რომელსაც წინად-გრძნობა დავარქვი ჩემს შეუმცნებელს აზროვნებაში.

## მ ო თ ხ რ ო ბ ა

მეთორმეტე საუკუნეში დიდმა პოეტმა შოთა რუსთაველმა სთქვა: „გრძელი სიტყვა მოკლედ ითქმის, შაირია ამით კარგი“-ო; მე მეოცე საუკუნეში ვცხოვრობ და ვეცდები შოთას აზრი დავიცვა: ყველაფერს მოკლედ ვიტყვი, თორემ აბა გრძელ მოთხრობებს ვილა წაიკითხავს ეხლა, როდესაც ყველაფერი უცბათა კეთდება და უცბადვე თავდება. ისიც უნდა ვსთქვა, რომ შემძლო ლექსად დამეწერა ეს ამბავი, ძალიანაც მიყვარს ლექსად წერა, მაგრამ ლექსს მეტად ბევრი დრო უნდა და არც იმდენი ხალისი მაქვს, ჩემი გრძნობები რითმებისთვისა ვზომო: თუ არ ჩაეტია— ჩავამტვრიო, თუ პატარა მოვიდა—გავკვიმო. ამიტომ ურითმოდ ვარჩიე და ამნაირად იწყება მოთხრობა ესე.

ვსთქვრ ამხანაგთან მივეჩქარებოდი მეთქი, თუმცა ჩემ სიცოცხლეში ამხანაგად არავინა მყოლია, გარდა ჩემის ფიქრებისა და ოცნებისა, რომელნიც მთელს ქვეყანას გარს უვლიდნენ. ახალგაზრდა, ჯან-ღონით სავსე მოწყურებული ვიყავ სიყვარულს და ოცნებაში, ფიქრებში მხოლოდ მშვენიერი ასული ტრიალებდა. ჩემი ოცნება გაჰშლიდა ფრთას, შემოუვლიდა მთელს დედამიწას, ყველანაირ სილამაზეს წამოედებოდა, ერთად შეაზავებდა და ისეთი მშვენიერება წარმომიდგებოდა თვალწინ, რომ ვაკვირებისაგან გამოვფხიზლდებოდი ხოლმე...

ამხანაგი ვიბოვე; სომეხი იყო და სტეფანე ერქვა. ერთად დავდექით და რამოდენიმე დღის განმავლობაში ისე შევეჩვიეთ ერთმანეთს, ისე შეგვიყვარდა ერთმანეთი, როგორც ნამდვილ ძმებს...

ერთმანეთს უზიარებდით აზრებს. მართალია, სტეფანეც ჩემსავით სრულიად გამოუცდელი იყო სიყვარულის საქმეებში, მაგრამ თეორიულად ჩემზე მეტი დაკვირება ჰქონდა და როგორღაც გულგატეხილი იყო ამ გრძნობაზე.

\*  
\* \*

სტეფანესთან რო დავდექი, უბირველესად ის ვიკითხე, აქ ლამაზი ქალი ხომ არავინა ცხოვრობს მეთქი. გავიგე, რომ მხოლოდ ჩვენი დიასახლისი სცხოვრობდა

თავისი ქმრით; მისი ქმარი სტუდენტი იყო; თვითონ კურსებზე სწავლობდა, სათნოების დათაც მსახურებდა რომელიღაც ლაზარეთში იმ მსოფლიო ომის დროს, და ერთი ბავშვიცა ჰყვანდა. მისი ბავშვი ნაცრის ფერი იყო და ვასიკა ერქვა, რომელსაც ხან ძიძა მარინეტა აიჩრიდა ხელში, ხან მოსამსახურე აგნესა და დაარბენებდნენ ჩვენი ბინის ვიწრო კარიდოროში.

ღიასახლისი არ მენახა, მხოლოდ ერთხელ მოვკარ თვალი, კაბის ბოლო შეიქნია თავის ოთახის კარებში; არც მაინტერესებდა მისი ნახვა; დილის რვა საათიდან ღამის სამ საათამდე სახლში არ მოდიოდა და ხანაც სხვაგან გაათევდა ხოლმე ღამეს. მე და სტეფანე ბატონებივით ვიყავით, რადგანაც უფროსის ხმა არ გვესმოდა და ჩვენს გვერდითაც სულ სტუდენტები სცხოვრობდნენ, რომელნიც თავს აგრედვე თავისუფლად გრძნობდნენ, როგორც ჩვენ.

დილით რო გამოგვეღვიძებოდა, მოვეყვებოდით ძახილს ხან ალერსიანის ხმით, ხან ბრძანების კილოთი.

— აგნესა! დაუძახებდი ბრძანების რიხით, კუმშად და გარკვევით.

— აგნე-ე-ესა! გააგრძელებდა სტეფანე.

აგნესას მითომ არ ესმოდა, არ გაგვაგნებდა.

— აგნესა, ა, აგნესა.

დაუძახებდი ალერსიანად.

ბოლოს შემოვარდებოდა, ვითომ მხოლოდ მაშინ გაიგო: უი დამიდგეს თვალები, დიდხანს ხომ არ მეძახდით, ვასიკას ტირილში არაფერი ისმოდაო და ეშმაკურადაც ჩაიცინებდა.

ჩვენ მაინც გაუჯავრდებოდით უყურადღებობისათვის.

სტეფანე დაუყვირებდა:

Marsh! ამ საათში ჩაი მოგვიტანეო.

აგნესას უფრო გაეცინებოდა და გავარდებოდა კისკისით.

მერე შემოგვიტანდა სამოვარს, მაგრამ ახლა ადგომა იყო ხათაბალა. კენჭსა ვყრიდით, თუ ვინ ამდგარიყო წინ. ხშირად ამაზე იმდენ ხანს ვკამათობდით, რომ სამოვარი გაცივდებოდა და ხელ-ახლა გაცხელებისათვის თხოვნა-ღრეჭით მივმართავდით აგნესას. აგნესა რო ამაზე უარს იტყოდა, ულტიმატუმს წარუდგენდით: ან გააცხელე სამოვარი, ან ომს გამოგიცხადებთ, რომელშიაც წაგებული იქნები და ღიასახლისიანად ტყვედ წაგიყვანთო...

ასე ვატარებდით დღეებს მე და სტეფანე.

ხან ვიყავით წამოწოლილები და ერთმანეთს აუწერდით, თუ ვის როგორი ქალი მოსწონს. სტეფანე მეტყოდა: შენ რო ქალი გყავს ოცნებაში, ჩემო კარგო, სინამდვილეში არ არსებობსო. არ უჯერებდი სტეფანესა და ჩემი ოცნებით შექმნილი ქალი უფრო და უფრო ნათელ სახეს იღებდა.

როცა დავიღლებოდით ერთად ყოფნითა და მეტის ყბედობით, ან მეცადინეობით, რაც ძალიან იშვიათი მოვლენა იყო ჩვენს ცხოვრებაში, გავიდოდით ქუჩაში და ჩვენი სახლის ჭიშკართან შეეჩერდებოდით:

— შენ საით წახვალ?

— მარჯვენაც.

— მაშ მე მარცხნივ... და დავცალ-ცალკევდებოდით, რომ შემდეგ ისევ მოგვწყურებოდა ერთმანეთის ნახვა.

\*  
\* \*

გავშორდით ერთმანეთს.

სექტემბერი იყო. ბალებს უხვად ედო შემოდგომის ოქრო და მშვენიერი დარი იდგა. დავდიოდი ზღვა ხალხთან ერთად ქუჩა-ქუჩა, ბალებში და ათას რამესა ვფიქრობდი.

ფიქრებში მოხეტიალეს სალამო შეუმჩნევლად წამომკპარა და ლამფები რომ აინთო ქალაქში, მაშინ ვავიგე დაღამება.

ქუჩებში ხალხმა იმატა. ბალები გაიჭედა მოსიერნეებით.

ჩამოვჯექ ქალაქის უმთავრეს ბაღში სკამზე და, მიუხედავად აუარებელი ხალხის ყრიაბულისა, მოვრთე ფიქრები:

„ღმერთო, როგორი მინდა მიყვარდეს ვინმე! აგერ, გაიარა ვაჟმა, რომელსაც გვერდში მშვენიერი გოგონა მისდევდა, — ნეტავი იმათ! ნეტავ მეც ეხლა გვერდში მეჯდეს ასული მშვენიერი ქკვიანი, კეთილი, პატიოსანი და ჩემი სიყვარულით აღსავსე. ვინ იცის, აი იმ სახლში, ლამფა რომ არის გაჩაღებული, შეყვარებულები სხედან, ერთმანეთს უაღერსებენ, ეამბორებიან და სტკბებიან ბედნიერებით. მე კი ვზივარ უცხო ხალხში და ვფიქრობ. . . ვფიქრობ. . . ნეტავ რა იქნება, ეხლა მოვიდეს ჩემთან მეფის ასული, სავსე პატიოსნებით და მკითხოს:

— რათა ხარ დაღონებული, ყმაწვილო კაცო?

— ეჰ! ამოვიოხრებ მე.

— რათა ოხრავ, ყმაწვილო კაცო, არ მეტყვი?

— როგორ არ ამოვიოხრო, მეფის მშვენიერო ასულო, ყველასა ჰყავს სულის სწორი, მე კი... .

— განა თქვენ არა გყავთ? თქვენ უკვე გყავთ, ყმაწვილო კაცო, სულის სწორი და მას მშვენიერიც უწოდეთ.

— დიახ, ის მშვენიერია, მაგრამ დანამდვილებით რომ არ ვიცი, ვისია?

— თქვენია, თქვენი, ყმაწვილო კაცო! განა ვეღარ მიცნობთ?..

დავაკვირდი და გახარებულმა წამოვიძახე:



— გიცნობთ! გიცნობთ!

მერე მოვეყ ისტორიას:

„ერთხელ პატარაობაში მთის წვერზე ვიდექი და სალამურს უკრავდი. მეორე მთის წვერზე მეფის კოშკი იდგა. კოშკის ბანზე გამოჩნდით თქვენა და ხელით მანიშნეთ, თქვენთან წამოვსულიყავ. მაშინ თქვენც პატარა იყავით. ელვასავით მოწყდით მთის მწვერვალსა და ერთ წუთში კოშკის ძირში გაჩნდი. რამდენჯერმე შემოუარე კოშკსა, მაგრამ შესავალი არსაიდანა ჰქონდა დაღლონდი. ბოლოს თქვენ დამარიგეთ, მომეყვანა ობობა, მომეტანა აბრეშუმის ძაფი და მაგარი თოკი; აბრეშუმის ძაფის ერთი წვერი თოკის ერთი წვერისთვის გამომება, ხოლო მეორე ობობასათვის ფეხში, შემდეგ დამესვა ობობა კედელზე, პირი ზევით მექნა მისთვისა და უკანიდან ოდნავ წკიპურტი დამეკარებინა. ასეც მოვიქეცი. ობობამ ძაფის წვერი თქვენთან ამოიტანა და მერე თქვენ ძაფით თოკის წვერი მალლა აზიდეთ, მაგრამაბით კოშკის კბილსა და მეორე წვერს ამოვეყ ზევით. ის-ის იყო უნდა გვეკოცნა ერთმანეთისთვის, რომ ვილაცამ მაგრა ჩაახველა. მე ძირს ჩამოვემევი ისევე და თქვენც სადღაც დაიმალეთ მეორედ რო მოვედი კოშკის ძირში, აღარსადა სჩანდით, აღარც თოკი იყო ჩამოშვებული და აი, იმის შემდეგ პირველადა გხედავთ!

— ეხლა მე თავისუფალი ქალი ვარ, იმ კოშკიდან გაეთავისუფლდი. ამ მხარეში მეფის ასულს მეძახიან და ყველანი ძალდაუტანებელის გულწრფელობით იხრიან თავს ჩემს წინაშე... თქვენზე ძალიან ბევრსა ვფიქრობდი“...

ამ დროს დაიგრიალა ბაღში სამხედრო მუსიკამ და ფიქრებიდან გამომათხიზლა. მიმოვიხედე, სულ უცხო ხალხი იყო და მარტო ვიჯექი მათ შორის.

\*  
\*  
\*

ლამის თორმეტი შესრულდა.

ავდექი.

უმთავრეს ქუჩით მივდიოდი სახლში და ისევე ვფიქრობდი... ვფიქრობდი მითუმეტეს, რომ ხალხი მისწყდა და მხოლოდ თითო ოროლა ქალი-ლა დაკავკეებდა...

ვფიქრობდი ისევე იმ მშვენიერზე.

— თქვენ საიდან გაიგეთ, რომ მე აქ ვიყავი? ვკითხე მეფის ასულს.

— ერთად-ერთი ჩემი საფიქრობელი თქვენა ხართ და თქვენს აქ ჩამოსვლას ვერ ვავიგებდი?

— რა კარგი ხართ!

— მე მეუბნებით, ყმაწვილო კაცო?

— დიახ, თქვენ მშვენიერო ქალი. ნუ თუ ღირსი ვარ თქვენი ყურადღებისა? მე ისეთი უბრალო ადამიანი ვარ, ისეთი უბრალო... გლახის შვილი...

— ჩემთვის არა ხართ უბრალო...

ამ დროს მართლა ვიღაცა ქალი ამომიდგა გვერდში და პრანჭვა-გრეხით მი-  
 თხრა:

— ყმაწვილო კაცო, თქვენ გცივათ...

მე გამიკვირდა ჯერ ერთი, რომ სექტემბერი იყო და სრულებით არა ციოდა,  
 მეორეც იმიტომ, რომ სრულიად უცნობი ქალი ჩემთვისა სწუხდებოდა.

— არც ისე ცივა, მიუგე უცნობს.

— როგორ არა, გცივათ. წამოდით ჩემს ოთახში, ჩემთან დაიძინეთ, გაგათ-  
 ბობთ...

გაკვირვებულის თვალით ჩაეხედე თვლებში, ვიცანი ვინც იყო, სინანულით  
 თავი გავიქნიე, შემდეგ ბოდიში მოვიხადე და გავეჩქარე შინისაკენ.

იმ ღამეს მშვენიერ ასულზე აღარ მიფიქრია; ხოლო სტეფანეს რომ უამბე,  
 იცინა და სულ ის მეძახა: არ შეგცივდესო.

\*  
 \* \*

დაიწყო ლექციები უნივერსიტეტში; აფუსფუსდნენ სტუდენტები; მეც წავედი  
 პირველ ლექციაზე და, რადგანაც პირველად ყველაფერი სახალისოა, ყველაზე ად-  
 რე მივედი გზაში აღარაფერსა ვფიქრობდი მეფის ასულზე, რადგანაც უნივერსი-  
 ტეტის შთაბეჭდილებებს წინააღმდეგ განვიცდიდი გუნებაში სხვა და სხვა სამაჟორ ფე-  
 რებით.

გათავდა ლექციები და უკან დავბრუნდი.

საკვირველი იყო: როგორ მხიარული მივისწრაფოდი ლექციებზე და როგორ  
 გულდაწყვეტილი დავბრუნდი. ნეტავი ადამიანი იმას ახლო არ გაეცნობოდას, რა-  
 საც პატივსა სცემს. სულ ეს იყო უნივერსიტეტი? მივედით მსმენელები, ლექტო-  
 რებმა წაიკითხეს ლექცია და წავიდნენ. ისე წაიკითხეს, თითქო მომართულები იყვნენ  
 ბურღებით. სტუდენტებმა ბოლოს ზრდილობისათვის ტაში დაუკრეს და სულ ეს  
 იყო თავი და ბოლო.

რამდენიმეჯერ კიდე წაველ იმ უნივერსიტეტში და ბოლოს სულ თავი დავა-  
 ნებე, რადგანაც იქ ლექციების მოსმენა, ჩემის აზრით, დროს დაკარგვაც იყო და  
 თავის წამებაც. ამიტომ გადავედი ისეთ უნივერსიტეტში, სადაც კაცების გარდა  
 ქალებიც იყვნენ მსმენელები; აქ უფრო მეტი სიცოცხლე ეტყობოდათ პროფესო-  
 რებს, აღბად იმისთვის, რომ მათ აუდიტორიაში ქალებიც იყვნენ და ქალი ხომ  
 წყაროა უდაბნოში!

შეუდექე მეცადინეობას, მაგრამ რაღაც მოუსვენრობა, გაუგებარი შფოთვა,  
 უცნაური გულისთქმანი არ მანებებდნენ თავს. ქუჩაში რომ გამოვდიოდი, მოვყვე-

ბოდი რაღაც ფიქრებს, რომლებიდანაც გამომაფხიზლებდა რომელიმე გამწვლილი ლამაზი ქალი და წამართმევდა თვალს, ოცნებას. სულ იმასა ვცდილობდი, მეფის ასულისთვის რომელიმე ნახული ქალის სახე მიმეცა, მაგრამ იმნაირ სახეს ვერა ვპოვებდი. ჩემი გული ვახსნილი კარი იყო სასურველი მგზავრისათვის, მაგრამ ის არსადა სჩანდა. ბევრ მშვენიერ ქალს ვავაყოლებდი ფიქრთან თვალს, მაგრამ სულ მუდამ ვრწმუნდებოდი, რომ არც ერთი მათგანი არ იყო ჩემ სამეგობროდ დაბადებული...

\*  
\* \*

შემოდგომა თავდებოდა.

ჩემს გაყვითლებული ფოთლები სცვიოდა; მზე დაღონებული, მოქანცული წყნარად წვებოდა დასავლეთში და მეც მოწყენილი ვიყავი.

სტეფანე ერთ წერტილს მისჩერებოდა და, რო ვეტყობდი რამეს, ხმას არა მცემდა.

— ნუ ხარ დაღონებული, ბიჭო, უთხარ სტეფანეს: მარტო შენ ხომ არ გიწვევენ ჯარში. ყველა შენი წლის სტუდენტებსაც ხომ შენთან წამოიყვანენ? მეც ერთი-ორი თვის შემდეგ გამიწვევენ და ისევ ერთად ვიქნებით ..

სტეფანემ შემომხედა და მხოლოდ გაიცინა.

სიჩუმემ კლიტე დამადო პირზე.

გაიარა ხუთმა დღემ, სტეფანე, როგორც იმის წლის სხვა სტუდენტები, საშედრო სასწავლებელში წაიყვანეს და დავრჩი ისევ მარტო. აღარც ერთი ადამიანი აღარა მყავდა ქვეყანაზე ნაცნობი. მართალია, ბევრი სალამს მაძლევდა ზრდილობისათვის, მაგრამ მათ სალამის მოცემაზე უფრო ღრმად ვგრძნობდი სიმარტოვეს.

დრო ასე მქონდა განაწილებული: დილით ვიმეცადინებდი და, როცა დავიღლებოდი, წავიდოდი სახეტიალოდ, რომლის დროსაც ვფიქრობდი მეფის მშვენიერ ასულზე, სიყვარულისთვის რო ვქმნიდი ჩემს ოცნებაში და განუწყვეტილვ რო დავეძებდი სინამდვილეში.

\*  
\* \*

მთელი სიგრძე-სიგანე თვალთ შეუხების და გონება მიუწდომელის ცისა სანავარდოთა ჰქონდათ ჩემს ფიქრებს, რომელთა დროსაც სრულებით ვერა ვგრძნობდი ჩემს ირგვლივ მრავალ ხალხთან ქალაქის აურ-ზაურს. მეტი წილი წიგნითა ვსცხოვრობდი და წიგნიდან პირდაპირ გადავდიოდი საოცნებოში. ხოლო მოღლილი ფიქ-

რებით, არარაობით, დავეშვებოდი დედამიწაზე და დავიმსხვრეოდი ათი-ათას სხვა და სხვა ოხვრად, რომელნიც ლექსებად იქცეოდნენ ხოლმე...

ზამთარი დადგა.

თოვლქყაბი იყო.

უნივერსიტეტში ლექციები ზოგჯერ საღამოობით იყო; ღამე დავბრუნდი იქიდან; ბნელოდა და ვერავის სახეს ვერ ვარჩევდი, მით უმეტეს, რომ სიცივის გამო წაფიჩულები იყვნენ ზამთრის ტანთსაცმელში. მეც ნაბადში ვიყავ გახვეული.

ოცნებაში გართული შიშოდ მივდიოდი.

უცბად ტროტუართან, ჩემს გვერდით, ეტლი შეჩერდა და იქიდან მომესმა:

— ყმაწვილო კაცო, თქვენ ის არა ხართ?

— დიახ, ის განლაგართ, მეფის ასულო.

— შეიძლება გთხოვოთ, ჩემთან ჩაბრძანდეთ ეტლში და სახლამდე გამაცილოთ?

— როგორ? მთხოვთ სახლამდე გაგაცილოთ? მიუგე მკაცრად.

— დიახ, გამაცილოთ..

— თქვენი მოსამსახურე ხომ არა ვარ?!. გაგაცილოთ!

— არა გრცხვენიათ, მხოლოდ ამხანაგურადა გთხოვთ, რადგანაც მინდა თქვენთან ბასი, ტუბილად ბასი... მასთან ისიც უნდა გადმოგცეთ, რომ მე თქვენ ძალიან... ძალიან... ძალიან... მაშ თქვენ არ გინდათ ჩემთან ბასი, ყმაწვილო კაცო?

— როგორ არა, მეფის ასულო, მინდა! მინდა!

— თქვენ ამაყი ხართ!

— მეგონა თუ მიბრძანებდით, გამაცილეო.

— აბა, როგორ არა გრცხვენიათ...

— დიახ, მცხვენიათ, მაგრამ...

— აი, ჩემს გვერდით დაბრძანდით და ხელიც ასე მომხვით.

— არა, ხელს ვერ მოგხვევთ... მე თქვენ არ გიცნობთ, მეფის ასულო...

— როგორ არ მიცნობთ, მთელი თქვენი სიცოცხლე სულ ჩემზე ფიქრობდით და არ მიცნობთ? გახსოვთ, მთის მწვერვალზე რომ იდექით ბავშვობისას და ფიქრობდით ერთ მწვენიერს ასულზე, მზეთ-უნახავ ასულზე?.. მე ისა ვარ და იმისი სახე ხომ დიდხანია თქვენს ფიქრებში ტრიალებს.

შიშმე-შიშმედ მოგხვით ხელი წელზე, მაგრამ შემრცხვა და ისევ გავსწორდი.

— ვერ მოგხვევთ ხელს.

— რატომ?

— მცხვენიათ... თქვენ რა გქვიათ?

— ლალი... თქვენა?

— გოგი.

— რა მშვენიერი სახელი გაქვთ, გოგი!..

ამ ფიქრებში ვიყავ, რომ შემომესმა ვიღაც ქალის თავხედური ხმა:

— რამსიგანე ნაბადი გაქვთ, ყმაწვილო კაცო.

— უკაცრავად, მოვიხადე ბოდიში.

— არ შეიძლება, გკითხვით რამე, ყმაწვილო კაცო?

— რატომ, რატომ, უთხარი და კარგა შევხედე სახეზე. ორნი იყვნენ და ორივე ლამაზები, სიმპატიური შეხედულებისანიც.

— დიდი ხანია თქვენი გაცნობა გვინდა, ხშირად გხედავთ ჩვენს უბანში, — შეიძლება?

— აღსრულდეს ნება თქვენი! უთხარი და ორივეს ხელი ჩამოვართვი.

დიდხანს ვილაპარაკეთ, უმეტეს ნაწილად საქართველოზე, რომელიც, მათის აზრით, ზღაპრული ქვეყანაა. ბოლოს ერთი გამომემშვიდობა და მითხრა: ამ დღეებში თქვენთან გამოვივლიო; მისამართიც ჩაიწერა ჩემი.

როცა ჩემ სახლამდე მივედი, ჩემთან რომელიც დარჩა, იმან გადაჭრით მითხრა, თქვენთან უნდა შემოვიდე ახლავე და გესტუმროო. მეც დიდი სიამოვნებით შევიპატიე სახლში; გავმხიარულდით და ერთი წუთით ისიც გავიფიქრე, იქნება ესეც იყოს ის მეფის ასული მეთქი.

ჩემი სტუმარი მეტად გამხიარულდა, ბევრსა ლაპარაკობდა და თან ახლო იწვედა ჩემთან. ბოლოს უცხად რაღაცა მოაგონდა და მძიმედ ამოიოხრა. ვკითხვრად ამოიოხრე მეთქი და მომიგო, ძმა მომაგონდა, რომელიც ამას წინად ომში მომიკლესო. ამაზე მეც დავღონდი. იმან კიდევ ამოიოხრა და ჩემს მკერდზე დახარა თავი, სანუგეშოდ თავზე ხელი გადუსვი და უთხარი: რაც სიცოცხლეს აღარ ეკუთვნის, ნულარ გავიხსენებთ მეთქი. თითქო ჩემი აზრი მოეწონა, მანაც თრთოლვით გადამისო ხელი. ბოლოს ორივემ გავიწოდეთ ხელი იმ ნაყოფის მოსაწყვეტად, ღმერთმა რომ აუკრძალა ადამ და ევას და მერე აღარაფერი მახსოვს. მხოლოდ ბუნდათა ვგრძნობდი: თითქო სადღაც ხელშეუხებთა სფეროში ვიყავი და თვალწინ მედგა მეფის ასული, სავსე პატიოსნებით, სათნოებით და ჩემდამი სიყვარულით; გავშალე ხელი მის მოსახვევად, მაგრამ მხოლოდ სიცალიერე ჩავიკარ გულში.

გავახილვე თვალი. აღარავინ იყო.

აქეთ ვეცი, იქით ვეცი, მაგრამ სულ ამაოდ.

რა იყო ეს? — ვეკითხებოდი თავს: ნამდვილი იყო თუ მომელანდა? მაგრამ ვინ იყო პასუხის გამცემი?

რამდენიმე დღეს იმ ქალის ძებნაში ვიყავი, რომ ჩემთან მოვიდა მისი აშანა-  
გი, რომელმაც ჩემი მისამართი ჩაიწერა გაცნობის ლამესა და დახე საკვირველებას  
იმასთანაც ის მოჰხდა, რაც პირველთანა და ისიც ისე დავკარგე, რომ პირველის  
ამბავი ვერა ვკითხე.

\*  
\* \*

თითქო შევეჩვიე ამნაირობასა და როცა ჩემი ცხოვრება ჩვეულებრივ კალა-  
პოტში ჩადგა, ისევ დავიწყე სიარული უნივერსიტეტში.

გაიარა დრომ.

ერთხელ, ღამე რომ ვბრუნდებოდი ლექციიდან, ისევ ლალის ვებაასებოდი  
ფიქრებში და ვკითხავდი:

— მაშ სახლამდე გაგაცილო?

ლალიმ თავისი ხელით ხელი წელზე მომახვევინა და მითხრა:

— როდია სირცხვილი, ჩემო გოგი, ასე ჯდომა ეტლში, მით უმეტეს, რომ  
ჩვენ...

— განა მცხვენთან რო... არა მცხვენთან, მაგრამ...

— „მაგრამ“-ს ნუ იტყვი. აი, ასე გქონდეს ხელი და მეც მომეცი ნება, ზედ  
მოგეყუდო...

ერთი წუთით ის გავიფიქრე, ვაი, თუ ესეც იმ ქალსა ჰგვანდეს, ომში მოკ-  
ლულ ძმაზე რომ სწუხდა მეთქი, მაგრამ უცბათ გონება ვადამიტრიალდა, შემტრ-  
ხვა და გულში წამოვიძახე: ეს ხომ ლალია, ლალი!

— ისე მომწონხარ, ისე მომწონხარ! განაგრძო ლალიმ, რომ წინაღვე ვიცო-  
დე როგორი ქალი მოგწონთ, სწორედ ისეთი გავხდებოდი.

— თქვენი სილამაზისაგან რომ მორბილებული არა მქონდეს გული, ძალიან  
მეწყინებოდა, ლალი, ეგ დაცინვა.

— ღმერთო ჩემო! გაჯავრდა ლალი: არა გრცხვენთან? მე და დავცინით! აბა  
მაშ სხვანაირად როგორღა გითხრათ, რომ თქვენ ძალიან... ძალიან... ძალიან...

ეტლი შეჩერდა უზარ-მაზარი, შესანიშნავი შენობის შესავალში. ეს შენობა  
სასახლეზე უკეთესი იქნებოდა და განცვიფრებულმა შევხედე ჯერ სახლს, მერე  
ლალის. ლალი ეტლიდან ჩამოვიყვანე და ჯიბეს გავიკარ ხელი. სულ ათი შაუ-  
რი აღმომაჩნდა და ცოტა დაღონებულის კილოთი უთხარი ლალის:

— რამდენი უნდა მივცე მეეტლეს, ლალი? არ დავდივარ ეტლით და ამი-  
ტომ არ ვიცი ფასი.

— რა კარგი ხარ, გოგი, რა კარგი! მითხრა ლალიმა და მხარზე ხელი და-  
მადლა: განა შენ მიგაცემინებ ფულსა?

— როგორ თუ არ მიმაცემინებ! ჩემს მაგივრად მაშ ვინ უნდა მისცეს ღირსება და პატივი? — ღიანი ხმით უკითხა მან.

— რა კარგი ხარ, გოგი, რა კარგი! მითხრა ლალიმა და კიდევ ხელი დამადო მხარზე: ჩემი საკუთარი ეტლია, გოგი, ჩემი საკუთარი! მეც არაფერი უნდა მივცე და აბა შენ რაღათ დაგკირდება მიცემა?

ფრთხილად გაუკეთე ლალის მკლავში მკლავი, მარმარილოს კბეზე ავიყვანე და დიდი შესავალი კარები შევადე.

— ვინა გნებავთ? მკითხა შევიცარმა

— ოჰ, უკაცრავად! — მოვიხადე ბოდიში: ფიქრებში ვიყავ გართული და გზა შემეშალა.

საჩქაროდ ჩამოვირბინე მარმარილოს კბე და შერცხვენილმა მარდათ შეუხვეე ვიწრო ქუჩაში.

\*  
\* \*

მოსაღამოვდა

თოვლდა და, თუმცა საღამოს ხუთი საათიც არ იქნებოდა, ბნელოდა. ხალხი ცოტა დადიოდა ქუჩაში. ერთი ვილაცა ქალი შემხვდა, დამაცქერდა, თითქო ნაცნობიაო და ღიმილით რაღაც მანიშნა, რასაც ვერ მიუხვდი და მხოლოდ ფეხს მოუჩქარე შინისკენ ამდროს ავტომობილმა გაიბრინა, შიგ ვილაცა ქალი და კაცი იყვნენ გადახვეულნი და მათ დანახვაზე სულ გამოფხიზლდი ლალის ფიქრებიდან. თავი გავიქნიე და ნაბიჯს უფრო მოუჩქარე, თუმცა არ ვიცოდი, რისთვის მივეჩქარებოდი.

უეცრად ვილაცამ შემაჩერა. მივიხედე. ქართველი სტუდენტი იყო; თავისი მისამართი მომცა და მითხრა, ჩემთან შემოიარეო; მაგრამ სანამ მისამართს მეტყოდა, გვერდში აკრული ვილაცა ქალი გამაცნო, ჩემი ცოლია, იცნობდეთ. იმის ცოლს თვალეებში ჩაეხედე და ორივემ ვიცანით ერთმანეთი: ეს ის ქალი იყო, ქალაქის უმთავრეს ქუჩაზე ღამე რომ ამომიღდა გვერდში და მეუბნებოდა: გცივა, წამოდი ამაღამ ჩემთან დაიძინე, გაგათბობო. თვალეები დაბლა დაუშვი, გამოვეთხოვე და ხმა ამოუღებლივ გავშორდი მათ

უფრო გავეჩქარე შინისკენ.

აღშფოთებული დავდიოდი ოთახში და ვბურტყუნებდი ჩემთვის: „ვინ იცის რამდენ სულმოკლე ადამიანს შეატყუებენ ხოლმე თავს ეს ქუჩის ქალები? ვინ იცის იმ სტუდენტს იმ ქუჩის ქალმა როგორი ფერებით დაუხატა თავისი წარსული, როგორ პატიოსნად ეჩვენა და თავი გაისალა?.. სამშობლოში რომ ჩაიყვანს სტუდენტი თავის ცოლს, ეტყვის ნაცნობთ: ჩემი ცოლი მეტად პატიოსანი ოჯახ-

ხიდან არის, მაგრამ დედამამ უქრთამოდ გამოუშო, რადგანაც ჩემზე არ უნდოდათ გამოეთხოვებინათ და ქალმა კი ყველაფერი დასთმო ჩემი გულისთვისაო!.. მერე დავექეი. მაგრამ ახლა სხვა ფიქრები მქონდა. ერთი ფიქრიდან მეორეზე გადავდიოდი და ბოლოს ისევ ლალიმ გამიბრბინა ფიქრში.

რა ვქნა, სად წავიდე, სად ვეძებო იგი? სად ვიპოვნი სიყვარულს? ანა და მქონდეს იმედი მისი პოვნისა? იქნებ არც კი არსებობს იგი ქვეყანაზე და ტყუილად ვეძებ? მაშ არ ვეძებო? მაგრამ როგორ არ ვეძებო, როდესაც ჩემში იღვიძებს და ძლიერდება გრძნობა სიყვარულისა, რომელიც ზღვასავით აწყდება კიდევებს გადასალახად. ლალიზე ფიქრიც თავს არ მანებებს, სადაც წავალ, სულ მასა ვხედავ გონების თვალთ; იგი ჩემს ოცნებაში უფრო და უფრო სრულდება, ირკვევა და მიყვარდება. მაგრამ ეს ხომ ოცნებაა ჩემი? ვეძებო? ან სად გადავიკარგო, რომ დამავიწყდეს იგი? სად მოუპოვო წამალი ამ სნეულებას?..

სტუდენტებთან წავალ.

მაგრამ მოსაწყენია მათთან ყოფნა, რადგანაც ისინი სულ კარტსა თამაშობენ, მე კი კარტისა არამც თუ არა გამეგება-რა, სურვილიც არა მაქვს, დავინახო. მაშ რა ვქნა? როგორ დავივიწყო ეს ოცნებები? პაპიროზი მოვწიო? მაგრამ რო ვერც პაპიროზის წევას შევეჩვიე?.. ნეტავი სხვა სტუდენტებს! რა გრილი გუნების ხალხია! ორი კარტს რომ თამაშობდეს, სხვები დგანან ჩიჩვირ ჩამოშვებულები და დაპყურებენ მოთამაშეთ, დაპყურებენ და თან განუწყვეტლივ ისე ხრჩოლავენ, თითქო მთელი ქვეყნის ბუჩო იწვის მათს გულშიო.

სულ სხვა იქნებოდა, წავსულიყავით ქალაქ გარედ, მინდორში, გვეთამაშნა ბურთაობა, ლახტი, ახტურმა და ან გვეჭიდავნა—მაშინ ყველაზე მხიარული მე ვიქნებოდი, ყველაფერსაც დავივიწყებდი წუთით მაინც, მაგრამ ადგილიდან როგორ დასძრავ სილაღისათვის კარტის მოთამაშესა და პაპიროზა ხალხს!.. მაშ სად წავიდე?..“ ვფიქრობდი კვალად და ამდროს ჩვენს კორიდორში ზარმა დარეკა. აგნესა შემოვიდა და მითხრა, ტელეფონში გეძახიანო. გამიკვირდა არ ვიცოდი, თუ ჩვენს ბინაში ტელეფონი იყო, მით უმეტეს არ მეცოდინებოდა მისი ნომერი და რანაირად მოხდა, რომ ვილაცა მეძახდა ტელეფონში. — ვერ მივმხედარიყავ.

მივედი ტელეფონთან.

— ვინა ხართ?

— გოგი, თქვენა ხართ? მომესმა ქალის ნაზი ხმა და სიამოვნების ყრუანტელმა დამიარა ტანში.

— დიახ, გოგი ვარ.

— ძან მინდა თქვენი ნახვა, გოგი.


— ვინა ბრძანდებით?

— ამას გაიგებთ, თუ ეხლავე წამოხვალთ პოეტ-გენიოსის ძეგლთან.


— მერე, რომ არ გიცნობთ, როგორ გიპოვნოთ?

— მე გიცნობთ და თვითონ მოვალ თქვენთან.

— ძალიან პატიოსანი!







საჩქაროდ ჩამოვიკიდე ტელეფონის მილი. შევირბინე ოთახში ნაბდის წამოსასხმელად, მაგრამ ისევ საჩქაროდ გამოვბრუნდი ტელეფონთან, უნდა სახელი მეკითხნა იმ ქალისათვის, იქნება ლალი ერქვა, მაგრამ ცენტრიდან მიპასუხეს. მილი ისევ ჩამოვიკიდე წამოვისხი ნაბადი და გავეშურე პოეტ-გენიოსის ძეგლისაკენ.

„სწორედ ის არის ის -- ვამბობდი გულში: ლალია იგი, ძეგლთანა დგას და ფიქრობს მშვენიერს ჭაბუკზე და მან ხომ მე დამიბარა? მის გიშრის თმებში თეთრი სახე ისეთ შუქს გამოსცემს, როგორც ბნელ ღამეში ამოცურებული მთვარე. — არა, ის აბრეშუმის თმიანია, ლურჯ-თვალეზა; მას ხელები გულზე აქვს ჯვარედინად დაწყობილი და ანგელოზივით შეჰყურებს ლურჯ ცას ლურჯის თვალებით, ლოცვას ამბობს ოდნავ გაპოზილ ბავით და იმ ლოცვაში ხშირად ახსენებს მშვენიერ ჭაბუკს... მერე, მან ხო მე დამიბარა, იგი ხო მე მელის!.. არა, ის მოწყვეტილ ვარსკვლავსა ჰგავს, რომელიც მიისწრაფის მშვენიერ ჭაბუკისაკენ, რომლის მკერდზედაცა ჰსურს სამუდამოდ შეჩერება.“ და ვინ იცის კიდევ როგორ არ წარმოვიდგინე ის ქალი ოცნებაში

მივედი კიდევ.

ერთი ვიღაცა, პუდრში გაგანგლოული ქალი გამოეშურა ჩემკენ, რომელიც ძაან მომაგონებდა ფქვილის ტომარაში ჩავარდნილ თავს.

-- გოგი, გოგი!

მივტრიალდი.

— გთხოვთ, გაიცნოთ თქვენი დიასახლისი, მითხრა და გამომიწოდა ხელი.

გამიკვირდა. მხრები ავიჩმუნენე და უგემურად ჩამოვართვი ხელი.

— თქვენ რა გქვიანთ? ვიკითხე.

— მელანია.

— მერე, რად დაგჭირდათ, მელანია, ჩემი ტელეფონით გაცნობა? განა არ შეგეძლოთ პირდაპირ შემოსულიყავით და გაგეცანით ჩემს ოთახში?

— მინდა გთხოვოთ, წამომყვეთ ეროტეს კაფეში.

— ვინ არის ეროტე? ან რა არის კაფე?

— განა აქამდე არ იცით?

— არა

— მაშ წამოდით და გასწავლით.

— არა, მელანია, ვერსად წამოვალ. მე ერთი ღარიბი სტუდენტი ვარ, კვირაში ორჯერ ძლივ ვსადილობ ხოლმე, — აბა რას გარგებთ ჩემთან წამოსვლა?

— არ მოგწონვართ? მკითხა მან.

— თქვენა?

— დიახ, მე ..

— თქვენ სათნოების და ხართ?

— დიახ.

— სტუდენტის ცოლიც.

- დიახ.
- დედაც.
- დიახ, ვასიკას დედა.
- კურსელიც.
- დიახ, დიახ!

— რამოდენა თანამდებობა გაქვთ და ჩემისთანა ბიჭებს კი იბარებთ პოეტ-გენიოსის ძეგლთან.

ორივენი დავფიქრდით.

— მაშ სახლში წავიდეთ, მითხრა დიასახლისმა.

— არა, სხვაგან უნდა წავიდე, და გამოვემწვიდე.

რამდენიმეჯერ ავიარ-ჩავიარე უმთავრესი ბულვარი და შემდეგ მოვედე ქუჩებს. არ ვიცოდი რასა ვფიქრობდი, რასა ვდარდობდი, ან სად მივდიოდი.

ორი დღე გავატარე ასე, ვიდრე ერთ-ერთ საათიშო სვეტზე არ წავიკითხე დიდი ასოებით დაწერილი განცხადება: „რომეო და ჯულიეტა.“ გამეხარდა. გადავწყვიტე, რაც ფული მომეპოვებოდა სულ გამეღო, თეატრში წავსულიყავი და მუსიკით, ამავე დროს დიდებული დრამის ნახვით სული განმეწმიდა, ვზიარებულყავ.

\*  
\* \*

ის ორი დღე, რომელიც უაზრო და უმიზნო ხეტიალს მოვანდომე, ისე გავიდა, რომ არ ჩაითვლება ჩემი ცხოვრების დღეთა რიცხვში. იმ ორ დღეს კიდევ სხვაც რომ არ მიჰმატებოდა, გავეჩქარე თეატრისაკენ.

შევედი.


ორკესტრმა დაუკრა.

ფარდა აიხადა და ოპერა დაიწყო.

მართალია, დამკვრელები ძირს ისხდნენ სცენის ყელში, მაგრამ ხმა ციდან ჩამოდიოდა. რა კარგია მუსიკა! სუმთლად დამავიწყდა ჩემი უნაყოფო ცხოვრება. მუსიკამ ისე გამიტაცა, რომ აღარ ვიცოდი, სად ვიყავ, დედამიწაზე, თუ ცაში. დამავიწყდა ყველაფერი ქუჩის ქუჩი და თავისუფლად ვსუნთქავდი. ისეთი სვეტაკი იყო ჩემი სული, თითქო მთის მწვერვალზე ვიდექ, ამომავალ მზეს უყურებდი და სუფთა ჰაერსა ვსუნთქავდი... რა კარგია მუსიკა! მაგრამ რა კარგია შექსპირიც! რა დიდებულია იგი! სულ თვალ წინ წამომიდგა მისი გმირები, მათი ლაპარაკი, მათი მოქმედება. რაც შექსპირზე მთელი ქვეყნის კრიტიკოსებს ქება-დიდება უთქვამთ, შექსპირის იმ სიტყვადაც არა ღირს, თვითონ რომ წაჰშლიდა ხოლმე.

როცა ოპერა გათავდა, გული დამწყდა. მინდოდა განუწყვეტლივ მესმინა მუსიკა, მეფიხრა შექსპირისათვის.

მივდიოდი სახლში და ისევ ისე გაისმოდა ჩემს ყურში საამური ხმები, ისევა ვხედავდი რომეოსა და ჯულიეტას. მომავონდა შექსპირის სხვა გმირებიც. თითქმის ვმუსიკობდი მათთან; ოფელია შემეყვარებოდა კიდევ, რომ თავი არ დაეხრჩო;



დღესდემონაც შემიყვარდებოდა, მაგრამ ჯერ ერთი, ოტელოსი შემეშინდა, მეორეც ისა; რომ ოტელომ უკვე მოჰკლა იგი. მადლობაა ღმერთსა რომ მოჰკლა, თორემ შემიყვარდა და ვეჭვიანობდი კიდევ.

მაგრამ ამეებს თავი დავანებე და ვკითხავდი თავს: „სად არიან ოფელიასთანა ქალები? სად არიან დღესდემონანი? სად არიან? ნეტა ვიპოვნიდე დღესდემონას! მე მას დაუმტკიცებდი, რომ ვერც ერთი ოტელო ისე ვერ შეიყვარებდა, როგორც მე“. . .  
თოვლდა.

თეთრი იყო ღამე, როგორც ჩემი ფიქრები.

წელის ნაბიჯით მივდიოდი. წინ ვილაცა ქალი მიდიოდა, მის უკან ვილაც სტუდენტი და მერე მე. ყველას ერთი გზა გვქონდა

შექსპირის გმირებიდან ისევ ლალიზე გადავედი იმ ვილაცა ქალის დანახვაზე და შთაფინთქე ფიქრებში. ხან ჯულიეტასთანა გაეხადე ლალი, ხან დღესდემონასთანა, ხან ოფელიასთანა და ბოლოს ისევ ის სახე მივეცი, რაც წინადა ჰქონდა. უნდა რალაცა მეთქვა ლალისთვის, მაგრამ იმ ვილაცა ქალს, წინ რომ მიდიოდა, ფეხი წაუხსლტა თოვლზე და წაიქცა. სტუდენტმა საჩქაროდ ააყენა, აყენების დროს რალაცა უსიტყვამახვილა, რაზედაც ორივემ გაიცინეს და შემდეგ ერთად განაგრძეს გზა.

— თქვენ პირველი კურსის სტუდენტი ხართ?

— არა, მესამისა

— მე კი პირველისა.

— სადა სწავლობთ, ჰკითხა სტუდენტმა,

— საექიმო ინსტიტუტში

— ელეონორას არ იცნობთ?

— როგორ არა; ისიც პირველ კურსზეა, კარგი გოგონაა.

ამ ლაპარაკში ჩემი სახლის წინ გაჩერდნენ.

— იქნება შემოხვიდეთ ჩემთან .. ვილაპარაკოთ. უთხრა სტუდენტმა.

— დიდი სიამოვნებით, დასთანხმდა კურსელი ქალი: ოღონდ უკაცრავად, თქვენი სახელი არ ვიცი.

— პეტრე. თქვენი?

— ლარისა.

— მაშ შეიძლება ეგრე დავიძახოთ?

— დიახ, დიახ, ლარისა დამიძახეთ.

ვაი საკვირველებავ! თურმე ჩემს გვერდით რომ სტუდენტი ცხოვრობდა, ისა ყოფილიყო. უკან ამომყვინენ სახლის კიბეზე და, სახლში რომ შევედით, სალამიც მივეცეს ღამე არ იყო კეთილი ღამე.

ჩემი მეზობელი და მისი სტუმარი პირველში ხმამაღლა ლაპარაკობდნენ, ლაპარაკობდნენ პოლიტიკაზე, იმაზე, თუ გერმანიამ რა უსინდისოდ დაარღვია მშვიდი ბელგიის ნეიტრალიტეტი, მეტად ამტყუნებდნენ ამისთვის გერმანიასა და ვინ იცის რა სასჯელს არ იტყოდნენ მის დასაჯელად?.. შემდეგ რალაცა სასაცილო სთქვეს და აუტყდათ ერთი სიცილ-ხარხარი; შემდეგ ჩაჩუმდნენ და შემდეგ დაარღვიეს ჩემი ოთახის მყუდრო ნეიტრალიტეტი.

ლამის სამი საათი გახდ, როდესაც სტუდენტმა ქალი გააცილა. მაშინ ჩაწვეტილოვინში, მაგრამ თვალზე ძილი არ მეკარებოდა. ბოლოს გავიგე, სტუდენტი რო დაბრუნდა და მხოლოდ მაშინ ჩამეძინა მოღლილსავით.

\*  
\* \*

ამის შემდეგ ჩამისდნენ თავში ის აზრები ჩემს დიასახლისზე, მეღანიასზე, რომ შესაძლებელი იყო, ისიც იმ ქალისთანა ყოფილიყო, როგორც საზოგადოთ სხვები და კერძოთ კი იმ ქალისთანა, მეზობელმა სტუდენტმა რომ მოიყვანა სახლში. თვალყურს ვადევნებდი ამის შემდეგ დიასახლისსა და ვხედავდი, რაღაცას ეძებდა იგი, რაღაცა ფაცი-ფუცში იყო ხან ვის ელაპარაკებოდა ტელეფონით, ხან ვისა და ხანაც ჩემთან შემოიჭრებოდა დაუკითხავად, თუმცა ბოდიშს მოიხდიდა, სახლში არ მეგონეთ და. თქვენი სავარცხელი უნდა წამელოო. საოცარი მიმოხვრა, საოცარი შემოხედვა ჰქონდა და არც უღამაზო იყო მართალია ბევრ პუდრს იყრიდა, მაგრამ ისეთი მიმოხედვლობა ჰქონდა, რომ ვერც ერთი ვაჟკაცი ვერ გადურჩებოდა ოხვრას მის შეხედვაზე. ბოლოს ხშირად ვხედავდი სახლში, თავის ბავშვს შემოიყვანდა ჩემთან, ეთამაშებოდა და დროს ატარებდა.

ერთხელ ტელეფონს ვრეკდი. მილი ყურზე მედო, მაგრამ ცენტრიდან არ მაგონებდნენ; გაბრაზებულმა მილის გასაღებს ჩახა-ჩუხი აუტყეხე, რომ ჩქარა მოეცათ პასუხი; ჩახა-ჩუხზე გამოვარდა დიასახლისი თავის ოთახიდან, ხელი მტაცა მაჯაში და ვნებიანის ალერსით მითხრა, რა ბრაზიანი ხარ, ბიჭიკო, რა ბრაზიანიო. უფრო გავბრაზდი. დავიქნიე მაგრამ ხელი და ძირს გავართხე იგი. გაწბილებული ადგა და ისევ შევიდა თავის ოთახში, მხოლოდ ეს მითხრა, რა დავაშავე ისეთიო მაგრამ მე არაფერი უთხარ, მით უმეტეს, რომ ამდროს გამაგონეს ცენტრიდან.

ამის შემდეგ მეღანიას ხმას აღარ ვცემდი.

მხოლოდ ვხედავდი, რომ ვიღაცასთან მოუხშირა ტელეფონით ლაპარაკს; მალი-მალ ერთსა და იმავე ნომერსა რეკდა, ერთსა და იმავე სახელს ეძახდა ტელეფონით. თითქმის საათობითა ლაპარაკობდნენ ხოლმე და ხშირად ახსენებდნენ „სიყვარულს“. ბოლოს ერთ ღამეს შინ აღარ მოვიდა; მერე, რამდენიმე დღემ რომ გაიარა, ორ ღამეს აღარ მოვიდა სახლში, მერე ვიღაცა ბაბორიან სტუდენტს ეჯდა ავტომობილში, საითღაც მიჰქროდნენ და ოთხი დღე და ღამე აღარსადა სჩანდა; მერე ერთი კვირით დაიკარგა, მერე... მერე... და ერთ მშვენიერ დღეს ისეთი გამობრანქული მოვიდა სახლში, რომ ვეღარ ვიცანი და განცვიფრებით შევხედე.

კორიდორში პირის საბანთან გავედი პირის დასაბანად; მეღანიამ თავისი ოთახის კარი ნახევრად გამოხსნა, მშვენიერი პოზა მიიღო და გამომწვევის ღიმილით დამიწყო მზერა; მთელ თავის სიღამაზესა და ძალას მიჩვენებდა, რომ ჩემთვის ეთქმევიანებინა, რა კარგი ხარო, მაგრამ.

— არ გეტყვი მეთქი. უთხარი მე.

მან გადიკისკისა და შევარდა ოთახში.

მივხვდი ჩემ შეყვარებულს, რომ ამით უფრო მეტი უთხარ, ვიდრე მას უნდოდა ექმნევიანებინა; ამიტომ სისხლის აღება გავიფიქრე; კარდილორში რომ გამოვედი მელანიას თავისი ნაცრის ფერი ვასიკა ეჭირა და ეალერსებოდა.

— ვისია ეგ ბავშვი მელანია?

— ჩემი.

— რა მშვენიერი ბავშვია! სრულებით არა ჰგავს დედას!

მელანიამ გაიცინა და მითხრა:

— ოჰ, რა ეშმაკი ბიჭი ხარ, რა ეშმაკიო.

ამ ხუმრობაში შევრიგდით კიდევ.

ცოტა ხანს შემდეგ მელანიამ აგნესა შემომიგზავნა, ოთახის ქირა გამოგზავნეთ, ვადა დიდი ხანია გავივიდათო.

გოგოს, უთხარ, არა მაქვს, წავალ სადმე ვისესხებ და სალამოზე. მოგართმევთ მეთქი. შემდეგ ავდექი და გამოვედი გარეთ ფულის სასესხებლად.

\*  
\* \*

წარმოიდგინეთ, დილიდან სალამომდე ისე ვიხეტიალე, რომ ერთხელაც არ გამხსენებია ოთახის ქირა დამავიწყდა, რადგანაც სულ სხვა ფიქრებში ვიყავ გართული; არც თუ ისე რიგად ვაქცევდი მაშინ ყურადღებას დიასახლისის განცხადებას და ვფიქრობდი ჩემს აწმყო-წარსულზე.

გიმნაზიაში ყოფნის დროს მთელი ჩემი გონება სოფლისკენ იყო მიპყრობილი, თვალწინ სულ მთები, მინდვრები, ტყეები და ღრეები მედგა, ჩემი სული სულ მწყემსებთან იყო და ჩემისთანა სუსტი მოწაფე მთელს გიმნაზიაში მეორე აღარ მოიპოვებოდა. მგელსავით ტყისაკენ მაყურებელს ვერ წარმომედგინა ჩემი თავი ოდესმე ქალაქის მცხოვრებლად. მაშინ მთელი ოქროს სასახლეები რომ მოეცათ ჩემთვის ქალაქში, ისევე მწყემსობას ვაძჯობინებდი და სულ იმის ფიქრში ვიყავი, ჩქარა დაგვიბოვონ, გავკრა მთებისკე მეთქი. მაგრამ თანდათან დავშორდი სოფელს. გიმნაზიის გათავების ხანებში რომ მივდიოდი მწყემსებთან, მალე მწყინდებოდა ხოლომე მათთან ყოფნა. მწყემსობაში უსაქმურობას დაჩვეული, ვეღარც ქალაქში ვგრძნობდი კარგა თავს, გული აღარც ქალაქში მიდგებოდა და რა იქნებოდა ჩემი ცხოვრება უცხოეთის სატახტო, უშველებელ ქალაქში? ჩემს ირგვლივ სულ ბინადარი ხალხი იყო: მოსაქმე საქმეში გართული, მდიდარი განცხრობაში, ყველა კმაყოფილი თავის ბედისა და მე, სოფელშია და ქალაქშია და გამორჩეული, დავდიოდი, ვფიქრობდი ბედნიერებაზე, ვფიქრობდი და ფიქრებისაგან გამოლაყვებული თავით ვერაფერს ვიძინდი უმაღლეს სასწავლებელში აქ მომავლანდა ჩემი წარსული, პატარაობა, დილიდან სალამომდე რომ ვიდექი ხოლომე ჯოხზე დაყრდნობილი და უყურებდი სამოვარზე გაფენილ ძროხას. ხუმრობა ხომ არ არის, დილიდან სალამომდე კაცი იმის მეტს არაფერს აკეთებდეს, რომ იდგეს და უყურებდეს, საქონელი როგორა სძოვს ბალახს! მაგრამ მაინც კარგი იყო ამის მოგონება. მუდამ რაღაცა ტკბილია ხოლომე ჩაქსოვილი წარსულის მოგონებაში. მომავლანდა ერთი ამბავიც: ერთხელ აპრილის მზიანი დღე იყო, ქარი უბერავდა მზარ-ილლივ

შურდულ გადარტყმული ძროხებს ვედეკი და სალამურს უკრავდი შემცირდა. სალამურის დაკრაც მომწყინდა და მოვძებნე ყუდრო. ჩავეფარე ლეღეში, მივწექ ფერდობზე, ვთბებოდი მზეზე და თან ვფიქრობდი, თუ როგორ გავხდებოდი გმირი და გავანთავისუფლებდი ციხიდან მზეთ-უნახავ ასულს. ამ ფიქრებში ვიყავ გართული, რო მეველე წამომადგა თავსა და დამიყვირა: აქ რას უწუხებარ შე ოჯახ დასაქცევისავ, რო იმოდენა ძროხა მოსდებია ჯეჯილსა და ახორებს, შენ ღმერთი არა გაქცვლა?!. გავიქეცი, დაუშინე შურდული და გამოვებრუნე ძროხები ჯეჯილიდან. მერე დამიძახა მეველემ რო მივედი, ღილებიანი ქამარი შემომხსნა, წანახელი აუნახლაურე პატრონს, თუ გინდა დაიბრუნო ქამარიო და წავიდა. ტირილი დავიწყე. მაგრამ მომაგონდა, რომ შურდულის წართმევა დაავიწყდა მეველესა და გამეხარდა ისევ გავმხიარულდი. შურდული წელზე შემოვირტყე და ისევ დავაღულუნე სალამური. ეს რო მოვიგონე, ამოვიოხრე და ვსთქვი: ნეტა იმ დროს! მწუხარება ისე ღრმა არ იყო, რომ ერთი საათით მაინც გამყოლოდა მეთქი! სალამურს უკრავდი და თან იმასა ვფიქრობდი, თუ როგორ დაუკრავდი მზეთ-უნახავ ასულთან, ციხიდან რომ გავანთავისუფლებდი მერე შევწყვიტე სალამური და იმაზე დავიწყე ფიქრი, თუ რა ერქვა მაშინ ჩემს ოცნებაში მშვენიერ ასულს, ციხიდან რომ გავანთავისუფლე.

— თქვენ მაშინ ლალი გერქვათ არა?

— დიახ, მე სულ ლალი მქვიან, რაც გავჩნდი.

— მერე, ეგ რა გაქვთ გულზე, ლალი?

— ეს სადღესასწაულო ვარდია. გუშინ გავიკეთე გულზე და დღესაც გამომყვა. განა არ იცით, რომ გუშინ დღესასწაული იყო?


— ღმერთო ჩემო, ეს რა ქვეყანაა! აქ არც დღესასწაული გაიგება, არც საქმე დღე. აქ სულ ერთნაირად არის. აი ჩვენში, სულ სხვაა! თქვენ რომ იქაური დღესასწაული ნახოთ, ძალიან გესიამოვნებათ და იტყვიან, რომ ნამდვილი დღესასწაული ნახეთ.

— აბა ერთი მითხარ, გოგი, როგორია თქვენი დღესასწაულები?

— დავსხდეთ.

დავსხედით

— აი, მაგალითად განვაგრძე: აიღეთ ჩვენი დღესასწაული, რომელსაც ალავერდობა ჰქვიან ალავერდის ტაძარი ალაზნის ველზეა. მთელი მთიულეთი, თუშეთ-ხევსურეთი და კახეთი იქ მოიყრის ხოლმე თავს ალავერდობას უნდა უყურო მაშინ ახალგაზრდა ლამაზ, ტანად, გმირ ვაჟკაცთ რა თავმომწონდა სხედან ცხენებზე! გაისმის დაირა-ტაში, ფანდურთა ხმა, სიმღერა, ცეკვა, მესტირის ლექსები, ხოლო მინდორზე ვაჟკაცთა ჯირითს უყურებს ხალხი. აი როგორია ჯირითი: შორს დაურქობენ მინდორში მიჯნას, ამ მიჯნამდე ჯერ პატარა თევზს დავამენ თოფის მიზნად, მერე გზის მარჯვნივ ჯოხზე გოგრას გააკეთებენ, შემდეგ მარცხნივ ისევ გოგრას ჩამოაცვამენ სარს, მოახტება ცხენს რომელიმე ქაბუკი, გადაჰკრავს მათრახს, მოსწყდება ადგილს, ჰენების დროს მოიხსნის თოფს, ტყვიას დაამხვრევენებს თევზსა, გადაიკიდებს ისევ, ახლა ხმაღს იძრობს, ჯერ მარჯვნივ გააპობს



სარზე ჩამოცმულ გოგრას, მერე მარცხნივ; ჩააგებს ხმაღს, ჩამოაგდებს ფაფაღს, შემდეგ ვერცხლის უზალთუნს, სანამ მიჯნამდე მივა, რამდენჯერმე ჩამოხტება გაქნებულ ცხენიდან, ისევ შეხტება, მიჯნასთან მოაბრუნებს ცხენს და გამოქნებული უზალთუნს ხელით აიღებს, ხოლო ფაფაღს კბილით. მივა ალაგას. ხალხი ვაშას ძახილით მიეგებება და ისიც ამაყად გადაუსვამს გავაზე ხელს ცხენსა. მერე უნდა ნახოთ, რა ამაყად გაივლის იგი ახალგაზრდა ქალებში! ქალები დაუკრავენ სათამაშოს და იგი ლეკურსაც დაუვლის, თითის ფჩხილებზე შედგება და გადაავლებს თვალს მშვენიერთ. მერე გაიმართება ფარიკაობა... ო, ლალი, რომ იცოდე, რა არის ეს ფარიკაობა! ამ ფარიკაობაში ისეთი მშვენიერად არის გამოხატული ადამიანის ჭკუა, სიმკვირცხე, მოხერხება! ძალიან ჭკვიანები არიან, ლალი, მთიულეები!

— მერე, კარგი სანახავია თვითონ მთები?

— ჰმ... მთები? იცი, ლალი, რას ამბობენ მთებზე? თურმე, როცა მთელი ქვეყანა წარმოადგენდა ცივს, სასტიკს, გაუტანელს, უსამართლობის მინდორსა და ზღვას, ციდან ზღვის გულში ჩაისახა მადლი; შემდეგ იშვა იგი, ამოვიდა ზღვის გულიდან მშვენიერი ასულის სახით და რაც კი რამ მოიპოვებოდა თვალისათვისა და გულისათვის ქვეყნად, სულ იმას შემოეხვია გარსა; თავს იხრიდა მის წინაშე მსოფლიო და უკმევდა საკმელს. როდესაც მშვენიერმა ასულმა ქვეყნიერება შემოიარა, შედგა; მასთან მოქუჩდა მთელი განძი და თაყვანისცემა ქვეყანათა; ლოცვითა და ლაღლით შეჰყურებდნენ მას, მაგრამ იადგა წუთი მადლის ამალგებისა, ცად დაბრუნებისა.

აფრინდა იგი.


აფრინდო მადლს თან აჰყვა მისი გარემო, მაგრამ ცაში უეცრივ გაუჩინარდა მადლი და მისკენ მსრბოლი მრავალფეროვანი ქვეყანა უცბად შეჩერდა, გაიყინა, მთებად იქცა; მას შემდეგ სულ დაღონებულნი, იმ მშვენიერის ასულის ფიქრებში არიან წასულნი მთები. დაბერდნენ ლოდინით და ათასი თვალიდან ღაბა-ლუპით ჩამოსდით ცრემლი... შემდგომ საქართველო დაერქვა იმ ადგილს.


— ძალიან შორს არის ნეტა აქედან თქვენი ქვეყანა? მე იგი შემეყვარდა, თქვენ რომ გიყურებთ, ყმაწვილო კაცო! მითხრა ღიმილით ვიღაცა ქალმა, რომელიც გვერდით მომიჯდა და გამომათხიზლა ფიქრებიდან.

მივიხედ-მოვიხედე. დაღამებულიყო.

წამოვხტი უკმაყოფილო თვალით დავხედე იმ უცნობ ქალსა და მძიმე-მძიმედ წავედი სახლში.

(შემდეგი იქნება)





# პ რ ი ზ ი კ ე


## ნოა რევიზია

მეორეული კლასი ზემო კლასში გადასვლა  
საფუძვლის კარგად მოხდათ თუ არა  
ნ. აბაშიანი

სამედიცინო სიტყვები, წინასწარმეტყველების სიმბოლოა ნაქვლის  
ჩაფ შუილით, დუბრომელი, სიტყვებისა და მძროის წყურვილით გაშ  
გამული მოეტი უამ პილაა გარდუეულ სარკინს, სარკე თავდება უველით  
სადე სიტყვებს ვარგება ყველგვარი აზრი და მიზანი წინასწარმობის  
გაუგებარ აღდით, რევიზიის შემტყვებით რგინში პოეტმა სარდითა დეტი



ს. აბაშელი



## ნოე ჩხიკვაძე


მე სიკვდილს ველი... ჩემს გარშემო ყამი ბნელდება...  
საფლავის კართან ჩრდილთა ღმერთის ვუცდი ბძანებას...

ნ. ჩხიკვაძე

საბედისწერო სიტყვებია, წინასწარმეტყველოურის სიმტკიცით ნაქედი! მარად მშფოთავი, დაუცხრომელი, სიციოცხლისა და ბრძოლის წყურვილით გაშმაგებული პოეტი უცებ მიაღდა გარდაუვალ საზღვარს, სადაც თავდება ყველაფერი, სადაც სიციოცხლეს ეკარგება ყოველგვარი აზრი და მიზანი! წინათგრძნობის გაუგებარ ალღოთი, იღუმალის შემეცნებით იგრძნო პოეტმა „ჩრდილთა ღმერთ-

თის“ მოახლოება და მისი საშინელ ბრძანების მოლოდინში წინაღ მქუხარე სიმებში ჩამოწვა ნისლი უჩვევის სევდისა. ნ. ჩხიკვაძის უკანასკნელ ლექსებში უცნაურის დაჟინებით ისმის შეუწყვეტი შრიალი ახლოს მომდგარ სიკვდილის ფრთათა რხევისა. ბრძოლის ცეცხლით დაფერილი სიმები უცებ შემოსა საღამოს ჩრდილმა, და თუ პოეტური შემოქმედება შეუცნობის გამომჟღავნებაა—ნ. ჩხიკვაძე უსათუოდ უნდა მომკვდარიყო. უნდა მომკვდარიყო იმიტომ, რომ მას სასიკვდილო განაჩენი გამოუტანა „ჩრდილთა ღმერთმა“, და უნუგემო დიაგნოზი მიხეილის საავადმყოფოში მხოლოდ განმეორება იყო ამ განაჩენის.

ნ. ჩხიკვაძეს არ დასცალდა თვისი შემოქმედების პოტენციური ძალის ფართოდ გაშლა, მაგრამ ისიც, რაც მან მოასწრო, უთუოდ მატარებელია პროტესტანტური ენერჯის დაუშრეტელი პათოსის და ქეშმარიტი ტემპერამენტით არის გამოზარი. მისი სიტყვა მკაცრია და შეუპოვარი, ვით ხელით გასროლილი რაკეტის ქვა, მაგრამ ეს სიმკაცრე ასე ბუნებრივია ამ „მოუხეშავ“ პოეტისათვის. სამოქალაქო ჰანგზე მომღერალ მგოსანთა შორის ნ. ჩხიკვაძეს განსაკუთრებული ადგილი უჭირავს. იგი არ არის მხოლოდ სოციალურ უკუღმართობის წინააღმდეგ მებრძოლი, მისი ბრძოლის ასპარეზი უფრო ფართოა. სოციალური უსამართლობა ერთი სახეა იმ საერთო მარადიული ბოროტებისა, რომლის ირგვლივ ტრიალებს მთელი ქვეყანა. მას არა სჯერა, რომ სოციალურ უსამართლობის მოსპობასთან ერთად გაქრება საერთო სათავე ბოროტებისა. შეიძლება დამყარდეს კაცთა შორის მშვიდობა და თანასწორობა, მაგრამ ადამიანის მოუხეშავარ სულის სარკეში მუდამ იქნება ასახული მიუწვდომელ მისწრაფებათა ნანგრევები. სოცხლობს მსოფლიო მთლიანი, როგორც განუყოფელი ერთეული, და ბუნებისათას გვარ ძალთა საერთო რეზერვუარში სიციცხლე მარადიულია და დაუსრულებელი. მაგრამ მას შემდეგ, რაც ამ შეუგნებელ პროცესში პიროვნებამ თავისი ადგილის შემოფარგვლა დაიწყო, მას შემდეგ რაც პიროვნებამ თავი დააღწია მის გარეშე არსებულ ყველა ძალთა საერთო კანონს—პასივობას,—და აქტივობა გამოიჩინა,—პიროვნებასა და მსოფლიოს შორის დაიბადა კონფლიქტი, რომელიც აღწევს მით უფრო ტრადიკულ სიმწვავეს, რაც უფრო მეტის ენერჯით არის აღქურვილი მებრძოლი პიროვნება. ეს ბრძოლა აუცილებლად თავდება პიროვნების სრული დამარცხებით. პიროვნება საბოლოოდ ქრება, მსოფლიო კი დაუსრულებლად ვითარდება. აქ არის დაუძლეველი წინააღმდეგობა, რომელსაც ვერავითარი ფილოსოფიური, რელიგიური და სოციალური ხრიკებით ვერ აიცილებს ვერც ერთი მოაზროვნე ადამიანი. სულით ძლიერი ტრადიკულის განწირულებით ებრ-



ძვის ამ წინააღმდეგობას, სუსტი მორჩილდება ბედისწერას, ხოლო არის ბევრი გულუბრყვილო, რომელიც ახერხებს თავის მოტყუილებას კაცობრიობის მირათ. ბოლო ყველას ერთგვარი აქვს: პიროვნება სამუდამოდ, განუმეორებლად ქრება და ვინც არა ზერეღედ, მამლაცუნწურის ვამბედაობით, არამედ ღრმად, ბოლომდის განცლით, ექსტაზური თავდავიწყებით ჩაუკვირდება ამ მოვლენას, შეუძლებელია მან არ განიცადოს ის საშინელი ჟრუანტელი, რომელიც ნადველით ავსებს სულს.

ნ. ჩხიკვაძის შემოქმედებაში არის ერთი მთავარი სიმი, რომელიც უქველად ამ ჟრუანტელით არის ათრთოლებული. ამას მე არ ვასაბუთებ ციტატებით, ეს მე არა მსურს, — იქნება შეუძლებელიც იყოს. მე ვიღებ მხედველობაში არა ცალკე ტაბებს და სტრიქონებს, არამედ მთლად მისი პოეტური შემოქმედების და პირადი ცხოვრების საერთო შუქს, საერთო მუსიკას, რომელიც ჩემზე ასეთ შთაბეჭდილებას სტოვებს. ამას მით უფრო მეტის სითამაპით ვამბობ, რომ ამ სტრიქონებს არა აქვს არავითარი პრეტენზიები კრიტიკული წერილისა.

ნ. ჩხიკვაძის ბუნტარული სული სავსე იყო დაუსრულებელი ბრძოლის ენერგიით. იგი ყველას ებრძოდა, არა მარტო მტერს, ხშირად მოყვარესაც, და მისმა ახლობელმა მეკობრეებმა იციან, რომ მას არ ეძნელებოდა საუკეთესო ამხანაგების წინაშე ჩხირის გატეხა. უაღრეს პატივისცემის გრძნობას იგი უცებ შესცვლიდა უმწვერვალეს მტრობად და პირიქით. ის აღსავსე იყო შურისძიების გრძნობით, მაგრამ მან არ იცოდა ვის წინააღმდეგ მიემართა შხამიანი ისარი. მთელ თავის სიცოცხლეში მას გარშემო მტრები ელანდებოდა, მუდამ მტრების ძებნაში იყო, მაგრამ არასდროს გარკვევით არ ქონდა წარმოდგენილი ვინ და რისთვის მტრობდა მას. გუშინდელი მტერი დღეს უსათუოდ მოყვარედ იქნებოდა მიჩნეული და დღევანდელ მეგობარს არ უნდა ქონოდა იმედი ხვალინდელი დღისა. ის ებრძოდა ვილაცას, ებრძოდა თავგამოდებით, გაშმაგებით და ეს „ვილაცა“ იყო უნივერსალური მტერი. ეს აღსატურებს ჩემს აზრს, რომ ნ. ჩხიკვაძის ბუნტი არის აჯანყება არა მარტო თანამედროვე გარდამავალი სოციალური უსამართლობის წინააღმდეგ, არამედ ის მიმართულია მსოფლიო ბოროტების წინააღმდეგ. და, მართლაც, ძველი რეჟიმის ბატონობის ხანაში ნ. ჩხიკვაძე მებრძოლ პოეტთა რიგში ერთი საუკეთესო მეომართაგანი იყო. დაინგრა ძველი რეჟიმი. გამარჯვებული მეომრები ზეიმით მიეგება სოციალურ სამართლიანობის განთიადს. ნ. ჩხიკვაძემ კი ამ განთიადის შემდეგ მოულოდნელის გაბრაზებით აამეტყველა თვისი ქნარი. და ბოლოს უჩვეულოდ დათაღხა იგი. რატომ აკვნესდა მისი ჩანგი საერ-

თო დღესასწაულის დროს ასე გულსაკლავად? პირადი ცხოვრების სიღუპიერი? მაგრამ პირადი ცხოვრების მოუწყობლობა ხომ მისი განუყრელი თანამგზავრი იყო! საერთო მდგომარეობის სიმწვავეთ? მაგრამ ამას ხომ მოზეიმენიც გრძობდნენ! ყოველს შემთხვევაში ბორკილები დამსხვრეული იყო და ის გასაპირი, რომელსაც ხალხი განიცდიდა, მხოლოდ გამწვავება იყო ბრძოლის პროცესისა და ამას არ შეეძლო გამოეწვია უიმედობა „ბრძოლის ცეცხლად ქცეულ“ მგოსანში. პოეტის ასეთი პსიხოლოგიური გადატეხის ახსნა შეიძლება მხოლოდ ერთის გზით: ნ. ჩხიკვაძის ისარი მიმართული იყო მსოფლიო ბოროტებისაკენ და სადაც სხვებმა მიზანი მიღწეულად ჩასთვალეს, იქ მან დაინახა ახალი ასპარეზი დაუსრულებელის ბრძოლისა და მეტის სიმძაფრით იწყო ყივილი. რაც უფრო წინ, მით უფრო მეტი კონფლიქტი მსოფლიოსთან!

რა თქმა უნდა პოეტის ასეთი განწყობილება თანამედროვე სოციალურ პრობლემასთან არა თუ არ ამცირებს მის მნიშვნელობას საზოგადოების მოწინავე კლასის ბრძოლისათვის, პირიქით დაუსრულებელი ბრძოლის პათოსით ანთებულ ქნარს მეტი ღირებულება აქვს საზოგადოებრივ გარდაქმნის პროცესში, ვინაიდან უფრო მეტის სიძლიერით აღვივებს შეურთიგებელ ბრძოლის ცეცხლს.

ნ. ჩხიკვაძის პირადი ცხოვრების გზა ქეშმარიტად ეკლით იყო მოფენილი. მის ცხოვრებაში არ ყოფილა „ოქროს ხანა“, მას არ ქონია დრო ცხოვრების დამშვიდებით განქვრეტისა, იგი მუდამ იბრძოდა არსებობისათვის და ამ ბრძოლას ყოველთვის ქონდა ხელჩართული ომის ხასიათი. იგი მუდამ კრიტიკულ მომენტს განიცდიდა, ყოველთვის ბეწვზე ეკიდა მისი ოჯახის კეთილდღეობის ბედი. — აი, მაკალე, ეს კრიტიკული მომენტი რამენაირად თუ გადავიტანე, — იტყოდა ხშირად იგი, — მერე არაფერი მიშავს, ცხოვრებას გაუმკლავდები. გაივლიდა ეს დრო, მაგრამ მას დაუყოვნებლივ მოყვებოდა ახალი კრიტიკული მომენტი და ასე დაუსრულებლად. დაუდგრომელი, მოუსვენარი, შეურთიგებელი, იგი ვერ ეგუებოდა კერძო სამსახურს და არასდროს არც ყოფილა ერთ თუ ორ თვეზე მეტს რაიმე სამსახურში. უთუოდ უნდა წაჩხუბებოდა ვისმე და ბრახმორეული სტოვებდა ადგილს. ძნელი წარმოსადგენიც იყო ნ. ჩხიკვაძე სადმე მოხელედ, რომელსაც აქვს განსაზღვრული ჯამაგირი და სამუშაო დრო, აქვს, მაშასადამე წინდაწინ შემუშავებული გეგმა, ბიუჯეტი და სხვა. ამ მხრივ იგი იყო ტიპური ბოგემა, რომლისთვისაც ხვალინდელი დღე უთუოდ გამოცანა უნდა ყოფილიყო. იგი ორგანიულად ვერ ეგუებოდა ვერავითარ ყალიბს, გეგმას, ყოველ დღე თხზავდა ახალ ცხოვრებას და ყოველ მეორე დღეს ანგრევდა წინად განზრახულს. მას

იტაცებდა მოულოდნელი, ანაზღეული რამ და უყვარდა განსაცდელი და ბედთან შებრძოლება, უყვარდა ქალღმერთის თამაში, რომელიც, ჩემის აზრით, იყო გამოწვეული არა მარტო ფულის მოგების სურვილით, არამედ იმ ინტერესით, რომელსაც აცხოველებს შემთხვევითი, მოულოდნელი მოვლენის სიახლოვე და მისი ბუნდოვანობა.

მე ნ. ჩხიკვაძეს შევხვდი 1905 წელს სარეგოლიუციო მუშაობის ასპარეზზე. ამ დროდან იწყება ჩვენი ოჯახური დამოკიდებაც. 1908 წლის დამლევს მან მიატოვა სოფელი და ცოლშვილით ფოთს გადასახლდა. მე ახლად დაბრუნებული ვიყავი ჩრდილოეთიდან, როცა ვესტუმრე. დამხვდა სადგურზე.

— იცი, საშა, მე საკუთარი სახლი ავაშენე აქ! — მითხრა თავმომწონე ღიმილით, მისალმების შემდეგ.

— ავაშენა ღმერთმა, კარგი საქმე გიქნია, — ვუპასუხე სიცილით. გამიკვირდა კი და ცოტა ექვიც შემეპარა, ხომ არ მატყუილებს მეთქი. წავედით. გზაზე სულ თავის ახალ გეგმებზე მეტაყვებოდა.

— ფოთი ჩემი სახლისკენ წამოვა, — გატაცებით ასაბუთებდა თავის აზრს. სხვა მხრით არა აქვს ქალაქს გასაქანი, ზღვაში ხომ არ გადავარდება, უსათუოდ ჩემსკენ უნდა გაიზარდოს. ფოთს დიდი მომავალი აქვს... ჩემი სახლის ირგვლივ ნახევ მალე ერთი ცილა ადგილი აღარ იშოვებოდეს. მე, თუ გინდა, შენც ავიღებ ერთ ნაჭერ მიწას, გქონდეს, მერე სახლსაც დაგადგმევინებ.

მივდიოდით ჩქარის ნაბიჯით. ღრუბლიანი დღე იყო. სტრიდა. ნოე აღგზნებით მიხატავდა ზღაპრულ მომავალს ფოთისას. რაღაც ათი წლის განმავლობაში ქალაქი საშინლად გაიზარდება, ირგვლივ ქაობები ამოშრება, გზებს გაიყვანენ, საუცხოოდ გამშენიერდება განსაკუთრებით განაპირა კუთხეები და სხვა.

მე ყურს ვუგდებდი ნოეს დაუცხრომელ ბაასს და დიდი ხანია ველოდი, საცაა შეუხვევს და სახლში შევალთ-მეთქი, მაგრამ არ ქონდა დასასრული არც ნოეს ზღაპარს, არც ჩვენს გზას.

— სადაა, ნოე, შენი სახლი, რომელ ქუჩაზეა, — გაუბედავთ შევეკათხე ბოლოს.

— აი ახლავე მივალთ, — მომიგო სწრაფად, — ჯერ ქალქის ქუჩებზე ვართ, აი იმ სიმაღლიდან „სობორა“ მოსჩანს. ჩემი ქუჩა ახალია, მგონი სახელიც უწოდდეს, ქალაქის გამგეობაში ჩაწერილია..

გავიარეთ ქალაქის განაპირა ქუჩებიც. სრულიად მოვცილდით შენობებს და ერთ დიდ მინდორზე გავედით. შეუხვევით ვიწრო ტალახიან შუკაში და გავედით

მიყრუებულ ადგილს. შორიდან დაეინახე „ბუდკა“-სავით ამართული პატარა სახლი. ლად ანაგები სახლი. გამაჟრუოლა.

— რა გააჩერებს ერთ ოჯახს ამ უდაბნოში, — ნაღვლიანად გავიფიქრე, მაგრამ ამ დროს შევნიშნე, რომ ნოე ელის ჩემს აზრს ცოტა დარცხვენით, და მხიარულად წამოვიძახე:

— ეს არის, ნოე, შენი სახლი, ნამდვილად! კარგ ადგილზეა, ძმაო, რა გინდა მეტი.

შევედით სახლში. ერთი პატარა ოთახი მაღალ ბარჯგებზე. გარშემო ქარი ზუზუნებს. შორით მოსჩანს მიაიკის წითელი შუქი... ამ სახლში დიდხანს არ უცხოვრია. აქ მოუკვდა ნოეს პირშუო ვაჟი. მიატოვა ფოთი. სახლი ქარმა წააქცია.

ომის დაწყების შემდეგ ნოემ თავის სოფელში დაიდგა მშვენიერი სახლი, მაგრამ ცოტა ხნის შემდეგ გაყიდა და თბილისში იყიდა პატარა სახლი. გადმოსახლდა კოლშვილით. რამდენიმე თვის შემდეგ ეს სახლიც გაყიდა და კოლშვილი სამტრედიის დაბინავდა. ამ წლის დამდეგს ხელმეორედ იყიდა თბილისში პატარა სახლი, მაგრამ ვერ ეღირსა მის დაცლას დგმურთაგან, რომ კოლშვილი ჩამოეყვანა სამტრედიიდან.

თებერვალში ჩამოვიდა თბილისს მტკიცე გადაწყვეტილებით — რათაც დასჯდომოდა დაეცალა სახლი, მაგრამ ვერ მოახერხა. მაშინ გაცივდა და პირველად გახდა ავად ფილტვების ანთებით. რადგანაც თბილი ბინა ავადმყოფს ვერ ვუშოვნეთ, ექიმების რჩევით ალექსანდრეს სახელობის საავადმყოფოში მოვათავსეთ. მეორე დღეს საავადმყოფოდან დამირეკეს: თქვენი ავადმყოფი ექიმს არ უჯერის და წასვლას აპირებსო. გავიქეცი საავადმყოფოში, მაგრამ სანამ მივიდოდი, იგი წამოსულიყო.

— არაფერი არ გავგივიდა, არც თხოვნა, არც მუქარა, ძალით მოგვატანია ტანისამოსი და წავიდაო, — მითხრეს საავადმყოფოში.

იმ საღამოს ნათესავთან გაეთია ღამე. მეორე დღით ჩემთან მოვიდა. ჩაიდალია და სიცხე გაიზომა. 39 ჰქონდა. მაშინვე დავაწვინეთ, მაგრამ ჩემს ბინაში ცოცხალი და სხვა ოთახს დაუწყეთ ძებნა.

— საშა, ოღონდ გადამარჩინე ამ ხიფათს და შემდეგისათვის ჭკუას ვისწავლი, — მითხრა შეშინებული ხმით.

მოგნახეთ თბილი ბინა. ამხ. სილ. რემონტიც დავეურეკე და მისი ბინა შემოგვთავაზა.

მაშინვე ჩავსვი ეტლში საბანში გახვეული და წავიყენე.  
 იქ ბუხარში ცეცხლი დაანთეს და ნოეც მაშინვე კარგ გუნებაზე მოვიდა.

მეორე დღეს რომ მივედი, ნოეს უკვე სიცხე არა ქონდა და სილიბისტროს  
 გაცხარებით ეკამათებოდა რაღაც წისქვილის შესახებ.

— რა წისქვილია, კაცო, ხომ არ გაგიჟდი? — გავიკვირვე მე.

— გავიჟდი კი არა, საშა, ეს ისეთი საქმე აღმოვაჩინე, რომ ჩემს ღუბუბურს  
 ცხოვრებას ბოლო მოეღო, — მტკიცე რწმენით მიპასუხა ნოემ. — ამ საქმეს ჯერ-  
 ჯერობით მე და სილიბისტრო ვაწარმოებთ, მაგრამ არც შენ დარჩები გარეშე მა-  
 ყურებლად ბოლოს. და ნოემ დალაგებით მიაბო, თუ როგორ მიაგნო ვიღაც  
 ინჟინერს, რომელმაც გამოიგონა მოტორიანი წისქვილი, როგორ გადასწყვიტა  
 აბაშაში წისქვილის დადგმა და მთელი გეგმა გადამიშალა. დღეში ორმოცი ათა-  
 სი ფუთი სიმინდი უნდა დაფქვას. მეათედი წისქვილს დარჩება. ეს აუარებელ თან-  
 ხას გააკეთებს. შემოსავლის ნახევარს მოახმარს ადგილობრივ საქველმოქმედო და  
 კულტურულ მიზნებს. მეორე ნახევრით სამუდამოდ უზრუნველ ჰყოფს კოლ-  
 შვილს და ახლობელ მეგობრებს. დაიწყებს წიგნების გამოცემას. დაარსებს სტი-  
 პენდიებს და სხვა და სხვა.

სილიბისტრო საერთოდ ეთანხმებოდა, მაგრამ ორმოცი ათასი ფუთი კოტა  
 გადამეტებულად მიაჩნდა და ნოეც ამაზე ცხარობდა.

— ეს ყველაფერი კარგია, მაგრამ ჯერ კარგად გახდი და ამაზე ფიქრს მე-  
 რე მოასწრებ, — დავარიგე წამოსვლისას.

მესამე დღეს ნოე ჩემთან შემოვიდა. მეწყინა. შემატყო, რომ მეწყინა. წო-  
 ლა არ მარგებს. კოლშვილი დაყრილი მყავს სამტრედიაში, უნდა მივხედო.

კოტა ხნის შემდეგ სადგურისაკენ წავიდა. არ დაიჯერა ჩვენი რჩევა რა-  
 მდენიმე დღე მოეცადა.

გზაში ავადმყოფობა შებრუნებოდა და სამტრედიაში ხელმეორედ გადაიტანა  
 ფილტვების ანთება.

მაისის 22-ს, შაბათს, ერთი ნაცნობის ხელით ნოემ გამომიგზავნა თავისი  
 პატარა „საკვოიაჟი“ შესანახად და შემდეგი წერილი:

„საშა! მე ჩამოვედი სამშაბათ ღამეს. ოთხშაბათს ბენიასთან ვიყავი და ვთხო-  
 ვე სახლი დაეცლევინებინა. ბენიამ მყისვე მოახდინა განკარგულება ამის შესა-“

ხებ და უბრძანა მოხელეს საქმე ახლავე მოგეგარებია. მოსამსახურემ ვადა წავს-  
კევს დამიღო. მე კი დღესვე გავხდი ანთებით ავად და სიკვდილს ვებრძვი. მე  
სახლს, თუ ვერ დავცლიდი, უნდა გამეყიდა, მაგრამ რაკი დავცალე აწი... ბე-  
ნიამ სამსახურიც მომცა... დუ ყველა ოხრათ არ დამჩა... ერთი კაპეი ფული  
არა მაქვს, უწამლოდ ვკვდები.

შენი ნოე ჩხიკვაძე

P. S. მე ვწევარ კიხლიარის ქ. № 3.

წერილის მომტანმა მითხრა, რომ ბარათის დაწერის შემდეგ ის ექიმთან  
იყოფო და ექიმის რჩევით თავის ფეხით მიხეილის სავადმყოფოში წავიდა და იქ  
წვესო.

იმ სადამოღვე მწერალთა საბჭოს სხდომამ გადასდო ცოტოდენი თანხა ავად-  
მყოფ პოეტისათვის. მეორე დღით წავედი სავადმყოფოში. წამომყენენ ვ. რუ-  
ხაძე და ობოლი მუშა.

შევედით თუ არა სავადმყოფოში შემოგვეგება, ექიმი ვირსალაძე და ალ.  
ნიკიტინი. ნიკიტინს ხელში კონვერტი ექირა.

ექიმმა მიგვიწვია კაბინეტში.

— აი ეს არის, წერილის გამოგზავნა გვინდოდა თქვენთვის, — მითხრა მან.  
კარგია, რომ შემოხვედით.

და მიაბო, თუ რა მდგომარეობაში იყო ავადმყოფი. ფილტვების ანთებით  
არის ავად, მდგომარეობა გართულებულია ნერვების აშლით.

დღიდანვე სიცხე მომატებოდა. ეთხოვა: აბაშელს შეატყობინეთო. ამ დროს  
შემოსულა ექიმი შ. მიქელაძე. შეხვეწებია: წამიყვანე და მე ითონ მოველა-  
პარაკები ტელეფონითო.

შ. მიქელაძეს ჩაუსვამს ავადმყოფი პოეტი თვლებიან სავარძელში და ჩამო-  
უყვანია ტელეფონთან, მაგრამ ტელეფონი გაფუჭებული ყოფილა. სიცხით გაბ-  
რუებულ გონებას მეტი აღარ უნდოდა.

— გამიშვით, — შეჰყვირა თურმე ავადმყოფმა და წამოვარდა გასაქცევად. —  
თქვენ განზრახ დაჰკეტეთ ტელეფონი და გინდათ მომწამლოთ ისე, რომ არავინ  
გაიგოს ჩემი სიკვდილი.

ხუთმეტ კაცს ძლივს დაუმარებიათ და პალატაში შეუყვანიათ.

— იძულებულნი შევიქენით დამაწვიდებელი ხალათი ჩაგვეცვა. ახლა მორ-  
ფი შევეუწხაპუნეთ დასაძინებლად და წვეს საწოლზე მიკრული, — გაათავა ექიმმა.

— არ შეიძლება ახლა მისი ნახვა? — შევეკითხე ექიმს.

— კი, ახლავე, თუ არ სძინავს.

წავედი პალატაში. ჯერ ექიმი შევიდა. არ სძინებოდა.



ყველა ერთად ნუ შეხვალთ, ჯერ მარტო თქვენ შედიეთ, მითხრა.

შევედი. ნოე იწვა გულზე ხელებდაკრეფილი. თვალები გაპფართოებოდა და გაბრაზებული გამოიყურებოდა.

— საშა, რაშია საქმე, რა უნდათ, კაცო, ჩემგან, — მომმართა დამინახა თუ არა. — რა დავუშავე ისეთი, რომ სიკვდილით დასჯა გადამიწყვიტეს? მართალია ცოტა ავღელდი, მაგრამ განა ამისათვის უნდა მომწამლონ?

— რას ამბობ, ნოე, დამშვიდდი, ვინა გწამლავს, ვინ გკლავს, არა გრცხვენია? — ვცადე დამშვიდება და ახლოს მივუჯექი, შუბლზე ხელი გადაუსვი. დიდი სიცხე ჰქონდა.

— ხომ იცნობ შენ ექიმს? ვირსალაძე არ არის? და რაფერ მოგივიდა ახრად, რომ ამან უნდა მოგწამლოს? პირიქით, გივლის კარგად, რომ რაც შეიძლება მალე მორჩე.

— საწამლავი შემირჩაპუნეს, საშა, მორფი. ჯერ დამაკრეს საწოლზე, ხელფები შემიბორკეს, მერე მომწამლეს.

— ეგ საწამლავი კი არ იყო, — მიუბრუნდა ავადმყოფს ექიმი, — დასაძინებელი წამალია. თქვენს მდგომარეობაში დამშვიდება საჭირო, თქვენ კი ხუთმეტრი კაცი გაჩაღეთ, ძლივს დაგაკავეს.

— სად მიდიოდი, ნოე, რატომ გააჯაგრე ექიმი?

— შენთვის მინდოდა დამერეკა და გული მომაყვანიეს, — ცოტა მოლბა ავადმყოფი.

— მე გუშინ მივიღე შენი წერილი. და აი, ვარლამი და სოლომონიც აქ არიან მოსულნი შენს სანახავად.

შემოვიდნენ და მიესალმნენ. ნოემ ასწია ხელი ჩამოსართმევად, მაგრამ მიკრული ქონდა.

— საშა, — სრულიად დამშვიდებული კილოთი მომმართა, — სთხოვე ექიმს შემისხნან ხელები. ახლა მე დამშვიდებული ვარ და ვგრძნობ ჩემს დანაშაულს. ბოდიშს ვიხდი.

ექიმმა უარი განაცხადა. არა უშავს, იწვეს ასე, მისთვისაც უკეთესია, დაიძინებს და მერე შეფუხსნითო.

— ბ-ნო ექიმო, — მიმართა ნოემ ექიმს, — მე უკვე გამოფერკვიე, გონს მოვედი. ვნახე ჩემი მეგობრები, ახლა კმაყოფილი ვარ, ბედნიერად ვგრძნობ თავს. შემისხენით ხელები, არ არის საჭირო, გარწმუნებთ, რომ ყოველს თქვენს დარჩებებს უსიტყვოდ დავემორჩილები.

მე ვგრძნობდი, რომ მართლაც საჭირო აღარ იყო ხალათი, მაგრამ ექიმმა მანიშნა — არ შეიძლებაო.

— კარგი, ნოე, — დავუწყე ისევ დამშვიდება. — ცოტა ხნის შემდეგ მე თითონ შეგიხსნი, ახლა ეცადე დაწყნარდე და დაიძინო.

ექიმი გავიდა.

მე მაშინვე შევუხსენი ფეხებზე. ხელები არ დამანება მოწყალების დამ, ექიმის ბრძანება არისო. წყალი მოითხოვა. დამშვიდდა. ბევრს ლაპარაკობდა. იცინოდა: მორთი საწამლავი მეგონაო. მოწყალების დასთან ბოდიში მოიხადა. დიდხანს ვილაპარაკეთ. მორიგმა ექიმმა გამიწვია განზე და მთხოვა წავსულიყავით, რომ ავადმყოფს დასძინებოდა.

გამოვემშვიდობეთ. დავპირდით საღამოს განახეთო. შენი ბავშვი მომიყვანეო, — დამაბარა.

ნასადილევს ავადმყოფისკენ გავეშურე. ცოლი და ბავშვი წამოვიყვანე. რომ მივედით ეძინა. კარგ ხანს ვუცადეთ დერეფანში. მორიგ ექიმს გამოვკითხე, როგორ მიმდინარეობდა ავადმყოფობა. მდგომარეობა სერიოზულია, მაგრამ შეიძლება გადაიტანოსო.

ამასობაში გამოღვიძებოდა. შევედით.

— რა ტკბილად მეძინა, — მითხრა მხიარულად და ბავშვს დაუძახა. გაეხარდა ბავშვის ნახვა.

— საშა, ჩემი ბავშვები უნდა ჩამოიყვანო, — ფული გაუგზავნე რამდენიმე ათასი მანეთი და ჩამოვლენ. მანამდის აქ სახლი დააცლევინე.

ნოე სრულიად გამოცვლილი დამხვდა, დილინღელ აჯანყებისაგან არაფერი დარჩენილიყო. ხელები უკვე შეეხსნათ.

სიცხე გაუზომეს. შიშვენიერობა.

კარგ გუნებაზე დადგა. ხუმრობდა. თითონ მოჰყვა დილის თავადასავალს და დასცინოდა თავის სიშმაგეს.

წამოსვლისას მთხოვა მეორე დილით ბენია ჩხიკვიშვილი მენახა და სახლის დაცლის ამბავი გამეგო. თან ფული უნდა შემოვინა სოფლიდან ცოლშვილის ჩამოსაყვანად.

საავადმყოფოდან წამოვედი სრულიად დარწმუნებული, რომ ნოეს არავითარი საფრთხე არ მოელოდა.

დილით ვნახე ბენია. ფულიც ვიშოვნე.

სახლში რომ მოვედი, ცუდათ შევიქენი. სიცხე მომცა. დავწექი და საავადმყოფოში ცოლი გავგზავნე.

დავაბარე ნოესთვის ეთქვა, რომ ფული უკვე გაგზავნილია.

ცოლი დიდხანს არ დაბრუნდა. ბოლოს მოვიდა. თან ახლდა ჩემი და ნოეს რამდენიმე ნათესავი.

— როგორ არის ავადმყოფი, რად დაგავიანდა? — შევეკითხე ცოლს ცულის წინათგრძობით გამსკვალულმა.

— ძალიან ავად არის, — მიპასუხა.

— ნახე?

— არა!.. არ მაჩვენეს.

საბრალო, ნოე! დილით გარდაცვლილიყო. შუადამემდის კარგად სძინებოდა. შემდეგ უცებ წამოვარდნილიყო და დარეოდა მოსამსახურეთ. ისევ ჩაეცვათ ხალათი და მიეკრათ საწოლზე. დილაშდის ებრძოლნა გიჟურის სპასოწარკვეთილებით და დილის 10 საათზე სული დაელია.

სამი თვის განმავლობაში მესამეჯერ გახდა ფილტვების ანთებით ავად. ვეღარ გადიტანა ბოლოს.

მუდამ სახლსა და ბინის ძებნას გადაყოლილმა უკანასკნელად საავადმყოფო-ფოში ჰპოვა თავშესაფარი და იქ მოწყვეტილმა ცოლშვილს და მეგობრებს, გიჟის ხალათით შეკრულმა განიცადა საშინელი სიმართლვე საბედისწერო ბრძოლაში. ვინ იცის, მომაკვდავ პოეტის ანთებულ გონების ეკრანზე რამდენი საშინელი სურათი აღბეჭდა წყვილიადის ღმერთმა ამ ტრადიკულ შებრძოლების დროს.

მეორე დღეს მიცვალებულის ხელნაწერებში სხვათაშორის ამოვიკითხეთ დაუმთავრებელი ლექსის შემდეგი სტრიქონები:

„ლოცვით ვერ დავძლევ მწუხარების შავსა ზმანებას,  
კრემლთა ჩანჩქერთ კმუნვა ჩემი არ განელდება.

მე სიკვდილს ველი... ჩემს გარშემო ჟამი ბნელდება...

საფლავის კართან ჩრდილთა ღმერთის ვუცდი ბრძანებას...“



არჩილ რუხაძე

## ერთხელ ვიყავ მგოსანი

(ნაღვ ჩხიკვაძის ხსენებას)

მოკვდა პოეტი...

მოკვდა მარტო, ობლათ; ყველასგან დავიწყებული...

ის ობლათ მოვიდა ამ ქვეყნათ, უმეგობრო, ამხანაგს მოკლებული...

ობლათ ჩავიდა საფლავში, გულ გაყინული, მწარე ფიქრებით გარემოცული...

„ერთხელ ვიყავ მგოსანი,“ — სწერს პოეტი...

„დღეს კი... მარტო ვგდევარ როგორც ხე წაქცეული“...

განთიადის უამს შემოდგა მან ფეხი ჩვენს ცხოვრებაში...

განთიადის უამს ააჟღერა მან თავისი ჩანგი...

„ზოგს უიმშილი ღუპავს,

ზოგი სისხლით მთვრალია,“ —

შფოთავდა მწერალი...

ის ვერ ითმენდა, ის ირეოდა, როცა ესმოდა გულის მომწამვლელი ხმა:

— „ერთის მხრივ ქეიფის, მეორე მხრივ გლოვა ზარისა“...

მას გულს უკლავდა ამ ქვეყნიური უკუღმართობა.

და მისი ჩანგი ხან მწარეთ, უიმედოთ მოთქვამდა, ხან კი იმედს გამოსთქვამდა.

ვმღერი მარტო... კენესის ჩანგი,

დნება ცრემლი ამ არეში,

და ეს ცრემლი, სევდის ჰანგი

თან ჩამყვება სამარეში“...

მოკვდა პოეტი...

საშინელ პირობებში, მწარე გაქვირებაში...

„მე ამ სოფლათ არა მაქვს არც პური, არც უფლება.

ეს უგულო ქვეყანა ჩემთვის ციხის მსგავსია!“

მოსთქვამდა პოეტი უკანასკნელ ლექსებში...  
 და მშიერი, მწყურვალე ჩაესვენა ცივ საფლავში...  
 მოკვდა მშიერი, საშინელ გაქირვებაში ის, ვინც, ერთხელ იყო მგოსანი, ბრძო-  
 ლის ცეცხლათ ქცეული, ვინც რღვევის ქექა-ქუხილით ძრავდა არე მარესა შე-  
 ურყეველ იმედით, სვამდა ნაღველს მწარესა.“  
 ის დაიბადა განთიადის ჟამს...  
 მას შემოაღამდა გზაში...  
 მის თავზე მოიღუშა ცა, შეიგრაგნა შავი ღრუბლებით. მაგრამ ის მაინც არ  
 კარგავდა იმედს...

ის მედგარი ხმით გადასძახოდა შავ ბნელით მოცულ ქვეყანას...

გაუმარჯოს მაშ შრომის შვილს,  
 გაუმარჯოს ჩაგრულთ კერას!  
 გაუმარჯოს ვინც ყურს უგდებს  
 ჩვენს კილოს და ჩვენს სიმღერას!“

ის მოესწრო სრულ გათენებას...

ჩაგრულთ კერამ გაიხარა.  
 შრომის შვილმა გაიმარჯვა...

მაგრამ შრომის მგოსანი კი ძველებურ გაქვირებას განიცდიდა, მას შიოდა,  
 სწყუროდა, მისი სული არ იყო მოსვენებული.  
 და ამ საერთო მხიარულების დროს არავის ახსოვდა ის, არვის ეცალა მისთვის.

„დამავიწყდა ოცნება, დამავიწყდა გალობა,  
 ჯოჯობნათად გადმექცა ეს სოფელი წყეული.  
 არც არავის ვახსოვარ, არც არსად ვარ წვეული,  
 ცამ მიწა დამიკარგა, მიწამ ზეცის წყალობა.“


მის გულს შავი ფიქრები ეხვეოდენ.

პირადათ გაქვირებაში მყოფს თვალწინ ედგა ჩვენი მწარე სინამდვილე, და  
 ეს უკლავდა გულს, სევდის ნაოქს ახალ-ახალი ნაოქები ემატებოდა.

„სად წავიდე? ქვეყანა ანგარებით საესეა.  
 ჩარჩების ბორკილებში კვნესის თავისუფლება...“

მოთქვამდა პოეტი...

და ამ მწარე მოთქმით, ამ საშინელი სიტყვებით მან დაგვტოვა ჩვენ...  
 თქვენ გინახავთ ის?  
 არეული, გიჟური თვალებიანი, მუდამ მღელვარე, აბობოქრებული...



მისი სახე, გამომეტყველება იყო პროტესტი გამეფებულ უკუღმართობის წინააღმდეგ...

და ამ პროტესტით მოგვეშორდა ის...

და ვინ იცის რამდენი მწარე ფიქრი, რამდენი კაეშანი მას ჩაყვა საფლავში... ის იმედის ჩანგით, ბრძოლის ცეცხლათ ქცეული მოვიდა ჩვენთან...

მაგრამ ვერ დავაფასეთ ჩვენ ის... ვერ ვიცანით...

და ობოლი, „ოცნება დავიწყებული, მარტო გდებული, როგორც ხე წაქცეული,“ მოგვეშორდა ჩვენ...

დღეს შავი მიწა ფარავს ერთხელ სიცოცხლით სავსე გულს... აღარ ჟღერს პოეტის ბრძოლის ჩანგი...

მიყუჩდა სიმთა წკრიალი... ეხლაც წივის უკანასკნელი ობოლი სიმი ყურში:

„მე სიკვდილს ველი... ჩემს გარშემო ჟამი ბნელდება.

საფლავს კართან ჩრდილთა ღმერთის ვუცდი ბრძანებას...“

და ჩრდილთა ღმერთმა უბრძანა მას მოგვეშორებოდა ჩვენ... შესწყდა ჩანგის ჟღერა...

გაწყდა ობოლი სიმი... მაგრამ ამ ჩანგის ხმა არ მომკვდარა...

ეს ხმა ეხლაც აპობს ჰაერს... და ის მუდამ იქმნება ჩვენს სმენაში... და მოგვაგონებს ხალხისთვის ტანჯულ მგოსანს.



## აკაკი პავაშვი

# შიქრები თეატრის პრიზისზე

### 2

მხატვარის საზოგადოდ, და კერძოდ დრამატურგის ბუნება შინაგან სტიქიის გავლენის ძალით იზრდება; იგი გრძნობს ზებუნებრივ ძალას, გრძნობს ღვთიურობას და ებრძვის წვრილმანსა და წარმავალს,—ებრძვის წუთიერ სწრაფვასა და განწყობლებას. სადღეისო ლოზუნგებს, წარმავალ ფორმულებს და მისი დაუცხრომელი ბუნება სცდილობს მარადიული ასახოს, უკვდავებაში განამტკიცოს თვისი შეშოქმედი ძალა. იგი ზებუნებრივი და ღვთიურია და, მაშასადამე, უნდა ემსახურებოდეს უკვდავს, როგორც ღვთაება... რამდენიმედ იგი ახერხებს თავის მხატვრულის ინტუიციით დროულის დამარცხებას მარადიულით და თვით წარმავალ სურათებისა და მოვლენების იქეთ ამჩნევს ამ ძალას.

მან იცის კარგად, რომ ხელოვნება არ არის უბრალო სინამდვილე, მისი ფოტოგრაფიული აღწერა, არამედ კიდევ რაღაც ზედმეტი და აი, სწორედ ამ ზედმეტის პრინციპები მარადისობაში იშლება. რამდენადაც მხატვარი-დრამატურგი ძლიერია ამ ბრძოლაში, იმდენად უძლურია მომაკვდავი, უბრალო ადამიანი, მაყურებელი, რომელსაც საშინლად უჭირს იმ სინამდვილის ზედმეტის დანახვა, რომელიც პირველდანახვისთანავე იშლება სცენაზე.

ჩვენ დავინახეთ, რომ რამდენიმედ „სამხატვრო თეატრი“ აღწევს ამ მხრივ მიზანს და მისი მაყურებელიც მეტს ხედავს, მინამ სინამდვილეს სცენის სურათებისას, ე. ი. განიცდის ავტორის განწყობილებას, მის მთავარ სულის კვეთებას.

ამიტომაც „სამხატვრო თეატრი“ მისაღებია და მისი იდეაც სიმპატიურია, მაგრამ აქ მარტოოდენ ჩანასახი სჩანს და მისი სრული გამარჯვება კი დღეს შეუძლებელია.

შეუძლებელია, რადგან ყოველი მაყურებელი ჩამბულია ცხოვრების ბრძოლაში და თვისი განსაკუთრებული ვითარება მასაც ამ ბრძოლის ასპარეზზე ცხოვრებაში განსახლავრულ ადგილს უთმობს; იგი მოკლებულია პოეტურ ექსტაზს, აღმაფრენას, მის ვნებიან ქირვეულობას და, ამის გამო, თვალშია სიზმარი მულად

ძლეულია მისი ყოველდღიურის სიცხადით. იგი საკუთარ ვითარების ახსნას იბოხეს და საკუთარ ფორმულის ამოკითხვას სცდილობს თეატრის სანახაობაში. ის რელიგიური ექსტაზი, დიონისიური ვნება, რომელიც სავსებით იტაცებდა ყოველ ელინს თეატრალურ სანახაობის დროს, აღარ არის.

ვნებული სიმთვრალე და ზეობასთან დაკავშირება გასწყდა და ყოველი პიროვნება საკუთარ ტრაგედიის გაშლას და ახსნას მოითხოვს თეატრიდან.

ამიტომაც იგი ყველას ვერ აკმაყოფილებს... ამასვე უნდა მიეწეროს ერთი მიზეზთაგანიც, რომელმაც დაამარცხა მარჩენიპარტის ცდა.

სხვა და სხვა ჯურისა და რწმენის, სხვა და სხვა გვარ ფსიხოლოგიის მატარებელი ხალხი, შემთხვევით შეკრებული ამ თეატრში ვერ შეეუსიხლხორცდა ერთის განცდით, ერთგვარის ექსტაზით შეპყრობილი ელინთა ტრაგედიას და მთლიანობაც დაირღვა.

ამ რიგად, ჩვენ დავინახეთ, რომ მიუხედავად სასტიკ ბრძოლისა, ჯერ კიდევ ძლიერია ხელოვნებაში ტენდენცია და იგი უფრო ძლევამოსილია და უტილიტარიზმის ტლანქ სახეს ღებულობს თანამედროვე მაყურებელის ბუნებაში. ეს მხარე აკვეცს ფრთას თეატრის თავისუფლებას, როგორც ხელოვნებისას და მის იარაღად, საშუალებად გამოყენებას ლამობს; მაშინ როდესაც იგი, იდეალურის სახით, თავის თავად უნდა მიზანი იყოს... თანამედროვე რეალიზმის თეატრი გმობს და მისგან განთავისუფლებას სცდილობს.

მაგრამ სრული განთავისუფლება კი მომავალის საქმეა, როცა თვით ადამიანი გახდება თავისუფალი ცხოვრების სიღუბეჭირისაგან, მის წვრილმანურ ზრუნვათაგან, როცა იგი დაგმობს ყოველდღიურობას და, თავისუფალი, ლალად დაეწაფება ხელოვნების ძლიერ ნაკადს.

თეატრიც, ხელოვნებასთან ერთად, განთავისუფლდება ამ ზედნაშენებიდან, გაირღვევა მისი შემზღულდველი კედლები და ისიც თავისუფლად ამოისუნთქებს. ამ თავისუფლებასთან ერთად იშვება ტრაგედიაც—ახალი ტიპი ამ ტრაგედიისა, რომელიც წვრილმან დღიურობის იქეთ, მარადისობაში და სულის წიაღში გაიდგამს ფესვებს.

ამ რიგად, მომავლის თეატრი, იდეალური თეატრი დაუახლოვდება ხელოვნების მიზანს; ტენდენციას მოკლავს და ტლანქ უტილიტარიზმს დაასამარებს...

## 3

მე წინასწარ არ ვსაზღვრავ—რა სახით მოხდება ეს სრული განთავისუფლება პიროვნებისა: სოციალურ ემანსიპაციის, რელიგიურ ასკეტიზმის თუ ზეკაცის გამარჯვებით.



ჩვენთვის ამ უმაღლეს საინტერესოა რწმენა, რომ განთავისუფლება, ერთხელ იქმნება, მოხდება, რომ პიროვნება აიხსნის ყოველგვარ ბოროტებას და თვის „მე“-ს ჰარმონიულად განავითარებს.

ასეთ თავისუფალ პიროვნებისათვის, რომელმაც არ იცის ერთი ფორმა ჩაგვრისა, რომელიც არ არის შეპყრობილი ყოველდღიურობით, ასეთ ადამიანისათვის ადვილი გახდება მხატვარის სულის კვეთებით გამსჭვალვა.

თავისუფალი იგი სავსებით მიეცემა თავდავიწყებას და მხატვარის ბუნებას ორგანიულად ესხეულება; აქედან განმტკიცდება ნამდვილი მთლიანობა და უბრალო მომავლადი განიცდის, მისებრ თავისუფალ, მხატვრის სულიერ განწყობას. ხოლო ეს კი აუცილებელია ესტეტიურ სიამის და ნეტარების შობისათვის.

ბ-ნი ვალდებული ერთ ადგილას ამბობს, რომ „მხატვრულ ნაწარმოებით წმინდა და სრულ ტკობისათვის, აუცილებელია, რომ გადმოცემის დროს სულის კვეთება და განწყობილება იმისდა ანალოგიური იყოს, რომელშიაც მოსაზრებელი და განცდილი იყო ისა თუ ეს მხატვრული შემოქმედება.“

ამნიარად, რამდენადაც შესაძლებელი გახდება მაყურებელისათვის—პოეტის სულიერ განწყობილებას მისწვდეს, დრამატურგის განწყობილებით განიმსჭვალოს, იმდენად ღრმავდება ესტეტიური სიამოვნება და იმდენად მაყურებელი ეძლევა ავტორის ბუნებას... იმდენად თეატრი თვის მიზანს აღწევს.

ხოლო ეს კი შესაძლო გახდება იმ დიად მომავალში, რომელშიაც ადამიანი თავისუფლებას დაიმკვიდრებს, ყოველგვარ მონობისაგან თავს იხსნის და ახალის სიხალისით, მთლიანის ბუნებით მიეცემა თავისუფალ ცხოვრებას.

ამ რიგად, სავსებით განმტკიცება მთლიანობისა შეუძლია მხოლოდ მომავლის თეატრს, როცა თვით ადამიანის ბუნება იგრძნობს ამ მთლიანობას, როცა მისი დაწეწილი სული იქნეულობა-რეფლექსიისაგან განთავისუფლდება და მტკიცე ნება წარმართავს მის სვლას. თუ რამდენიმედ მაინც მართალია ზოგ მეცნიერთა აზრი, რომ ხელოვნება სავსებით აუხსნელია ემპირიულად, რომ შემოქმედი ძალა ქვეშეცნებული სულიერი ძალაა, რომლის საიდუმლოება გარდაღმა მხარეში იშლება, მაშინ, აშკარაა, ამ ქვეყნიურ ზრუნვისაგან განთავისუფლებული ადამიანი, უვნებლად შესცურავს ამ საიდუმლოებათა მორგევი და ხელოვნების ძალას, მის სტიქიას ორგანიულად შეურთდება, ეზიარება.

იგივე ვალდებული ამბობს, რომ „ესტეტიური სიამე უნდა განვიცადოთ ჩვენის ხსოვნისა. გამოღვიძება ამ ქვეშეცნებულ სულიერ განწყობილებისა ერთად ერთი პირობაა წმინდა მხატვრულ კონცეპციისა და სრულ მხატვრულ პროდუქციისა.“

დღევანდელი ადამიანი შებოქილია, იგი გატაცებულია ცხოვრების ენის ზოგადი მელიმე მხარეთი და სცდილობს ამ გზით იაროს, რომ მისი ბრძოლა არსებობისათვის თავისუფლების მოპოვებით დაგვირგვინდეს. ამიტომ იგი მთლიან ცხოვრებას ვერ ამჩნევს და, მხატვრის მიერ შექმნილ ახალ, მისთვის პრაქტიკულად გამოუსადეგარ მხარეს, ვერ ითვისებს. ამ მხრივ მომავლის ხელოვნება სრული იქმნება, იგი მთლიან ცხოვრებას ასწერს და მითი პრაქტიკულ ზრუნვისაგან განთავისუფლებული პიროვნება ხელოვნების აბსოლუტს ეზიარება.

ამ საკითხს, სხვათა შორის, ყურადღება მიაქცია თანამედროვე მეცნიერმა ან. ბერგსონმა თავის ლექციებში, რომლებიც წაიკითხა 1911 წ. ოქტომბრის უნივერსიტეტში.

იგი ამბობს, რომ მხატვარის შემოქმედებაში ახალი არაფერია, ყველა ის გრძნობანი და აზრები, ემოციები, რომლებიც მხატვარის ქმნილებაში იშლება, უქვეყელია, ბუდობდა ჩვენს არსებაში თავიდანვე; მაგრამ ჩვენ მათ ვერ ვამჩნევდით, რადგან გატაცებული ვიყავით დღიურ ქირ-ვარამით, პრაქტიკულის მიზნებით.

მაგრამ, ჩვენდა საბედნიეროდ, ჩნდებიან ადამიანები, რომლებიც ყოველ დღიურობაზე ზრუნვის მაღლა დგანან, რომლებიც მარტო წინ არ იყურებიან, არამედ მთელ ცხოვრებას ხედავენ და მხატვრულად სახავენ.

და ჩვენ მივიწყებული სურათები, განცდანი, გრძნობანი კვლავ წარმოვიდგება და უსაზღვრო ნეტარებას განვიცდით.

„ფაქტიურად,“ განაგრძობს ანრი ბერგსონი, „ადვილი დასამტკიცებელია — რამდენადაც გატაცებულნი ვართ ცხოვრების ზრუნვით, იმდენად მოკლებულნი ვართ ქვრეტას. და რომ მოქმედების აუცილებლობა ბოჭავს ხილვის სივრცეს... მხატვარნი კი ქვრეტენ იმისათვის, რომ უქვრიტონ... და სწორედ იმის გამო, რომ ხელოვანი ნაკლებად სცდილობს — უტილიტარულად გამოიყენოს თავისი განცდა და ხილვა, იგი სქვრეტს მრავალ საგნებს, ჩვენთვის უხილავს.“

ამ ნაირად, მომავალი პიროვნების თავისუფლება უზრუნველ ყოფს მას პრაქტიკულ ხასიათის უსაზღვრო ზრუნვისაგან, გახსნის მის ბუნებას და, უტილიტარულ თვისებათაგან თავისუფალი, იგი მრავალ ახალ საგნებს იხილავს. ახალ ქვეყანას იგრძნობს, რომელსაც მხატვრულად განაცხოველებს სასცენო ხელოვნება.

საინტერესოა ვიცოდეთ: შესაძლოა თუ არა მთელი ტანის ამეტყველება მომავლის თეატრში და მისი ჰარმონიული შეთვისება მოთამაშის, მსახიობის სულ-

თან. შესაძლოა თუ არა, გარდა სახის მოძრაობისა მიმიკის, ტანის შესაფერის რხევით, მისი ნაწილების გამოკვეთით, სულიერ ვითარების გარდაშლა სცენიდან.

რამდენიმედ ამის ელემენტებს დღესაც ვხედავთ და იგი ელინურ ხელოვნების გამომხაურებაა, რომელიც სხვა სახით ოდნავად შლის თვის მთავარ პრინციპს მთლიანობისას.

აიღეთ პლასტიური ცეკვა, ქ-ნ დუნკანის მიერ გაცოცხლებული ხელოვნება, რომელიც უნაკლოდ ხატავს შინაგან ტრაგედიას და სულის მთავარ მოძრაობას.

მაგრამ ამ მხრივ უფრო საინტერესოა დიდებული მოქანდაკე როდენი.

როდენმა სულ ახალი ტიპის ქანდაკებანი მოგვცა და მით დიდი რეფორმა მოახდინა ხელოვნების ამ დარგში.

დაწვრილებით მის შემოქმედებაზე ამ ჟამად ვერ შევჩერდებით, მაგრამ აღვნიშნავთ, რომ მან ახალის სახით აღადგინა ელინთა შემოქმედების მთავარი მომომენტი—მთლიანობა. ელინის ხალისიანობა, ვნებული წყურვილი და ჰარმონიული სული სავსებით გამოსკვივის, ხელოვნის მიერ პოვებულ, ფორმაში ქანდაკებაში. აქ იგი ქანდაკება ნათელია, მას არ ამჩნევია არც ერთი ნახაზი ტანჯვისა, არც ერთი ღარი გამოურკვეველობისადმი.

იგი სიმბოლოა სიცხადისა და მწყობრ სილამაზის მარმარილო ლამაზად თლილია, ისე ვით მოლივლივე, მტკიცე, იქვისაგან თავისუფალი სული ელინისა. აქ შინაარსი (სულის) სავსებით პოულობს შესაფერ, ჰარმონიულ ფორმას (სხეულს) და ორივე შეერთებული მშვენიერების სიმბოლოდ იქცევა.

ასეთივე სრული ჰარმონია და ერთობა დამყარებულა როდენის შემოქმედებაშიაც. მის მიერ ნაქანდაკევი ადამიანი იქვენეულობის შვილი, იგი სევდას შეუპყრია, იგი გრძნობს თვის უმწეობას ცხოვრების სისასტიკის წინ და მას საშინელ წყევლას უთვლის. ტანჯვის ცეცხლში ნაცადი სული საშინლად კვნესის; ის გულს იკაწრავს და გადმონადენ სისხლით ზეცის უკუღმართობას წაღევას უქადის.

ამ შინაგან ტრაგედიას სავსებით გამოსახავს მისი ფორმა, სხეული, რომელიც ტანჯვის ნაოქებს შეუპყრია და წამების ხაზებს დაუსერავს. თვალები ცრემლთა ოკეანეს წააგავს, რომლის სიღრმეში შურისძიების ცეცხლი ღვივის... იგი სკრის მაყურებელს.. უსაზღვრო წამებას სულისას სახავს სხეული. მაგრამ აქ მარტო არ თავდება ეგ მთლიანობა. ჩვენ დავინახეთ, რომ ელინის შემოქმედებაში ყოველი ნაწილი, ნაკვეთი ერთნაირად საინტერესოა და, სახის ნაწილებთან ერთად, სხეულის სხვა ნაწილებიც აშკარად სახავენ ელინთა მთავარ სულის კვე-

თებას. იგივე მთლიანობა სხვა და სხვა ნიწილთა ახასიათებს როდენსაც, მისი ქან-  
დაკების სახეს ხშირად ვერ ხედავთ, მაგრამ მისი სულის ტრაგედია კი სწრაფ იმ-  
ლებს, რა დაინახავთ სხეულის ნაწილებს: ხელებს, ფეხებს, კუნთებს, მხარ-ბეჭს  
და სხვ... საშინლად დაქიმული ძარღვები, სხეულის ნაწილი განსაზღვრული მი-  
ხვრა, აჩქარებული სისხლის ცემა, ყველა ეგ აშკარად ყოფს მის უმწეობას და  
საშინელ ტრაგედიას, ახალი საშუალება უსიტყვო მეტყველებისა. ამნაირად, ჩვენ  
ვხედავთ, რომ ელინთა ჰარმონიული მთლიანობა როდენმა, თანამედროვე საუ-  
კუნის წამებულმა შვილმა, წამებაში აღადგინა... **მთლიანობა ტანჯვაში...** მაგ-  
რამ საინტერესო ისაა, რომ ამგვარი აღდგენა (სხვა სახით) და ახალი საშუალე-  
ბით მეტყველება შესაძლო ყოფილა.

მომავლის შვილი, თავისუფალი, მზის მოყვარული ხალისიანობით შეპყრო-  
ბილი, ადამიანი ამ მთლიანობას ძველ ელინურ სახით აღადგენს და მის შემდგომ  
ეს ახალი საშუალებით მეტყველება დიდ ადგილს დაიჭერს მის განახლებულ  
სცენაზე.

## 5

როცა მომავლის თეატრზე ვლაპარაკობთ, გვერდს ვერ ავუხვევთ ისეთ ძლე-  
ვა-მოსილ ხელოვანს, რომელმაც მთელი ძალღონე ამ ახალ თეატრის საძირკ-  
ვლის ჩაყრას მოანდომა.

ეს არის ცნობილი კომპოზიტორი, გენიოსი ადამიანი რიხარდ ვაგნერი.

მაზედაც მხოლოდ ორის სიტყვით შევჩერდებით ამ ჟამად.

ვაგნერი ხედავდა თანამედროვე ცხოვრების უკულმართობას, უსაზღვრო წა-  
მებას და მისი რევოლუციონური ბუნება ვერ ურიგდებოდა ამ საშინელებას.

„ჩვენ გვწამს,“ ამბობდა იგი, „კაცობრიობის აღორძინება და მთელ ჩვენ და-  
ლას მოვხმართ მის განხორციელებას. იგი შესაძლოა აღდგეს ხელოვნების სა-  
შუალებით, ერთად-ერთ, მთლიან, განუყოფელ, — **ხელოვნება-რელიგიის** საშუა-  
ლებით...“

აქედან აშკარად სჩანს ის დიადი როლი, რომელსაც უკვდავი ვაგნერი ხე-  
ლოვნებას აკისრებდა. მას სწამდა, რომ ეგ ხელოვნება უნდა გადასულიყო მთელ  
ხალხში და იგი ერთიანად აემოძრავებინა, ვით ცხოველ მყოფელ რელიგიურ და-  
ლას.

ხელოვნება ადამიანის ცხოვრების უაღრეს მომენტად მიაჩნდა მას.

ვაგნერი, რომელზედაც დიდი გავლენა იქონია შოპენჰაუერმა, ბუნების და

მსოფლიოს მხატვრულ შეცნებას უფრო მაღლა აყენებს, მინამ მის თეოლოგიულსა და მეცნიერულ შესწავლას.

„ადამიანი ლაპარაკობს ბუნებასთან“, ამბობს ვაგნერი, „და უკანასკნელიც უპასუხებს მას, განა ამ საუბარის დროს იგი უფრო უკეთ არა სცნობს მას, მინამ მეცნიერი მიკროსკოპის ქვეშ? მეცნიერებაზე ზრუნვა, რამდენაც მაღლა უნდა იდგეს იგი, ვერასოდეს ვერ მიადწევს უმეშვეო გავლენას ხალხის სულზე, და მას კულტურულ-ისტორიული აზრი მხოლოდ მაშინ ეძლევა, როცა მეცნიერება აგვირგვინებს ხალხის განათლებას; ხალხის აღმზრდელად მარტო ხელოვნება რჩება...“

კი, მაგრამ, როგორია თვით ხელოვნება ვაგნერის წარმოდგენით? როგორ უნდა გამჟღავნდეს იგი გარეგნულად, რომ მიზანს მიადწიოს.

აქ გამოდის ავტორი რეფორმატორის როლში, რომელიც დაქსასულ ხელოვნებას აუბრალოებს და ერთ სინტეზისაკენ ხრის. მრავალ ხელოვნებათა ნაცვლად, იგი აღიარებს ერთ, განუყოფელ ხელოვნებას, რომელიც სცენიდან სახიერდება, მსახიობთა მოქმედებაში იშლება.

ახალი დრამა იტაცებს ვაგნერს და ამ დრამას ქეშმარიტ-ადამიანურს (reimenschliches) უწოდებს იგი. ამ დრამის მთავარ ძალას იგი მუსიკაში ხედავს „რომელიც სხვა ხელოვნებასთან იმგვარ დამოკიდებულებაშია, ვით რელიგია ეკლესიისადმი.“ იგი სტიქიური ძალაა, იგი ისეთ ენას გვანიჭებს, რომლითაც გამოითქმის უსაზღვროება. ხშირად ხალხი შეთანხმდება ხოლოვ სიტყვებში, მარა გრძნობებში კი ვერა და აი, მუსიკა გადალახავს ამ დაბრკოლებს და ერთის გრძნობით წარიტაცებს ყოველს.

ამ რიგად ჩნდება ახალი ტიპის სცენა, მოპავლის თეატრი, რომლის მეტყველება გადმოიცემა, სიტყვასთან ერთად, ხმებში, მაგრამ ეს თითქოს აქამდისაც იყო, იფიქრებს მკითხველი ოპერებზე, მაგრამ შეცდება, რადგან იქ სხვის შემოქმედებას, ინდივიდუალურ ქმნილებას ახალი ინდივიდუალობა თავისებურად ახმაურდება მუსიკაში და მით **მთლიანობა ირღვეოდა**, აქ კი ვაგნერმა აუცილებლად აღიარა, რომ **მუსიკოსმა თვითვე შექმნას მხატვრული ნაწარმოები ყოველად სრული** და მანვე განახორციელა იგი „ტრისტანსა და იზოლდაში“ და სხვებშიაც. ამ რიგად იგი მიწვდა ახალ ხელოვნებას, ახალ თეატრს. მისი განხორციელებაც მომავლის საქმეა და ეს დიდებულმა მხატვარმა ინტიუიციით შეიცნო და სთქვა: „საცა მშვიერებია იქ ხელოვნება არ არის; იგი იქ არა სჩანს, საცა კაცობრიობის ერთი ნაწილი იმდაბლებს თავს და იწიხლება არსებობისათვის სასტიკ ბრძოლაში, ხოლო კი მეორე განცხრომაშია და არას აკეთებს...“

მაშასადამე მომავლის თეატრი თვის მეტყველებას სიტყვაში, ტანის რხევაში, მუსიკაში, მიმიკაში და მრავალ სხვა გზებში პოებს. იგი თავისუფალი გახდება და საერთო სინტეზი შეიქმნება ხელოვნებისა.

ამავე დროს, იგი გახდება სახალხო, დაუახლოვდება მთელი კაცობრიობის გულს და ყველა იგრძნობს მის ძლევა-მოსილებას. ამ გვარ ტენდენციას თეატრის სახალხო ხელოვნებად ჩეკევისას დღეს ვამჩნევთ გერმანიის სხვა და სხვა ნაწილებში, განსაკუთრებით ბავარიაში და, შესაძლოა, აქედან, რამდენიმედ მაინც განვითარდეს ის ძალა, ის შემოქმედი ძალა ხელოვნებისა, რომელიც ვაგნერის სიტყვის თანახმად, გარდაიქცევა რელიგიად, ახალ ცხოვრების მშვენიერ ქვაკუთხედად...

ქ. ღორბატი, აპრილი 1913 წ.



სარედაქციო კალეკია:

- ივ. გომართელი
- ს. აბაშელი
- პ. ირეთელი
- არ. რუხაძე
- ობოლი მუშა

1919 წ. დეკემბრიდან გამოდის ყოველ-თვიური სამხატვრო-სალიტერატურო ჟურნალი

## „ც ი ს ა რ ტ ყ ე ლ ა“

გამოცემა რკინის გზის მუშა-მოსამსახურეთა პროფესიონალურ კავშირის ცენტრალურ გამგეობასთან არსებულ კულტურა-განათლების კომისიისა.

ყოველგვარ პირობების გასაგებად მსურველებმა უნდა მიმართონ ამავე კომისიას,—თბილისი, ელისაბედის ქუჩა, № 200.